


COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLVMINIS II PARS I.

LIPSIAE

APVD IOH. FRIDERICVM GLEDITSCH,
venduntur etiam
AMSTELODAMI apud PETRVM MORTIER.
M D C C L I I I.







I.

Commentarii societatis regiae scientiarum Gottingensis, Tomus I. ad annum 1751. Gotting. apud viduam Abrami Vandenhoeckii, 1752. 4. 2 alph. 2½ pl. praef. et historia. pl. II. tab. aen. XVI.

Indulgentissimi regis magnae Britanniae GEORGII SECUNDI nutu stabilita, variisque privilegiis munita haecce societas, cuius etiam mentionem magna fecimus cum voluptate, * susceptorum suorum laborum primos nunc edere coepit fructus, eo magis elegantes atque maturos, quo celebriora ea sunt, quae unitis viribus in elaborandis variarum doctrinarum capitibus occupantur, membra. Eum vero illa praefixum cum habeant scopum, ut non ab humanitate dictas solum, sed physicas etiam, universam considerantes naturam, et mathematicas illustrare annitantur doctrinas, in tres diuiduntur socii classes, in historico philologicam scilicet, physicam et mathematicam, quibus praeter ordinarios, alii honorarii dicti, inter externos etiam versantes, adiuncti fuerunt. Horum

A 2

omnium

* Commentar. Vol. I. P. I. pag. 149.

omnium veneranda maximam partem atque colenda nomina, simul cum iis, quibus adstricti sunt, legibus privilegiisque, accurata suppeditat, quae primo loco occurrit, societatis historia. Pro ea tamen, quam in referendis eius modi societatum commentariis huc usque sequuti sumus, consuetudine ex per multis optimeque exasciatis profundae scientiae specimenibus ea tantum sumus paullo accuratius proposituri; quae in medicis scientiaeque naturalis momenti declarandis versantur. Priuatim antea conueniens societas, die 10. Nouembris praeteriti demum anni prima publice comparuit vice, ipso Regis serenissimi natali die, quo illam Illustris eius praeses ALBERTVS V. HALLER singulari inaugurauit oratione, quam ipsis adhuc commentariis praemissam esse deprehendimus. Praeterimus ea, quae de singularibus Gottingensis academiae praerogatiuis abunde testatur Cl. Orator, discrimen potissimum, quo societas erudita, a studiorum sic dicta uniuersitate distet, demonstraturus. Non est, cur negetur, antiquioribus temporibus parum in promouendis augendisque scientiis fuisse laboratum, nostroque demum seculo illam reseruatam felicitatem, qua ad perfectiorem studia fuerint euecta gradum. Non tamen per academicorum doctorum indagacionem multum accedere potuit emolumentum, quippe qui pro suorum ratione officiorum studiosae exponentes iuuentuti ea, quae scitu sunt necessaria, discipulis vero viribus ingeniisque apta, in promouendis expoliendisque doctrinis tempus terere impediuntur. FELIX namque PLATERVS, dimidio seculo, in trecentis cadaueribus anatomen demonstrans, vix tantillum noui proposuit, potuitque proponere. Societatum potius seopus, non docendi quidem, sed inueniendi noua perficiendique cognita, ad summum tandem perducere potest doctrinas culmen, et ex tenebris protrahere obscura maximeque
abscun-

abscondita, decerpendo ea, quae unicuique socio-
rum vel maxime placent, vel pro tanta ingeniorum
varietate a singulis optime possunt declarari, non
coactis, quo vasto sese scientiarum immergant gurgi-
ti. Et haec praecipua sane societatum singularium
felicitas tanta etiam est, ut reliquas, ex amicorum
conuersatione, doctrinarum diuersitate, aemulatio-
nisque incitamento enatas, et pro more concinne
studioseque a Cl. Auctore propositas, tacere quea-
mus. Prius vero ad ipsorum commentariorum,
quam accedamus recensionem, non possumus non,
quin moneamus, a IOANNE DAVID MICHAELIS,
Phil. Prof. Ordin. et Societ. Secretar. laudando ad-
modum, et ab aliis huc usque seruato modo, breuem
omnium, qui in iis continentur, commentationum
praemissam fuisse delineationem. Ad nos autem ex
iis pertinet :

ALBERTI V. HALLER *commentatio de hermaphro-* p. 1.
ditis et an dentur? * Copiosissima ab auctoribus va-
riis recensentur hermaphroditorum inter animalia
reperiunda exempla, pluribus etiam opinionibus
fouendis inde natae sunt occasiones. In iis conqui-
rendis dilucidandisque, sine quarum cognitione
firmi nihil et indubitati statui posse optime praeui-
debat perspicacissimus HALLERVS, ita suam de iis
exposuit mentem, ut completam hanc de herma-
phroditis commentationem summo appellare liceat
iure. Ita vero in perficiendo suo themate versatus
est Ill. Auctor, ut occasionem scriptionis primo in-
dicet, deinde vero, aliorum excitatis exemplis, clas-
ses hermaphroditorum constituat, tandemque, num
veri quidam dentur, ex his conficiat. Offerebatur
nempe ipsi aries, cui praeter scrotum, vuluae quid-
quam simile in perinaeo erat, et in quem alii arietes
libidine ferebantur, quare factum est, ut pro her-
maphro-

- p. 2. maphrodito haberetur. Sectio demum veritatem rei reuelavit, qua testes in scroto deprehendebantur optime constituti, penis in praeputio fixo atque praelongo, urethra tamen destitutus, sulco, per inferiorem partem penis decurrente, instructo. In perinaeo longa rima rubra, cruenta, tenera, ab imo pene ad anum deducta conspiciebatur, ibi in profundiore sinum terminata, cum vagina muliebri quodam modo conuenientem. Aperto vero abdomine reliquis genitalibus partibus omnibus integris, urethra inter duo corpora cauernosa transiens, in dictum illum sinum inserta detegebatur. Quem quidem in perinaeo sinum non raro deprehendi, varia praeter hoc Cl. Auctorem edocuere exempla, et hominum et brutorum animantium, haeduli praecipue, in quo praeter ea penis admodum brevis, testiculorumque accedebat defectus, qui vero, sua epididymide instructi intus in abdomine eo haerebant in loco, ubi mulierum posita sunt ouaria; alique iam ante eum, quos liberaliter recenset, viderunt viri. Omnia autem haec subiecta pro feminis habebantur, marium simul officio defungentes. Et haec prima hermaphroditorum classis est, omni dote mares sub se comprehendens, femininis destitutos ad generandum partibus. Altera classis verarum est mulierum, quorum longior clitoris aliquam virilis sexus speciem refert, quae tamen in foetu omni, prae adultioribus, magis eminet, nec non in calidioribus regionibus frequentissime ad nimiam molem intumescit. Huius etiam classis numerosa dantur, ab auctoribus annotata, exempla, studiose ab Ill. Auctore congesta. Incitatus tamen tam copiosis, ab aliis adsumtis, hermaphroditorum exemplis, ad eam fuit disquisitionem deductus, num veri existere queant hermaphroditi? Summam vero bene intelligens difficultatem, quae est in uniendo utroque in uno corpore sexu, conuenientiam parrium, generationi destinatarum, utriusque
lexus
- p. 5.
- p. 12.
- p. 16.

sexus primo rimatur, deinde feminae corpus virilis urethrae fabricam situmque non admittere, acceleratorem, ad emittendum sperma maxime necessarium, musculum ob vaginae positum applicari non posse, penemque ipsum, ob eiusdem vaginae praesentiam debito modo dirigi nequire ostendit, iisque, quae in haedulo factae sunt, observationibus confirmat. Interim non repugnare plane asserit, dari forte debili pene et arcta vagina simul instructos homines, in primis, quod omnes fere gentes semi virorum classem esse autumarunt. Licet negandum non sit, eam ipsam sententiam confirmatam fuisse exemplis non accurate satis disquisitis, quaedam tamen ex iis sunt, quae, nisi fidem historicam negemus, aut errorem insignem anatomici subesse, assumamus, utrumque sexum et in homine fuisse coniunctum, probabile reddunt. De piscibus enim nonnullis et insectorum quibusdam classibus explorata res est, de hominibus idem adducta FABRI, COLUMBI, PETITI exempla euincunt. Sin igitur veri quandoque dantur hermaphroditi, num illi a spuriiis per certa quaedam signa distingui queant, ultimo Cl. Auctor dispicit loco, in adultis euentiora, in recens natis difficillima ea esse statuens. Virum esse illum, qui hermaphroditus habetur, produnt *facies hirsuta, robusta barba, ani pilosus ambitus, semen, veneris cupido alterius generis, testes, testium vasa spermatica suis per eutem nodulis conspicua, mensura humerorum latior, femorum angustior*. Feminam vero arguunt, *glabritas, mollities corporis, leues genae, levisque ani ambitus, menses, defectus vasorum spermaticorum testiumque, cupido veneris, quae feminam decet, femora latiora, quam humeri*. In discernendis praeter ea illis signis, quae manifestant, ad quamnam hermaphroditorum classem illud pertineat subiectum, de quo quaestio mouetur, anatome consulenda est. Penis itaque, corporibus cauernosis maioribus instructus,

eandem ac penis virilis directionem habentibus, praeputium tectus, frenulo infra adhaerente, marem esse declarat, licet rima in perinaeo sit, dummodo in ea hymen non detegatur, neque osculum uteri, neque sub urethra asperitas columnarum uteri. Feminam vero esse diiudicamus ex iis, quae sectio corporum de clitoride eiusque situ docuit, nympharum, hymenis vaginaeque exploratione. Ex quibus signis etiam, de coniugio ineundo soluendoque desumi debent iudicia. Dissectione haeduli, supra adducti, simul etiam Cl. Auctor reperit, nullum esse illum, quem ab Highmoro vocant, testiculi ductum, sed cellulosa, vascula epididymidis circumeuntem, substantiam.

P. 41. *De exiguo, qui adhuc appareat, observationum meteorologicarum usu* disseruit Cl. HOLLMANNVS, eo dignior, qui audiatur, quod eum sedulo observationibus meteorologicis incubuisse, nec infelicitur, constat. Barometra minus recte, ut tempestatum praenuncios, considerari monet, cum in Trans. phil. n. 492. ostenderit, inter gravitatem aeris, quam fida baroscopia indicant, et tempestates, nexum, unde praedici hae a nobis possint, intercedere nullum. Ita notavit ipse, vix mutatis thermometris insignes tempestatum mutationes contigisse, alio tempore tales non apparuisse, cum barometra fere per duas tertias scalae variata fuerint. Caloris et frigoris gradus, thermoscopiis adnotati, usui nulli sunt, nec ad futuros praenoscendos aut effectus illorum nocuos praecauendos, nec ad damna, quae inde nata sunt, dum memoria illorum servatur, lenienda. Idem de ventorum observationibus et similibus iudicat. Aquae vero pluuiialis, de coelo dato tempore v. g. annuo spatium cadentis mensuram, cum MARIOTTVS ad fontium origines explicandos traxerit, quae huic ratiocinio desint, fusius explicat. Inter usus tamen harum observationum numerat, quae in dato loco constans reperitur,

reperitur, altitudinem mediam barometri et adeo pondus medium atmosphaerae, minores altitudinum barometricarum versus aequatorem, quam versus polum variationes; generalia, quae de calore et frigore in diuersis regionibus ex obseruatis deduci possunt, ubi v. g. constet, Goettingensi regioni coelum adeo asperum non esse, ut exteri queruntur, cum eodem tempore in aliis Germaniae regionibus, Galliae australioris, ipsius Italiae superioris partibus, multo maior tempestatum inclementia fuerit obseruata. Iubet igitur obseruationes meteorologicas quam plurimas instituere, cum inter has paucae magni momenti existere possint, aliter, nisi ex tanta multitudine seligi possint, non obtinendae. Addimus nos hac occasione inter praecipuas exigui obseruationum meteorologicarum usus causas hanc esse, quod nulla sit inter obseruatores societas, neque soleant eodem tempore in pluribus locis obseruata comparari. Ad commercium eiusmodi obseruationum instituendum diu inuitauerat IVRINVS, cuius scriptum exhibet LEVTMANNVS in tr. *de instrumentis meteorognosiae inseruientibus*, recentissime vero idem monuit KRAFTIVS in *Comm. Petrop.* T. XI. pag. 264. sqq. Videmusque non infelici omnino successu haec tentata fuisse in *den Breslauischen Sammlungen*, etsi obseruatores non semper fuerint, qui esse debebant.

IO. MATTHIAE GESNERI *de animabus* HERACLITI p. 67. et HIPPOCRATIS ex huius libro I. *de diaeta*, disputatio. Quam anno iam trigesimo huius seculi septimo de hoc argumento publici iuris fecerat Cl. Auctor academicam scriptionem, et illustratam deinde Berolinensis academiae commentariis * commiserat, eam nunc

A 5

con-

* Confer. *histoir. de l'acad. Royale des sciences de Berlin.* T. I. a Berlin 1746. 4. *Hist.* pag. 81. *Memoir.* p. 101. seq.

confirmatam et ab obiectionibus, a Cl. ERVCKERO cum eo communicatis, liberatam proponit. In limine statim praemonet, sibi videri, ac si HIPPOCRATIS sit primus, de quo nunc agitur, de diaeta liber, ex eo, quod quatuor illa elementa eorumque qualitates, aequae ac aliae Heracliticae sententiae, in aliis etiam ipsi non abnegatis libris inveniantur, et stilius ac dictio reliquis Hippocraticis similis sit. HERACLITVM deinde cum HIPPOCRATE quoad hoc argumentum idem sensisse in ipsa tractatione videre est, in qua tamen non philosophum, sed historici tantum atque

p. 75. philologi personam acturum se esse monet. Sequitur haec *systema animarum Hippocraticarum ex collectis HERACLITI sententiis suppletum et Pythagoreis placitis subserviens*, cuius, supra iam indicatae dissertationi olim annexi, nunc vero commentario illustrati et aucti, summa haec est. Anima est id, quod motus sui in se habet principium, seu mediante quo homines et animantia viuunt, siue illud cum corpore coniunctum cogitetur, siue iam ante corpus extiterit, vel post illud adhuc superfit. Harum animarum omnia plena sunt. Humanae itaque animae, ignis et aquae mixtione et ipsae temperatae et oberrantes, omnia futuri hominis membra iam habent, euolunda atque augenda. Intran in viros aequae ac feminas, ut et in reliqua animalia, non sentientibus ipsis, cum spiritu; ad genitalia deinde vasa delata, in iis, ut loco opportuno, crescunt, corpus acquirunt et sexus discernentia membra, quoad prima stamina et conformationem generalem eadem, a vario deinde victus et nutritionis genere diuersimode euoluta et explicata: In congressu maris cum femina, ex utriusque vasis excernuntur et profiliunt plures eiusmodi animae, auctae, maturae atque sexu discretas, seu animalcula proprie sic dicta plura, ex quorum copia corporis etiam robur pendet. Harum animarum duae sibi occurrentes et probe temperatae, uniuntur in unam

unam, et unicum animal constitunt, quod, si in sic-
cum uteri locum deuenit, in eo alimentis matris
nutritur, et, pro diuersa illius diaeta, diuersam na-
turam accipit, tandemque nascitur. Cum porro in
nihilum quicquam non redigatur, separatae per
mortem animae a corporea mole, in eum iterum sta-
tum rediguntur, quo sensus nostros fugiunt, et no-
uam sortem expectant. Elegantem omnino huius,
quod Loewenhoeckiano adeo dissimile non est, syste-
matis, ex eius auctoribus depromptum, quae dicta
confirmet, hisce lemmatibus apponit Cl. Auctor ex-p. 109.
plicationem, et, ea perfecta, illam Hippocratici li-
bri de diaeta primi subnectit partem, quam, pro-
pria olim interpretatione variisque, ut dicunt, le-
ctionibus, hinc illinc auctis, illustratam, in disserta-
tione proposuerat, utpote ex qua ipsa Coi, huc us-
que indicata, de animabus sententia, clare satis per-
spici potest. His tandem nouum additum est *corol-* p. 145.
larium de repraesentatione animarum sub imagine papi-
lionis. In eo is est Cl. Auctoris animus, ut, quas-
dam eruditorum obiectiones refellens, mirabilem
erucarum in papiliones transmutationem, ut vete-
ribus iam cognitam, optimis ARISTOTELIS verbis con-
firmet, papiliones vero *ψυχὰς* iam tum vocatos
fuisse ostendat, ita, ut inde omnino, nominis so-
cietatem et ipsam illam, quam HIPPOCRATES fouet sen-
tentiam explicare queamus, papilio praeter ea, vel
puella eius alis praedita, Psyche Cupidini amatae
symbolum sit. Ex reliquis autem, quae animarum
Hippocraticarum naturam explicant, monumentis il-
lud, figura apposita, illustrandum sibi sumit, quod
in *admirandis Romanorum antiquitatum ac veteris*
sculpturae vestigiis aequae ac in *Sandrartiana Deorum*
iconologia habetur, et arcae sepulchralis circuitum haud
dubie impleuit. Illud primo ortum hominis, par-
tim ex fabula Promethei, partim ex quatuor illis
elementis HERACLITI, partim ex originibus Mosaicis,
vitam

vitam deinde, imagine Promethei, caucaso affixi, ab Hercule liberandi; mortem tandem cum consequentia, symbolo consueto, tum philosophorum, tum iudaico Eliae, expressa sistit. Nos, cum nec figuram, neque ipsam eius eruditam explicationem, hic exhibere possimus, papilionem, capiti statuae, a Prometheo formatae, impositum et eam inde animantem Mineruam, Psychem deinde papilionum alis instructam, ipsum denique, ad inuersam et cadaueri recens demortuo impositam extinctam facem, applicatum papilionem, ut praecipua, quae ad rei demonstrationem pertinent, notamus momenta. Ad finem primi huius commentariorum voluminis quod positum est, ad hanc dissertationem referendum auctuarium, varia, eaque non contemnenda eruditae huius disquisitionis continet additamenta.

p. 201. ALBERTI V. HALLER *observationes botanicae* * *ex horto et agro gottingensi*. Stirpes novas aut minus notas describere & delineatas exhibere primarius observationum scopus est, et ad novas quidem stirpes plures cyani species pertinent, quae ex seminibus a GERBERO olim missis, in horto prouenerunt. Harum est:

1) *Cyanus calycis plumulis reflexis, foliis lingulatis subhirsutis*: Caules contorti, in cespite nascuntur, cubitales, erecti, ramosi, hirsuti; folia sessilia, ad caulem utrinque appendice breui, retrorsum eunte nata, producuntur sensimque decrescunt, sine neruo medio conspicuo, pilo vero molli obducta sunt. Flos ex minoribus in hac gente est, cuius radiales flosculi purpurei, interiores albidi. Calycis foliola imbricata, viridia, triangularia, linea alba diuisa, quae exit in plumulam fuscam, in semicirculum flexam, quae ex capillari neruo capillares pariter fuscas pennas emittit.

2) *Cyanus*

* Lectae sunt die 7 Augusti an. 1751.

2) *Cyanus calycis plumulis reflexis, foliis pinnatis.* p. 202.

Huius plantae, a GERBERO *iaceae laciniatae, calycibus minimis, flore purpureo*, nomine insignitae, elegans hic datur delineatio. Caulis quodammodo durus et asper, angulosus, ad quinque pedes adsurgit, et in summitate ramosus euadit; folia radicalia palmaria, neruo ora foliacea aucto, pinnarum paribus quatuor vel quinque, ouato lanceolatis, dentatis, subhirsutis cum aliqua durtie, extrema pinna maxima bis saepe incisa, ad neruum non nunquam trifida est; superiora folia pinnas habent simplices, neruumque latissimum, suprema denique simplicia sunt et lingulata, Flores priori speciei fere similes, in quauis vero calycis squama nigrum est spatium, pinnis capillaribus nigris ornatum, et sine reflexo spadiceo.

3) Non multum dissimilis alia est planta, cuius ne- p. 203.
que ortum nouit, neque nomen detegere potuit Ill. Auctor. Differt vero foliis laciniatis et summis lanceolatis ferratis, molliter per oram spinosis; squamis calycinis rectis, non ramosis, rigidis, semine non papposo. Dicitur *rhaponticum calycis spinulis mollibus longissimis*.

4) *Cyanus foliis pinnatis, tomentosis, pinnis, subrotundis, flore beluulo.* Cum *iacea capitata laciniata* multa haec planta habet communia; folia pinnas ad decem saepe habent, plerumque obtusas, aliquando lingulatas, iuniora tomentosa sunt, et in adultis eorum modo nerui. Caput grande squamas habet imas tomentosas, ora et pilis lateralibus fuscis, superiores additamentum squalens, fuscum, ciliatum ostendunt. Icon apposita bene plantam refert.

5) *Cyanus foliis tomentosis petiolatis integris et pin-* p. 204.
natis. A Cl. GMELINO planta nomine *centaureae foliis integris et diuisis lanuginosis caule procumbente* missa fuit. Caulis pedulis, inclinatus, ramosus; folia radicalia alia petiolata, lanceolata, molli tomento obsita, dentata, alia pinnata sunt, pinnis tribus
vel

vel quatuor parium lanceolatis, cauli adhaerent simpli-
cia ovato lanceolata. Squamae calycinae maxima pars
sicca est. appendix, ciliata, subfusca, splendens.
Flosculi exteriores quinquifidi, purpurascens, et
semen abortivum habent, et filamenta inutilia. Qui
enim in hac plantarum classe steriles flosculi dicuntur,
sunt fere semper androgyni abortivi, quod contra
LINNAEVM in primis Ill. Auctor monet.

p. 205. 6) *Cyanus foliis glabris, radicalibus integris et pin-
natis, bracteis calycis siccis, splendentibus.* Quam
plantam ipse Ill. HALLERVS in Transactionibus phi-
losophicis no. 472. p. 94. et descriptam et deline-
tam dedit.

p. 206. 7) *Rhaponticum foliis pinnatis, pinnis serratis, squa-
mis calycis rotundis.* Folia habet glabra, virentia,
pinnata, ora vix foliosa, pinnarum paribus quinque aut
sex angustis, serratis; caulem pedalem, florem gran-
dem ochroleucum, calycis squamas imas simplices,
superiores appendice foliacea, fusca, simplici orna-
tas; flores steriles in tres vel quatuor lacinias fissos,
filamentis aliquot abortivis donatos.

8) *Cirsium elatius polycephalum, foliis imis integris,
superioribus latis, profunde laciniatis.* Hoc nomine
notatam plantam in stirpium Helueticarum Enum.
p. 682. recensuit Ill. Auctor, atque ibi suspicionem
fouet, eandem esse cum alia, ibid. p. 681, *cirsium
inermis glabrum foliis ciliatis dentatis* nominata. Quod
nunc certo affirmat atque ideo novum nomen fecit,
dixitque *cirsium foliis ciliatis imis ovatis, superioribus
semipinnatis*; cuius etiam icon hic exhibetur.

p. 207. 9) *Valerianella tetraestemon, semine foliolo innato.*
Dedit aliquam, ast, ut Ill. Auctori videtur, errone-
am descriptionem AMMANNVS stirp. Ruthen. no. 26,
nomine *valerianellae procerae, folio varie secto, semine
galericulato.* Iconem, quae naturalem plantae ma-
gnitudinem refert, nitide sculptam HALLERVS nunc
sistit. Radix perennis est, habitus plantae durus;

gluma lata semen continet, cuius inuolucrum duabus faciebus, totidemque sulcis distinguitur, huic infistit flos irregularis flauus; stamina duo longiora, minora duo, quorum ima filamenta barbata sunt; stylus versus minora floris segmenta flexus, sine fungoso; semini maturo folium pallidum ouatum substernitur, cui cum suo inuolucro ipsum infidet. Cum itaque haec valerianellae species quatuor habeat stamina, aliae vero modo unum, aliae bina, plurimae tria, et cum porro aliae florem imperfectum et relatiuum gerant, docet per exempla Ill. Auctor, stamina a natura non pro maximi momenti signis haberi.

10) Noui generis, ab Ill. Auctore in actis Upsal. p. 208. 1742. p. 51. constituti, et *Amethystinae* nomine insigniti delineatio. Quam una cum verbenae in didynamiis relinquendam, non vero a classe, cui toto habitu consentit, reuellendam esse monet. Ratio quoque Ill. Virum latet, cur a didynamiis suis verbenam LINNAEVS separet, et diandriis accensere pergat, cum omnes verbenae ipsi notae tetrandriae sint. Saluiam praeter ea ad eandem classem referendam esse ostendit, cum in illa specie, quae aurita et non aurita dicitur, in posteriori staminis parte subrotunda purpurea, albo polline conspicua anthera adfit.

11. 12) *Salvia caule nudo, spica florente pendula*. p. 210. Icon hic data melius certe florem exprimit, quam illa, quam nuper KRASCHENINNIKOWIUS * exhibuit. Accurata quoque est, quae nunc hic traditur, totius plantae descriptio.

13) *Phlomis foliis cordiformibus, galea lacera*. Quae p. 211. ab AMMANNO no. 48. minus accurate descripta et *phlomis fruticosa urticae foliis floribus purpurascens* dicta

* Vid. nov. comment. acad. Petrop. tab. 14. conf. nostros comment. Vol. I. Part. 2. p. 235.

dicta fuit, et minuta et naturali magnitudine nitide delineatur, atque accurate describitur. Notamus modo: folia esse cordiformia, dodrонтalia, inferiora hirsuta parum, superiora glabra rugosa, serrata; caulem bipedalem, purpureum, verticillos ex numerosissimis floribus congestis densissimos, calycem incurvum tubulosum, quinque eminentibus lincis insignitum, dentibus tribus superioribus acutis, inferioribus duobus capillaribus; florem pallide purpureum, superne hirsutum, ora galea barbata, bifida, trifida, et plurimis minoribus dentibus insignita, semina triquetra. A calyce et seminibus sumto caractere ad phlomidem referri debere Ill. Auctor existimat, licet corolla a reliquis speciebus recedat, et neque trifida caua barba, neque medio segmento euidenter lato et emarginato sit.

p. 213. 14) Ex papilionacea plantarum classe *Trigonellam* LINNAEI Hort. Cliff. 378. sculptam et descriptione illustratam Ill. Auctor proponit. Haec autem cum reliquis trigonellae speciebus, quas LINNAEVS * huic associat, nihil commune habet. Neque enim fructus consentit, cuius merito magna in papilionaceis dignitas est, in hac enim ille planus est et membranaceus, in *foenugraeco* longus, gracilis et incurvus. Neque flos idem est, cuius partes in *foenugraeco* strictae, et sibi proximae, alae vero in plerisque carina breuiores. Hancce trigonellam nomine *meliloti supinae latifoliae, siliqua lata membranacea compressa* AMMANNVS ** sculptam dedit. Et iure forte cum meliloto coniungi posse, Ill. HALLERVS monet.

p. 215. 15) Planta, quae nunc sequitur, licet noua non sit, a nullo tamen descripta est, neque data figura, quae usui esse possit. Utrumque praestitit Ill. Auctor.
Radicem

* Vid. Hort. Upsal. p. 229.

** Vid. Act. Petropol. tab. 8. pag. 209. Conf. etiam stirp. Ruthen. pag. 119.

Radicem ea habet teretem, fibris instructam, ut orchides solent. Singulae radici duo insident tubera, carnosâ, viridia, et singulum horum singula foliorum triangularium vagina conica regit. Singulum etiam suum caulem producit, qui duo fere folia ovata, acuminata fert; spica brevis, nec densa est, nec foliis distincta. Flores petalis distantibus nulli orchidi aut helleborine satis similes, luteo viridescente colore sunt picti. Cuculli petala tria, ovato lanceolata, duo filiformia sunt, et eorum duo lateralia propendere, et sexto petalo contigua esse, solent. Sextum hocce, siue labellum, cochleari simile, cauum, aequaliter in apicem extenuatur, non dissimile helleborines. Staminum denique machina huic generi nostram adsociat, quae cylindrica est, una pariter anthera foeta, sub qua duae ovales appendices sunt. Quare, cum ad orchidem pertineant cuculli duo apices recondentes, helleborines vero bilabiarus cylindrus antheras ferat, plantam nostram cum helleborine manere posse, etsi radice cuculloque nulli alteri speciei satis similis est, Cl. VON HALLER arbitrat. Hinc etiam ab iis notis dixit *helleborinen bifoliam, radice bulbosa, cucullo sparso*. Descriptionem plantae nunc excipit historia, ubi ostendit, quinam post LOBELIUM*, qui primus fuit, et nomine *chamaeorchis aggerum Zeelandiae* hanc delineatam dedit, huius mentionem fecerint, et quatenam vera sint et genuina eius synonyma. Qua in re cum LINNAEO minime consentit Ill. Auctor, ubi omnino in universo orchidum genere plura hic loci contra eundem commemorat, rogatumque cupit Cl. Virum, ne velit porro plantas diversissimas, ut in orchidibus fecit, absque ulla haesitatione expungere, aliisque speciebus ut varietates addere, a quibus manifesto differunt.

* Advers. Part. II. p. 505. 506.

p. 219. 16) Non nulla noua plantarum genera Ill. HAL-
 LERVS diu condidit, quae fere omnia Clarissimorum
 Virorum applausum promeruerunt. Id, quod et
 nunc optimo forte praestat consilio, dum ex *hieraciorum*
 amplo valde genere aliquas species separavit,
 et genus cum antiquo *Intybi* nomine constituit.
His receptaculum, perinde ut in *onopordo*, *reticu-*
latum est, et *elatum areolis polygoniis*, in quarum in-
teruallis flores basi sedent. Et ad nouum hoc genus
 tres nunc reducit species: 1) *Intybum foliis lingulatis*
dentatis, qui vulgo *hieracium fruticosum angustifoli-*
um maius C. B. 2) *Intybum foliis ovato lanceolatis*
dentatis alias *hieracium fruticosum folio subrotundo* C.
 B. dictum, a quo aegre separatur 3) *hieracium fru-*
uticosum latifolium hirsutum. C. B.

p. 220. 17 et 18) *Hieracioidem* cum *crepide* uniri posse,
 nunc fatetur Ill. Auctor. Huic vero generi, pro
 caractere, adscribit calycem uno ordine segmen-
 torum longorum, in cylindrum conjunctorum, fa-
 ctum, cui ad basin alia folia, duorum fere ordinum,
 vaga et saepe sicca adiiciuntur, siue ea demum latio-
 ra sint siue angustiora. Is idem etiam calyx *senecio-*
nis characterem efficit. A calycis autem fabrica po-
 rius, quam a senescentium foliorum imorum rige-
 scente macula characterem desumi debere existimat.
 Solus etiam calyx, non vero semiflosculorum nu-
 merus characterem praebet, quo *solidago* ab *astere*
 dissidet. *Asteris* enim *calyci repandae squamae*, *solida-*
gini adpressae sunt.

p. 221. 19) Aliqua nunc addit, ornatus forte alibi repe-
 tenda, de methodo, qua plantas disposuit Cl. LIN-
 NAEVS. In primis vero ostendit, illo instituto, dum
 a floribus fertilibus et infoecundis classes et genera
 disposuit, non aliud a natura magis remotum esse.

p. 223. 20 et 21) Alias raras aut nouas plantas recensere
 nunc pergit Ill. Auctor. Ex semine persico arbu-
 scula Goettingae floruit ramis numerosis, foliis sedi
 glaucis,

glaucis, punctis viridibus notatis. Flores ex alis foliorum. Calyx pentaphyllus, stamina quinque, fructus columnae modo erectus in cuius fundo semen lenticulare sedet, tubae ex apice fructus exeunt tres aut plures saepe, purpureae et spongiosae. Tubarum ergo numerus et fructus figura plantam separat a chenopodio aliisque apetalis. *Lerchiam foliis obtusis vocari* posse ab Auctore, qui semina misit, noster monet. Aliud quoque *chenopodium*, ex p. 224. persico semine natum, eodemque floris caractere insignitum commemorat, et *lerchiam foliis planis acuminatis* dicit. *Onagrae* nouam speciem, ex americano semine natam, nomine *onagrae folio leui flore carneo* breuiter describit, et floris colore ad distinguendas species uti quandoque posse affirmat. Se- p. 225. quitur *scabiosa capitulo nudo globoso, foliis glabris pinnatis solidis*; et *geranium foliis quinquelobis serratis, petiolis unifloris*; tandem *hypericum pulchrum* TRAGI, ut satis nondum definitum, accuratius hic distinguit.

De mercurii in barometris diuersis eodem tempore, p. 217. *eodemque in loco diuersa altitudine* HOLLMANNVS egit. Tabulas exhibet altitudinum 25. barometrorum diuersae amplitudinis, quarum vix 2 eadem sunt, differentiae vero ad 78. centesimas digiti londinensis excurrunt. Ostendit vero, non posse has differentias a mercurii grauitate specifica, vel a calore aut frigore repeti. Vitri vero diuersitati multum tribuit, praeter ea amplitudini tubi et inaequalitati superficiei. In tubis vero, quorum lumina duas circiter lineas ampla erant, modo aer omnis exclusus esset, diuersitatem nullam obseruauit, unde peramplos tubos eligi debere censet.

ALB. V. HALLER *Experimenta de cordis motu*, ap. 263. *stimulo nato.* * Cordis motum, adeo difficilem ex-

B 2

plicatu,

* Lecta d. 10. Nouembr. 1751.

plicatu, maximam partem a sanguine venoso redeunte deriuari et stimulum, contractionem producentem, exercere, alibi iam ab Ill. Auctore demonstratum est. Nouis hancce confirmat sententiam experimentis, in id potissimum intentus, ut a corde anteriori seu dextro, in quem venosi cauarum venarum sanguinis confluxus est, hunc ipsum sanguinem auerteret, et hoc facto, num cor illud amplius moueatur, cognosceret, in primis, cum huius cordis motus illum sinistri cordis, quoad durationem, multum superet. Ligauit itaque venas cauas, cum hac ratione cordis motum compesci posse BARTHOLINVS, BERGERVS, HARVEVSque scriberent, sed experimentum non respondit expectationi, cum sanguis in calido animali in aurem dextram receptus, eam aurem stimulare pergeret. Quapropter venam cauam utramque incidit, sanguineque ex illis, nec non ex auricula ventriculoque dextro, sollicite expresso, mox quiescere dextram aurem obseruauit. Eo plus roboris adderetur sententiae, quodsi quiescente, ob sanguinis defectum, dextro corde, praestari possit, ut cor sinistrum, sanguinis affluxum adhuc percipiens, mortuo iam dextro, pergat moueri. Resectis ergo venis cauis, apertaue arteria pulmonari, plene euacuabatur cor dextrum, et ligata arteria aorta plenum sanguine relinquebatur sinistrum, quod a perpetuo stimulo alterne contrahebatur, penitus quiescente opposito, vel leuem tantum, a fibrarum muscularium continuatione ostendente motum. Motus causam stimulum esse tandem etiam docuit flatus, in quiescens cor immissus, quippe quo restituebatur in illo contractio. Notandum autem est, experimentum, quo cor sinistrum superuixit dextrum, nouies a Cl. Auctore institutum fuisse, in felibus, haedisque, canes autem ob resistantiam et agitationes nimias ipsi videri ineptos, interim et
hic

hic denuo vidit, internam cordis superficiem externa esse irritabiliorem.

De figuris superficierum fluidarum disputat SEGNE-P. 301.
 RVS examinatque, quas figuras habere debent guttae plano insidentes vel non graues vel graues, eae praecipue, quarum sectiones basi parallelae circuli sunt. De his vero figuris nec dici potest, nisi describendo calculos, quibus ad illas definiendas peruenit, nec omnino disquisitio ea, nisi tota legatur, intelligi, ut hic uberius recensere illam non valeamus.

II.

Iconum anatomicarum, quibus aliquae partes corporis humani delineatae continentur, Fasciculus V. Arteriae pedis. Auctore ALBERTO V. HALLER. Gottingae apud viduam Abrami Vandenhoeckii, 1752. fol. mai. pl. 13. tab. aen. 6.

Qui iam ante hos nouem, et quod excurrit, annos anatomicas dare coepit icones Ill. Auctor, accuratioribus explicationibus illustratas, ab eo tempore in iis conficiendis strenue perrexerit, ratus tamen, non nisi exquisita, si utilia esse debeant, proponenda esse, aliquando tardius eam, quam conceperat, spem explere potuit. In iis vero proponendis in id praecipue enitebatur, vt, quantum fieri posset, vasorum historiae eam perfectiorem redderet partem, quae arterias complectitur. Postquam igitur arteriae aortae, superiora versus procedentis ramos, nec non illius, ad abdomen descendentis, ramificationes persecutus est omnes, in describenda versatur arteria iliaca externa, ipsiusque ramificationes maiores aequae ac minores adeo subtiliter exponit.

- nit, ut et nomina ipsis tribuat distincta, & varietates earum semper subiungat. Inter illos ramos primus p. 8. est arteria *epigastrica*, quam non solum aliquando obturatricem dedisse observauit, sed etiam eius ac mammariae internae anastomoses perpetuas esse scribit, nec non ad hepar cum vena umbilicali ramum eiusdem processisse vidit, qui cum hepaticis et vesicae felleae arterioliis fuerit iunctus. Alterum et externum ramum, quem iliacam circumflexam arteriam olim nominauerat, *abdominalem* vocat, ne ex illius nominis, diuersis ramis impositi, iterata repetitione confusio enascatur. Post haec ex abdomine progredientem truncum, quem *femoralem*, alii *cruralem*, nuncupat, ad femur comitatur, *cutaneos externos*, eorumque musculares et pudendos explicans ramos, *profundam femoris* arteriam porro adducens, quae WINSLOWIO * *medius ramus* dicitur, ex qua arteriae *circumflexae*, internae et externae, *perforantes* variae, nec non *nutritiae ossis femoris*, in ipsam eius penetrantes substantiam, originem habent.
- P. 23. Continuatus hicce truncus *poplitea* arteria fit, quae et *musculares* et *articulares genu*, alias superiores et medias, alias inferiores suppeditat, hasque vel externas vel internas dicendas. Vterius descendens in *tibialem anticam* et *posticam* diuiditur, quarum plures ramuli sunt, *anticae* nimirum ramus quidam ad genu partim adscendit, partim alii in tibiales anticos musculos et digitorum extensores absumuntur, p. 30. partim ad externum malleolum descendunt. Ex maioribus sunt postmodum notandi *tarsea* et plerumque praesens *metatarsea* arteriae. Quorum prior interosseas, posterior inter alios, plantam pedis *perforantes*, ramos edit. Ipse tibialis truncus, ad dorsum pollicis ablegatis ramis, ad plantam demergitur; ibique *arcus plantares* et *plantarem pollicarem* de se demittit. Tibialis vero *postica*, variis, sollicite descriptis,

* Expos. anat. Tr. des arteres §. 260

scriptis, in musculos vicinos insertis, ramis instructa, *nutritiam tibiae* exhibet, et tunc demum in *popliteam* abit. De qua, praeter musculares pariter ramos, et *nutritiam fibulae*, notatur, eam saepe in truncum anteriorem posterioremque discesci, qui et variis in locis, conspicuas facile, anastomoses alunt et *nutritiam calcis* porrigunt. Cum vero nemo dubitet, studiosissime et subtiliores, inde deductos, ramulos hic, prout moris est Cl. Auctori, declarari, tantum monemus, ultimo loco *plantares internas et externas* ex illa dispergi, harumque tum inter se variam esse communicationem, tum ad digitos superiori inferiorique in loco distributionem copiosiore, plantarem autem externam pro tibialis posticae arteriae continuatione esse assumendam. Sed praevidemus haud obscure, fore non nullos, quae peruersa et contemnenda est alias celebrium etiam virorum hallucinatio, qui nimis subtiliter pertractatas has partes, praeter illam, quam disquirentis in mente excitant, voluptatem, nullam habere utilitatem autumant. Sciant vero illi, Ill. Auctorem ex curatius proposita arteriarum genu et patellae percontatione, earumque cum tibialibus anastomosi prudenter demonstrasse, arteriam popliteam, vel vulneratam, vel aneurismate affectam, ob has ipsas, nunc detectas causas, cum spe restitutionis circuli sanguinis ligari posse, amputationemque, alias necessariam, praecaueri, eodem subsequuto euentu, quem in brachiali arteria ligata observationes docuere. Idem fere de periculoso ti- p. 28. bialis anticae vulnere tenendum est, nec non de ti- p. 39. bialis posticae et peroneae inosculacionibus valet, quippe quae satis magnae sunt, easque ligari destruique sine gangraenae metu posse, haud improbabilem faciunt fiduciam. Icones additae nitidae et elegantes omnes ramulos referunt et in lineari, quam vocant, descriptione, tabulae sextae addita, arteriolarum plantae pedis decursum anastomosesque sigillatim re-

praesentant. Efflagitamus ab Ill. Auctore, ut quas beneuole promisit, extremitatum superiorum arterias, quantocyus edat, quibus totius corporis humani, tum anterioris, tum posterioris superficiei, vasa ostendentes, tabulas se additurum esse spondet.

III.

Tabulae anatomicae quatuor uteri duplicis observationem rariorem sistentes ex decreto facultatis medicae argentoratensis in lucem editae a GEORG. HENR. EISENMANNO, Phil. et Med. Doct. Anat. et Chirurg. Prof. Publ. Ord. Argentorati, ex offic. lib. Amandi Koenigii, 1752. fol. pl. 6. tab. aen. 4.

Qui partium corporis humani structuram diligentius disquirunt anatomici, non tantum noua varia a praecedentibus dissectoribus praeteruisa, sed et curiosas partium varietates et monstrosas saepius conformationes deprehendunt, quarum accurata descriptio, cum et in theoria et praxi medica varia inde illustrari possint phaenomena, usu suo non destituitur. Et praesens anatomiae curiosioris specimen, quod uterum duplicem nobis sistit, ita quidem comparatum est, ut non nouitate tantum, sed et utilitate sese commendet, et nostram ideo exigat attentionem. Anno 1751 circa finem ianuarii virginis nouendecim annorum, in nosocomio maiori ciuitatis argentoratensis defunctae, cadauer in theatrum anatomicum deferbatur, in quo professor Cl. IACOBI duo orificia vaginae uteri, quorum utrumque hymene semilunari praetenso instructum erat, deprehendit, licet reliquae partes in exterioribus pudendis conspiciendae simplices tantum inuenirentur. Excitauit hoc phaenomenon dissectoris attentionem, accurato igitur examine

mine partium genitalium internarum instituto, duplicem etiam vaginam, duplex orificium uteri internum, duplicem tandem uterum inuenit, ita ut septa inter utramque vaginam et inter utrumque uterum deprehensa, ipsis non fuerint communia, sed singulis propria eodem modo, quo mediastinum ex duplici pleura exsurgit et formatur. Margo superior duplicis uteri coniuncti sinuatus et per angulum obtusum quasi diuisus inueniebatur, praeter ea vero quilibet uterus non nisi unica tuba fallopiana, unico ouario et ligamento lato membranoso et altero vasculoso, quod rotundum dicitur, et unico vasorum spermaticorum funiculo instructus conspiciebatur. Cl. Auctor omnia haec a profectore demonstrata accurate iterum examinavit, ad viuum exemplar delineare curavit, et praeter explicationes tabularum annotationes quasdam et conscriptaria apposuit, quibus historia partium genitalium et in primis uteri duplicis quodam modo illustratur. Tabulae primae figura prima iconem uteri bipartiti in theatro anatomico olim examinati exhibet, cuius descriptionem Cl. GRAVEL exposuit, * figura vero altera genitalia huius virginis externa labiis eorum diductis conspicienda proponit, qua occasione variae observationes de partibus genitalibus externis duplicibus in utroque sexu ab auctoribus citatae repetuntur, nec non aliae de figura et situ hymenis in theatro potissimum anatomico argenteratenfi in variis subiectis notatae proponuntur. Tabula secunda genitalia externa, vaginas uterosque duplices reliquasque partes generationi inseruiennes annexas, delineatas ostendit, in cuius explicatione praecipuae uterorum bipartitorum observationes adducuntur, et primo de uteris, septo quodam in bina caua aut in bina corpora diuisis, paulo post vero de uteris bicornibus agitur. Tabula tertia vaginas uterosque apertos, septo vaginalium sinistrorsum re-

B 5

flexo,

* In dissert. de superfoetatione Argent. 1738.

flexo, tabula quarta vero vaginas uterosque apertos, septo vaginalum dextrorsum reclinato, sistit, ex quibus iconibus declaratur, internam etiam vaginalum et uteri faciem ita fuisse comparatam, ut aliis et facis conveniat, et unam cavitatem alteri simillimam inuentam fuisse. In his binis iconibus incisionem in uterum ad cervicem usque productam desideramus, quo cervicis aliquo modo productioris visi interior structura considerari potuisset. In annotationibus ad has tabulas varia, quae indolem cavitatis uteri et vaginalum declarant, ex veteribus aeque ac recentioribus scriptoribus desumpta subnectuntur. Ex hactenus pertractatis itaque uteros bipartitos vel bicornes non adeo raros esse declaratur, licet vere duplices rarissime inveniuntur. Reliqua conjectaria sistunt conjecturas, quae statum foeminae a Cl. Auctore indicatae concernunt, si forte illa vel in uno utero vel in utrisque grauida facta fuisset, et hoc quidem vel eodem tempore vel diuersis temporis intervallis. Inde vero ad superfoetationis considerationem devenit; haec in veram seu exquisitam et in spuriam a Cl. Auctore distinguitur, in illa uterque foetus in utero vero continetur et crescit, in hac alter foetuum uterum spurium, alter vero uterum verum occupat: Sic v. c. portio tubae fallopianae dilatata uterum spurium exhiberet. In casu uteri spurii superfoetatio fieri potest, si ovulum unum cauum spurium occupat et paulo post aliud in verum uterum inducitur ibidemque crescit, in quo casu tamen vel neuter foetus perficitur, vel ille, qui in utero spurio est, vitalis in lucem prodire nequit. In utero simplici superfoetationem non fieri posse, tribus argumentis euincit LITTRIVS, 1) quoniam orificium uteri post conceptionem accurate clauditur; 2) quoniam extremitas colli uterini in grauidis magis versus intestinum re-ctum vertitur, ex quibus binis causis ingressum non spermatis virilis in uterum fieri haud posse apparet;

ret; 3) quoniam si sperma etiam uterum ingrederetur, tamen utero iam impraegnato ad tubas fallopianas et ouaria deriuari, et nouam itaque conceptionem absolvere haud posset. Haec licet certa et inconcussa videantur, tamen Cl. Auctor, ut in oeconomia animali et speciatim in generationis negotio effectus plane singulares et vix explicandi eueniunt, sic et circa conceptionem foetus secundarii obseruationibus aliquid concedendum esse putat, quod ratiociniis non assequimur, concedit tamen hoc in casu utrumque foetum vitalem excludi non posse, sed ad minimum unum tanquam abortum reiici debere. In casu tamen uteri bicornis vel per septum usque ad orificium diuisi, aut, uti ex tradita historia apparet, utero et vagina duplici existente, superfoetatio omnino possibilis esse videtur. An vero, ut Cl. Auctor assumit, felici puerperio duplex foetus viuus diuerso tempore excludi possit, dubium certe nobis videtur, si molimina partus et abortuum causas accurate perpendimus. Sub examen post modum vocatur Cl. PARSON opinio, quod foemina grauida concipere non possit, quoniam tuba in grauido utero figuram non intortam, sed rectam habet, cuius orificium ideo ouario applicari nequit: Sed praeter id, quod foemina grauida in congressu cum viro eandem voluptatem sentiat, qua incuruatio fieri possit, ad sectiones cadaverum grauidarum prouocat Cl. Auctor, in quibus tubae ouariis applicatae inuentae fuerunt. Tandem et curiosam superfoetationis historiam adducere liceat, quam Dn. LERICHE nosocomii militaris argentoratensis chirurgus primarius Cl. Auctori communicauit. Foemina triginta septem annos nata die trigesimo aprilis anni 1748. puerum viuientem maturum adeo facili puerperio enixa est, ut post horam e lecto surgere et domicilium suum repetere potuerit. Lochia, quae in praecedentibus puerperiis largiter fluxerant, nunc mox a partu subsistebant, mammae
nullo

nullo lacte turgescabant, motum in utero adhuc sentiebat, ciborum fastidium et nausea ipsi molesta erant, ita ut, viro in obstetricia arte versato uterum explorante, omnia signa impraegnationis apparerent. Et euentus eandem rem confirmavit, cum foemina illa die decimo septimo septembris dicti anni, filiolum viuum omnino maturam iudicatam in lucem emitteret, quo facto et lochia fluebant et mammae lactis affluxum ostendebant. Ex hac igitur superfoetationis historia, cuius fidem dubiam reddere non possumus, apparet, foeminam hanc eo, quo puerum peperit, tempore medium gestationis filiolae tempus egisse.

IV.

De partu gemellorum coalitorum. Diss. inaug.
GODOFREDI CHRISTELL. Argentorat. 1751.
4. pl. II. tab. aen. I.

Tenellis in utero inclusis corporibus ob innumeras causas tristissima fata accidere posse, Cl. Auctor, qui scientiae illi, quae manu parturientibus medetur, Argentorati operam dedit, singulari quodam casu illustrat. Quo autem praeternaturales generationis et partus mutationes rite cognosci et explicari queant, anatomicam et physiologicam partium, huic negotio in corpore foeminino naturaliter dicatarum, considerationem praemittendam esse, putavit. Conceptionem deinde quod attinet, haec, si tantum unicum ovum maturum in uterum defertur, unica fit, si vero duo aut plura ova uno eodemque coitu in uterum descendunt, gemellis, trigeminis pluribusque foetibus foecundabitur foemina; at, quando alio tempore et praesente graviditate per novum concursum nova fit impraegnatio, tunc superfoetationem patitur, quod quidem negotium in utero simplici vix perfici, sed
in

in duplici commodius fieri posse videtur. Talem uterum duplicem, in duo caua exacte distinctum, duobus orificiis cinctum et vagina qualibet singulari præditum reperit et ostendit EISENMANNVS, anatomicus argentoratensis celeberrimus. Quando foetus per certum determinatumque tempus in utero gestus per solas causas mechanicas a parte tam sui ipsius, quam matris absque alieno auxilio excluditur, *partus erit naturalis*; qui vero non amplius a natura sola, sed artis auxilio peragitur, *difficilis*; qui sola tandem obstetricia opera absoluitur partus, *præternaturalis* est iudicandus. Gemellorum statum in primis in utero quod attinet, eorum conceptio, gestatio, nutritio et partus eodem modo, uti in simplici foetu, se habent. Gemelli, licet seiuncti et separati in utero concipiantur, tamen ob varias causas matricem grauitè afficientes, inter se inuicem concresecunt. Sunt vero gemelli coaliti vel *perfecti* vel *imperfecti*. In *perfectis* omnia organa et membra externa completa, duplicia et fere semper rite formata sunt, et solum modo in hac vel illa corporum parte nexu quodam adunati sunt, quamuis in interioribus viscus unum vel alterum confusum et simplex, multa tamen etiam duplicata inueniantur. In *imperfectis* unus quidem foetus ex omnibus membris constat, alter vero mutilus, mancus nec omni corporis sui parte completus alteri quodam in loco adhaeret. Prioris et posterioris generis historias summo studio collectas tradit Auctor. Hi autem gemelli coaliti, et perfecti et imperfecti, quia a communi et consueta mechanica corporum structura recedunt, et ob deformitatem quosuis in admirationem ducunt, ita, ut unus alteri illos monstret, pro monstris habendi sunt. Etsi interim quorundam foetuum coalitorum modus et causa cognosci nequeat, Auctor tamen eam sententiam, qua omnia monstra per accidens et mechanicam quamdam mutationem oriri, asseritur, assumit commotus

motus uno exemplo gemellarum ab umbilico usque ad sternum coalitarum, quae anno 1750 Argentorati, Experientissimi DN. D. WEIGENII opera feliciter utero extractae fuerunt, et ideo de ipsarum concre-
tione coniecturas proponit. Duo nempe oua uno coitu foecundata et ab initio separata in uterum dela-
ta fuerunt; at, accessione horum nimia et appressio-
ne forti, membranae oua componentes in loco sui ac-
cessus affrictae, attritae tandemque ruptae sunt et
in unum deinceps amplius et commune inuolucrum,
cui uterque foetus includeretur, confluentibus si-
mul aquis, coniunctae fuerunt membranarum laci-
niae. Nuda sic binarum harum puellarum, aduersis
pectoribus sibi adiacentium, corpuscula facili ex causa
arctissime applicari et conglutinari potuerunt. Et
quoniam mollibus connectebantur partibus, et spa-
tium cohaesionis manus latitudinem non superabat,
causam et vim comprimentem non adeo fortiter, nec
ita diu, primis tantum temporibus in corpora tenel-
la egisse eaque conglutinasse, probabile est. Huius
coalitionis vero causa mediata et specialis nulla dari
potuit, licet mater accuratissime examinata fuerit.
Obliuiscendum hoc loco non est phaenomeni cuius-
dam, quod nempe ex coalitis gemellis perfectis plu-
res gemellae, quam gemelli, aut etiam puellae cum
puerulis magis concrecant. Num forte in foemel-
larum molliori et teneriori textura, qua facilius com-
pingi possunt, ratio lateat, an, quia plures puellae,
quam pueri nascuntur, frequentiores coalitus in illis
quoque obseruentur. Quomodo vero medicus ob-
stetricius in eiusmodi foetuum partu sese gerat, ex
experientissimi WEIGENII operatione in hoc ex-
emplo instituta aliquo modo cognoscere licet. Erat
autem foemina, viginti nouem annos nata, per plu-
res horas in partus doloribus occupata, aquae ef-
fluxerant, tres pedes infantiles extra orificium uteri
exerti fuerant; obstetrix duobus pedibus comprehen-
fis

sis unum infantem ad femora usque extraxerat, sed ulterius promouere non potuerat. Aduocatus in auxilium WEIGENIUS foeminam in mortis agone et foetus iam mortuos inuenit, statim tamen exploraturus omnia, eosdem manibus extrahere tentauit, sed, varia opera frustra adhibita, tandem intellexit, hos gemellos coalitos esse. Duo igitur femora unius infantis manu sinistra et pedem alterius dextra prehendit, meditans, quodsi unum infantem admodum profunde et alterum magis alte traheret, caput sic primi infantis ad collum et pectus secundi sese inclinare et alterum caput suum illi prioris imponere posse. Sic eo modo foetus ambos quadrantis horae spatio extraxit feliciter. Infantes extracti gemellae perfectae omnibus partibus expletae, pulchrae et magnitudine et obesitate sibi similes ab infima thoracis et sterni regione usque infra umbilicum coalitae et aduersa facie mutuo amplexu quatuor brachiorum et genibus applicatis coniunctae erant, uti icon illas delineatas sistit. In umbilicum communem ex unica placenta unicus funiculus crassior, una vena capacissima et duabus arteriis amplioribus dotatus, desinebat. Vena tamen haec simplex in introitu suo per umbilicum in duos ramos diuarcabatur, ita, ut quaelibet puella sua vena peculiari gauderet. Mater ipsa harum gemellarum primipara fuit, et durante puerperio etiam optime sese habuisset, nisi ob iram et terrorem in vitae periculum deducta fuisset. Ex his tamen etiam fluctibus salua euasit et denuo grauida facta ob graues rixas abortum passa est. Uti vero litterae publicae annunciarunt, haec eadem mense aprili 1752. felici partu infantem sanum emisit. Interna harum gemellarum fabrica indagari non potuit, quoniam in museum regium parisiense iussu regis delatae fuerunt. Colligit itaque tantum Auctor, has gemellas per integumenta ac musculos abdominales cohaesisse, et ex analogia similitum gemellorum et vasorum

rum umbilicalium distributione hepar unicum in ipsis adfuisse, hauriatur. Quaeritur tandem, utrum hae puellae coniunctae, si viuae in lucem editae fuissent, a se inuicem separari potuissent, an, ita unitae permanere debuissent et tamen vitam sanam et longam vixissent? Utrumque saltem non impossibile videtur, sed tamen propter varia incommoda et molestias vix euitandas vita misera ducenda fuisset.

V.

Acta physico medica Academiae Caesareae Leopoldino Carolinae naturae curiosorum, Vol. IX. acced. appendix et tab. aen. 13. Noriberg. impens. B. W. M. Endteri Consortium. 1752. 4. alph. 2. pl. 6. app. alph. 1. pl. 16.

Licet iusto tardius in lucem prodierit nonum hocce actorum volumen, cum anno tamen, proxime elapso, primum effluxerit seculum, ex quo fundatae et ordinatae fuerunt huius academiae rationes, primusque constitutus illius praeses, apud animum constituit Ill. BVCHNERVS, qui nunc academiae praest, debitam huius felicitatis memoriam recolere et conseruare, ideoque primam voluminum decuriam, proxime edendo decimo volumine, finire atque complere. Quam ob causam academiae huius naturae curiosorum collegae grauitur vehementerque rogantur, ut intra hoc exiguum temporis spatium tanto festinantius studiosiusque observationes suas transmittant.

Ex insigni in hac parte contentorum, omni fere physica medicaque eruditione refertorum, capitum numero nonnulla modo prolixius recensere, alia quoad titulum tantum indicare, alia denique silentio plane praeterire constituimus, ne nimis longi simus.

De

De ruptura intestini ilei, a violenta corporis sursum p. 8.
facta distensione singularem, nec ita frequentem ca-
 sum descripsit ALBRECHTVS. In *herniae inguinalis* p. 12.
in carceratae sectione, dissectis integumentis, vidit
 KALTSCHMIDIVS in ileo denudato nigram macu-
 lam, illudque cum musculis ac rupto peritoneo fir-
 miter cohaerens, et repositionem renuens, quare
 illam consulto neglexit, veritus, ne partes ilei gan-
 graenosae, abdomini immissae, anceps vitae pericu-
 lum cum sphacelo et morte commutarent. Admota
 igitur intestinis denudatis essentia opobalsami et bal-
 sami peruuiiani, adhibitisque cataplasmatibus, ilei
 partes gangraenosae multum ichoris cum foetore fun-
 debant, faecesque reclusas ruptae dimittebant; ap-
 plicato postea aperturae ilei balsamo de copaiua pus
 benignum adparebat, foetorque sensim imminutus
 tandem disparebat. Apertura haec pollicem admit-
 tens, colore nunc rubro erat conspicua, spemque
 faciebat, ut intra paucos dies vulnus consolidaretur.
 Verum aperturam ilei occludere, dolores denuo ac-
 cedentes prohibebant. Clauso itaque circum circa
 vulnere, apertura ilei intacta relinquebatur saepius
 assumpta immutata emittens. Hic etiam praesens sta-
 tus, aegrum domesticis negotiis commode satis in-
 teresse, patitur. In *cadaveris sectione*, praeter alia, p. 16.
 inuenit Cl. FVRSSTENAV, intestina inflammata, coe-
 co, appendice vermiformi et valvula, quae a BAV-
 HINO nomen accepit, plane destituta, inque ventri-
 culi fundo foramen quoddam pulmonesque sugilla-
 tos lobis eorum mediante diaphragmate, quod per-
 foratum erat, hepatis accretis. De *mola ingentis ma-* p. 20.
gnitudinis et ponderis post quindecim tandem annos
 lethali, aliamque de *hydrocephalo* post primum aeta- p. 23.
 tis annum lethifero, historiam recensuit TREYLIN-
 GIVS. De *asae foetidae anthelmintica virtute* WOLF. p. 41.
 FIVS differuit. *Historiae naturalis subterraneae agri* p. 120.
glengensis eiusque viciniae specimen MOHRIVS pro-
 posuit.

- p. 184. posuit. *Insolitam nimiamque, a scabie retropulsa ortam, purpuraque rubra efflorescente curatam, sternutationem* commemoravit Cl. IOERDENS. De *salicumarosis fictis, neque bonorum neque malorum nunciis sermonem* instituit supra nominatus ALBRECHTVS. En phaenomeni huius causam: vernali tempore praegressas solis blanditias saepe rudior excipit aeris intemperies, qua in tenerioribus vegetabilium partibus copia nutritii succi, solis calore iam in actum moti, inspissatur et in ulteriori progressu impeditur; hinc perit elasticitatis vis, fibrillae vasculaque constringuntur, rigida fiunt; hinc furculi et his adnata tenera adhuc folia in debitam longitudinem excreescere haud valent, unde ea minora, crassiora, et copiose in unum quasi locum per circulos contiguos ita collecta inveniuntur, ut rosae figuram, satis tamen imperfectam, referant. Aestiuo vero tempore, praegressa pluuiarum copia et subito orto calore continuo eadem saepe in vegetabilibus accidit mutatio, quo minus in iustam longitudinem singulae eorum partes extendantur. Cum ~~autem~~ unius rei plures aliquando esse possint causae, ab insectis quoque eundem in plantarum partibus statim produci posse, concedit Cl. Auctor. De *pleuritide per institutam sexto demum die venae sectionem feliciter curata* casum retulit Cl. FVNSTENAV, In *anatomicis hominum dissectionibus* non nulla singularia inuenit CRELLIVS. v. c. in *cranio peculiarem ossium canalem* deprehendit; arteria namque carotis, quae prope sellam turcicam, ad interiora cerebri perrectura, ascendit, canali strictius inclusa erat; purgatis post ea ossibus, apophyses clinoidae anteriores ossis sphenoidae statim pone foramen opticum insuetum hocce foramen diametro magnitudini arteriae carotidis respondens, dimissa prope extremum marginem ex parte inferiori columna ossea, lateribus sellae equinae affixa, efformare conspexit. Aliam de *appendice vermiformi* intestini

fini coeci sistit relationem; coeco enim aperto orificium huius processus ita ampliatum erat, ut minimi digiti apicem commodè recipere posset, cauumque eius faecibus refertum apparebat. Quo phaenomeno usum illius, dum in fetu pro receptaculo faecum habetur, confirmari censet Cl. Auctor. Porro etiam p. 227. singularia non nulla circa *uterum* et *ouaria* obseruauit. Vidit enim in dextri ouarii anteriore parte globosam, pisi minoris magnitudine, excrescentiam, a tenui paruoque petiolo suspensam; ac in eodem quoque latere a ligamento uteri lato simile corpusculum dependens, priori simile, sed pellucidum inuenit. Quae utraque, cum ad ouula referre locus, in quibus radicata haeserunt, non concedat, illa quoque, aliis in ouariis notata, pro ouulis non esse reputanda contendit, potiusque ad tumores cysticos eas excrescentias referendas esse, asserit Auctor. In *claudicantis mulieris cadauere* praeter alia, hic descripta, utriusque ossis femoris articulatio notari meretur. Haec enim non in acetabulis, utpote quae magis plana erant et porrecta, sed extra haec fuit; dum capitula horum ossium iliakis ossibus ope ligamentorum capsularium iuncta et contigua inueniebantur. Ossa ilei circa totam mediam partem, in primis versus os sacrum, adeo ab attritu tenuia erant, ut omnino pellucida essent. Extrorsum in iisdem ossibus supra incisuram magnam fouea leuis, pollicis fere latitudine deprehendebatur, circa quem locum capita femoris musculis et ligamenti illis vaginalibus laxè iuncta obseruabantur, ut in incessu ad altiore illiacorum partem ascendere potuerint. Sub hac fouea duo processus breues planique, fere quadrati, in conspectum prodibant, e qua etiam robustissima ligamenti capsularis pars originem ducebat. Acetabulum in utriusque ossis anteriore parte erat, ita ut quasi in solo osse pubis ischiique locum suum haberet, et loco figurae rotundae trianguli aequi lateralis

C 2 figuram

figuram ostenderet. Orae acetabulorum ad modum humiles erant, neque glandula illa Hauerfiana magna, sed loco huius solum tunica adiposa ibidem reperiatur. In utroque praeter ea latere robustum illud teres ligamentum, et in femoribus fovea, cui illud inferitur, deficiebat; colla ossium non solum valde brevia, sed et horizontaliter fere protensa conspiciantur, ita, ut trochanteres maiores aequae alti ac femoris capita fuerint. Ligamentorum capsularium interna tunica incipiebat ab ambitu acetabuli, et cum tunica externa in forma vaginae inter musculos ad femoris caput pergebat, et dein reflectebatur, ubi firmiter adhaerebat, hinc vero ultra collum femoris progrediebatur. Deinceps vero terminabantur haec ligamenta utrinque in trochanterem maiorem; externa quidem tunica inferiorem comitabatur, sed ita, ut paulo ultra ambitum deformium horum acetabulorum atque ultra trochanteres maiores lateraliter se multum extenderent. Ligamenta itaque haecce vaginam formabant robustam a femorum lateribus ad acetabula. *Modum, quo cedria eiusque aqua praeparari solet, docuit Cl. WALLERIUS.* Ex pini vel abietis resinosis pinguibusque partibus, radice praecipue, destillatur eliquata resinosa materia et oleum. Hanc materiam, quia eandem a cedri arboris resina olim obtinuerunt, cedriam appellarunt veteres, alii picem vocant. Cedria vero in duritiem coquitur, vel exsiccat, unde alii priorem picem liquidam, posteriorem coctam vero, solidam picem dixerunt. Duplici modo cedria in Suecia et Norwegia destillari solet. Venalis atque communis sequenti praeparatur ratione. Formatur cavitatis conica inuersa, in loco argilloso, quae interne crasso corio vel cortice abietis ita obducitur, ut exterior rugosa corticis pars exterius versus argillam vertatur. In fundo coni foramen relinquitur apertum, infra quod vas recipiens ponitur. Ex hoc foramine erigitur cylindrus, de

de iuniori recenti arbore desumtus, qui supra conum
eminens, sub ipso opere est mobilis. Frustulis mi-
noribus abietis pinique pinguioribus, per aestatem
probe exsiccat, arcte impletur cauitas, conus dein
tegitur mixtura quadam argillacea, vel recenti turfo,
ita tamen, ut cylindrus supra emineat et pro lubitu
deprimi eleuarique possit. Accenditur ignis in me-
dio, et cedria crassior per foramen exstillat in vas re-
cipiens. Hac ratione praeparatam cedriam exami-
nauit Cl. Auctor, obtinuitque destillatione aquam
acidam, oleum album, aliudque obscure rubrum,
tandemque caput mortuum. Aquam dein seorsim
disquisiuit, et ex variis, quae instruit, experimen-
tis, concludit, eam acidissimam esse ex regno vege-
tabili sine fermentatione paratam. Album oleum
non semper obtinetur, recens debet esse cedria, hoc
vero urentem, cum quadam adstrictione, excitat sa-
porem, ignem alit, cum spiritu nitri GLAUBERI
vix calorem excitat, sed ambo placide inter se uni-
untur. Rubrum oleum clarum est et tenue, diutius
asseruatum spissescit, aquae destillatae innatat, in
igne flagrat, in alcohole vini submergitur ac in fun-
do resinofum fit, non tamen ab eo tingitur spiritus,
cum spiritu nitri fumante coagulatur et parcissima
diuturnior vero, fit ebullitio. Caput mortuum du-
rum est et fragile, ignem, carbonibus iniectum,
concipit, non vero flagrat, nec fumat. Aquae hu-
ius cedriatae et purae aquae anaticae partes inter se
mistae, digestionem praegressa, fortiolem, quam ce-
dria, saporem excitabant. Euaporationi tandem ex-
posita cedriae aqua, unciae duae reliquerunt extracti
acidi, instar aceti, sed cum grata quadam amaritie,
drachmam unam. Ex his sequentia cogit corollaria
WALLERIVS: 1) in aqua cedriata partem adesse gum-
mosam; 2) principium salinum acidum; 3) oleosi
quicquam cum gummosa parte aquae acidulae immi-
sceri; 4) medicam aquae cedriatae virtutem et acido

salino principio, et oleoso cum gummoso tribuendam esse; 5) aquam dulcem cedriam, licet coctam, quodam modo tamen soluere atque destruere posse, quod in primis ex nauigiis et scaphis picatis patet. Cedria nobilior, quae rarissime ad externos exportatur, sequenti paratur modo. Exstruiur furnus duplici constans fornice, uno intra alterum contento. In fornice anteriore eriguntur ligna pingua, de pino caesa, trium fere ulnarum longitudine. Fornix interior bene clauditur, exterior impletur ligno, quod accenso igne in cineres comburitur, calore hinc proueniente et in interiorem fornitem transeunte, expellitur omnis cedria e ligno, in interiori fornice contento, simulque et ista ligna in carbones mutantur. Hoc artificio habemus separatim ea, quae prius, cedriae vulgari confusim immixta per analysin obtinuit Cl. Auctor. Nempe 1) superne natat oleum tenue, pellucidum, flauo fuscum, cui aliud crassum, albidum, et quasi coagulatum immixtum est, Ex hoc oleo destillatione acquiritur oleum, *templinum* dictum, quod oleo terebinthinae, de resina abietis destillato, longe est praestantius; licet enim sit penetrantissimum, minus tamen est calidum; 2) sub oleo reperitur aqua acida, quae fere duplex est, alia nigro viridis, alia fusca, utraque oleosa; 3) sub aqua tandem habetur ipsa cedria, quae vulgari longe est praestantior. Ex his concludit Auctor, aquam cedriatam ex hac nobiliori cedria paratam, ut pote tenuiori oleo et aqua salina priuatam, minime eandem habere virtutem, quam aquam cedriatam, de p. 253. viliori cedria praeparatam. Aliam de *stella reguli antimonii* observationem tradidit WALLERIVS. Regulum antimonii martialem basi horizontaliter diffregit, ac ubique corruscantes basi parallelos deprehendit radios, illis similes, qui in huius superficie quoque inueniuntur. Et quo de hac intrinsece apparentis stellae figura, cuius existentiam LEMERY alii-

que

que in dubium vocarunt, certior ad huc fieret, alia iterum ratione rem pertractavit. Ferreo namque cuneo ita eundem diffregit, ut secundum longitudinem per medium radiorum oppositorum quorumcunque ac per axin esset bipartitus; nuncque apparuit quaevis dimidiata pars conii instar ramosae arboris, a basi ad apicem, eo modo, ut axis truncum relictum, minima quasi cavitate donatum, repraesentaret, cui trunco ita appositae et accretae erant lamellae regulinae, ut radios vel ramulos arboreos, versus apicem conii parum reflexos parumque descendentes accurate referrent. Si vero hanc antimonii arborescentiam observare quis velit, sequentia non negligat: 1) parandus est regulus mole maiore, ad aliquot unciarum pondus; 2) eo respiciendum est, ut regulus cum scoriis quam maxime ferueat prius quam in conum fusorium effundatur; 3) observandum, ut sectio conii regulini accurate transeat per medium cuiusdam radii stellae et per axin ac centrum. Hanc autem stellam non e scoriis vel nitro, tanquam imprimantibus, deducendam esse Cl. Auctor existimat, tunc enim modo superficialis esset, sed potius a puritatis gradu ipsius reguli, eiusque partium positu ad se inuicem, sulphurea parte nitro consumpta atque mixta. Regulus enim antimonii stellatus nunquam cum nitro ulterius detonare solet, quia sulphurea portione destituitur; si vero ille diuturniori igni committitur, stellam amittit; huic si iterum parum antimonii crudi additur, denuo stella restituitur, crassiori sulphure, ex parte antimonii addita, mediante nitro denuo absumto. IOHANNES p. 316.
DE GORTER de vario *sustentaculorum usu* egit. Partibus solidis iisdemque mobilibus inest contractio automatica, estque in iis vitalis actio aduertans, alterne agens et se dimittens. Hae fibras reddunt breuiiores, adiuuanturque externa aeris sustentatione. Interno autem humorum impetu distenduntur,

ut inter causas adducentes et extendentes habeatur
aequilibrium. Quae itaque auxilia hanc nimiam di-
stensionem cohibent, vel factam adducunt, susten-
tacula ab Auctore dicuntur, quamdiu non omnino
impediunt dilatationem per causam internam facien-
dam, nec suffocant vitalem motum. Tam valida
enim sustentatio potius ad compressionem est refe-
renda. Sustentantia ergo adiuuant effectus, qui ex
fibrarum contractilitate automatica motuque vitali
proveniunt, nimiamque distensionem, a causa interna
inductam, cohibent. Quae autem partes distendente
elastica virtute donatae sunt, ut nerui, cartilagines,
pulmo, a sustentantibus in sua actione impediun-
tur. Patet hinc sustentationem non omnibus in par-
tibus eundem praebere usum, quod plurimis exem-
plis probat Cl. Auctor. Ita cellulosa tela saepissime
ob sustentaculi defectum vel reditum humoris impe-
ditum ultra modum distenditur, humoresque in se
colligit, quod egregie aequabili et modica externa
sustentatione praecauetur. In capitis morbis non
multum iuuant sustentantia, si autem cranii portio
sublata est, omittenda non est sustentatio, ne excre-
scentia fungi fiat. Sanitati magis conducit, liberum
relinquere pectus eiusque automaticam dilatationem
nunquam impedire, damnoſis thoracibus. Abdomi-
nis autem sustentatio ut in uniuersum, ita in primis
in infantibus utilissima habetur, ut et in grauidis,
p. 335, puerperis e. s. p. Naturalem *krakatizae* historiam
I. B. DE FISCHER tradidit. Eam, quam BRÜCK-
MANNVS in commercio Noribergensi an. 1741. p.
180. dedit figuram et descriptionem non mancā
modo, sed omnino falsam esse existimans, aliam hu-
ius zaphyti cartilaginoso - coriacei, plani, in octo ex-
tremities resoluti, iconem exhibuit Auctor, ex qua
etiam optime ipsa eius forma atque habitus intelli-
gitur. In addita vero nota monet BÜCHNERVS,
krakatizam primam esse et secundam polyporum spe-
ciem,

ciem, quas RONDELETIVS exhibuit. E. F. BLAN- p. 350.

CHOT singulare *monstrum sine collo et spina dorsi* natum, descripsit atque delineare curavit. Praeter alia curiosa plura notamus modo, in dextra thoracis cavitate cor cum pericardio diaphragmati incubuisse, inclinato eius apice versus mediastinum, ac ventriculo dextro costas, sinistro autem pulmonem attingente; pulmonem omnem, qui dextram cavitatem replebat, sub maxilla inferiori statim incepisse, laryngem per asperam arteriam cum tubulis bronchialibus ita coniunctam fuisse, ut quinque eius cartilaginee immediate cum pulmonum substantia cohaerent; unum modo adfuisse pulmonis lobum, inque sinistra thoracis parte ea contenta fuisse viscera, quorum sedem natura abdomen alias esse voluit. Et ventriculo quidem ac intestinis tenuibus, lieni atque hepatis per diaphragmatis singularem aperturam cum abdomine fuisse communicationem, inque hoc cauo stupendam hepatis molem ac crassa intestina habitasse. Occipitis os, sine omni intercedente vertebra, firmiter, nulla articulatione praesente, cum sacro osse concreuisse, sacrum vero os suam naturalem habuisse figuram, nisi quod eam magnitudine multum superaret, ac ex utroque latere duodecim costae prodirent. MATERNVS DE CILANO *cor semicartilagineum* vidit, cuius externa lamina carnea erat, subiecta lutei coloris vere cartilaginea, tertia iterum carnea, cum qua concrevit quarta cartilaginea, quinta, internam cordis superficiem inuestiens, tenuis erat atque carnea. *Duas felleas vesiculas* in infante inue-

p. 357.

nit IOH. IAC. HYBERVS. Hepatis sulcus pro recipiendis vesiculis simplex erat, latior tamen, quam naturaliter esse solet. In eo magna primum conspiciebatur vesicula, communi membrana obiecta, cum duplici fundo, seiunctim propendente, dum media pars atque collum simplicia adhuc adparebant. Rescissa externa tunica non nisi telae cellulosae ope con-

p. 383.

necte-

nectebantur binae; separando vero deinde omne cellulosum in conspectum prodibant duae distinctae ac integrae vesiculae. Cysticorum ductuum quivis ad aliquot lineas seiunctus incedebat, mox vero ad angulum confluebant acutissimum, et ita demum cysticus ductus communis iter suum absolvere pergebat, hepaticoque ductui insertus, cholodochum producere adiuuabat, ut a communi illo ductu cystico vel recipi bilis hepatica et ad vesiculas vehi, vel effusa e duplici conditorio cystica, duodeno infundi possit. De *ligamento hepatis suspensorio*, *vena*que *umbilicali* notavit Cl. Auctor, hancce cum peritonaei expansione incedere, secundum lineae albae directionem et rectissima vere via ascendere, vixque in iunioribus, maxime in fetibus, dextrorsum vergere, nec musculis abdominalibus eam arcte applicatam esse, prout in adultis, sed quam primum illa umbilicum fetus penetrauerit, recedere cum productione peritonaei a pariete abdominis, et recedendo ab umbilico magis magisque penetrare interiorem abdominis cauitatem, usque dum vena peruenerit ad sulcum, in hepate exsculptum, dum inter ea peritonaei productio et cum vena umbilicali incedat, et lineae albae et diaphragmati et conuexae hepatis parti et fissurae eius accrescat, ligamenti suspensorii nomine. Hoc ligamentum non modo ad hepar terminatur, sed ad umbilicum usque se protendit in iunioribus, dum ibi, aliquot linearum latum, prodiens, late-scendo et cum vena incedendo ad hepar accedit, sicque fere triangulum acutum format. Per aetatem vero haec omnia mutantur, ut accurate Cl. Auctor descripsit. Porro etiam de *situ vesiculae felleae*, et quoad fundi eminentiam extra hepatis lobum, et quoad fundi altitudinem ratione ceruicis plura ex cadauerum comparatione adduxit, eamque rem pro diuersa aetate p. 388. diuerso modo se habere, ostendit. *Musculos gastrocnemios, soleum* atque *plantarem*, albos, nullo rubedinis

nis vestigio praesente DELIVS vidit. Idem Cl. Au. p. 390.
 Auctor fistulae ani completae, in febre quartana sine se-
 ctione curatae historiam tradidit. Iniectionem deco-
 cti nicotianae saturati cum oleo ouorum et myrrhae
 per deliquium mixti adhibuit, ano interim linteo
 obturato, ita, ut liquor iniectus diutius in fistulae
 sinibus remanere potuerit; turtundula etiam claude-
 batur illa, imposito simul emplastro saponato cam-
 phoroto, quod BARBETTE inuenit. Huic liquori
 iunxit dein agrimoniae et veronicae decoctum, nec
 non myrrhae et succini essentiam, atque balsamum
 de copaiua. Idem DELIVS de lapidum gemmarum p. 389.
 que phosphorescentia differuit. Lapidem pretiosum, in
 Saxonia Bohemiaque erutos, ut smaragdum, hyacin-
 thum e. s. p. experimentis adhibuit, hosque inui-
 cem adfrictos difficillime lucis speciem spargere ani-
 maduertit. Affricuit autem eos dein in hypocausto
 tenebricoso fornaci ferreae et calidae, atque tunc
 perpulchre apparuit phosphorescentia. Egregie ve-
 ro lucem sparsit smaragdus, vel potius fluor sma-
 ragdinus, qui etiam quarzum viridescens appellatur,
 frictione litteras pinxit, quae in calida fornace per
 aliquot horae minuta constanter phosphorescebant,
 indicio, ut Auctor putat, lucis huius causam in a-
 ctione acidi salis communis et phlogisti tenuioris,
 sulphuris speciem constituentis, latitare; forte etiam
 ipsius electrici ignis veram causam in eo quaerendam
 esse existimans. Petrefacta agri ducatus Coburgensis p. 401.
 descripsit ALBRECHTVS.

In appendice continetur 1) *Historia podagrae Emin.* p. 1.
Cardin. Com. a SINZENDORFF. conscripta a IO. GOD.
DE HAHN. Recusa modo ea hic est, primo enim
 prodiit Norib. 1751. 4. Recensionem dedimus su-
 perius*.

2) VA-

* Vid. comment. nostr. Vol. I. Pars. II. p. 203.

P. 33. 2) VALENTINI ERNESTI EVGENII COHAV-
SEN *meditationes de noxa timiditatis in curatione haemoptyscos.* Non nullos Auctor adducit casus, ubi remedia, quae validiorem adstringendi virtutem habent, in pulmonum haemorrhagia adhibita, noxas attulere. In pulmonalibus enim vesiculis sanguinis relinquuntur grumuli, qui, in corruptionem abeuntes, phthisin hecticamque facillime inferunt. Hinc concludit, pessime agere in haemoptyscos curatione medicum nimis timidum, si purpuream animam mox simul prodituram suspicatur, eamque adstringentibus incarcerare stypticisque ligare incautus tentat. Peccat porro timore nimio medicus, quando ex copiosius reiecto sanguine, vasa admodum depleta et vires plane deiectas fore existimat, ideoque venae-sectionem instituere non audet. Sane si post haemoptysin, a quacunque fere causa ortam, pedissequa phthisis praecaveri debet et potest, nulla aptiori medicina id impetratur, quam prudenti, ea tamen non timide administrata, frequenti phlebotomia. In hac etiam sola quaerenda Cl. Auctori videtur prophylaxis eorum, qui iure haereditario a natiuitate ad phthisin sunt dispositi.

P. 59. 3) PHILIPPI ADOLPHI BOEHMERI *observatio de sarcomate uteri, subiuncta disquisitione, qua praestantia forcipis Chamberlayniana in paragomphosi capitis foetus in partu confirmatur, et quid de recentissimis Leureti ferramenti atque forcipe Bingiana sentiendum sit, indicatur.* Quatuor filiorum mater in quarto puerperio an. 1742. incipientem in dextro latere, et per intervalla redeuntem, fixum dolorem, cum successivo abdominis augmento pondereque sentiebat, post ea quam imperita obstetrix violentam placentae, praeter naturaliter ipsius utero adhaerentis, extractionem frustatim peregerit. Lochiorum fluxus eo tempore ex parte defecit, inde factum, ut aliquot annis

annis propter mensium obstructionem, impeditasque alias naturales excretiones, spasms inferiorum partium agitata et ophthalmia vera excitata fuerit, quae suffusioni anſam praebuit. Ipſe nunc Cl. Auſtor accerſitur, ſua medendi methodo obtinuit, ut fluxus menſtruus rediret, et diſcuſſa oculorum inflammatione incipiens ſuffuſio ſenſim imminueretur. Sterilis huc uſque mulier an. 1746. rursus concepit, et appropinquante partu, qui unico ſaltem niſu, ruptura membranarum ſtatim contingebat, obſtetrix, facta exploratione, caput foetus intra oſſa pubis iam illapſum ſentiens, partum mox ſubſequuturum promittebat. Verum permansit caput fetus hoc in poſitu ultra diem noctemue, nullis amplius ad excluſionem fetus ſuccedentibus conatibus. Vocatus tandem Cl. Auſtor, vidit abdomen ita propendulum, ut umbilicus parturientis dextram attingeret patellam, foetumque iam mortuum eſſe, ex ſignis collegit, capitisque paragomphoſin deprehendit. Tentauit pluribus remediis motus uteri abiectos reuocare, ſed ſine omni effectu. — Inter ea a muliere intellexit, eam per quinque annos ſucceſſiuum incrementum, et in hypogaſtrica dextra regione corpus ponderoſum atque mobile percepſiſſe, indeque coactam fuiſſe, tempore in primis grauiditatis propendulum ac inaequalem ventrem ſcia ſuſpenſum tenere. Huius itaque excedentis expansionis occultam cauſam in utero adhuc latitare ſuſpicatus eſt Cl. Auſtor. Interim fruſtra adhibitis remediis, fruſtraque tentatis encheiſiſibus, quibus caput foetus immobile e loco mouere conarus fuit, ob increſcentem virium proſtrationem, omne praefidium in ferramenti collocauit, extractionem capitis ſuſcepit, applicatiſque duabus ſeneſtratiſ forcipis lamellis illud feliciter peregit. Praeternaturalis vero remanebat abdominis expansio, eiſque nodosa durities vel alium adhuc in utero fetum, vel corpus quoddam molare ſubeſſe, indi-

indicabat. Dextram itaque in uterum immisit, quae circa limbum orificii uterini dextrorsum corpus carnosum, tactui resistens, superiori latissima parte fundum uteri attingens, detexit. Hanc autem excrescentiam intactam reliquit, et modo situm corporis quietum commendavit, lataque fascia abdomen leuiter comprimere iussit. Loco fluxus vero lochialis serum sanguinolentum, putridumque effluxit, inflammatoria accessit febris, pustulaeque albicantes miliares quarto die erupuerunt; tandemque superueniens diarrhoea foetida, vires penitus exhauriens, medicamentisque obedire nescia, atque maculis retrocessis, sequebantur die nono deliria et motus convulsiui, ipsaque puerperae mors. Instituito post mortem scrutinio, uterus nimis adhuc extensus, hinc inde nigricans, foetensque, et in loco, cui sarcoma incumbibat gangraenosus visus fuit. Sarcoma erat caro compacta, octo circiter librarum ponderis ciuili dextrorsum prope uteri ostium ex eius substantia enatum, firmaque membrana cum uteri membrana continua, rectum. Huic historiae epicrisin subiunxit Cl. Auctor, in qua ea perpendit, quae tam ad laborem operosum, quam genesis sarcomatis et lethalem euentum spectant. Sermonem dein de forcipe anglicana, in nunc notata paragomphosi adhibita, instituit, qua ratione LEVRETUS eam emendare voluerit, describit, et quo praerogatiuas instrumenti leuretiani examinare posset, vitiosas prius recensuit, quas gallicis anglicisque forcipibus adscripsit LEVRETUS condiciones, hasque obiectiones soluit et ita optimas eas esse asserit. His praemissis tandem ex ipso compositionis modo instrumenti leuretiani vitia demonstrare annititur, dum facillime et vesicae et perinaei laesio ab ipso inferri possit, simulque probare studet, LEVRETVM ad commodam firmamque inclusionem tantum respexisse, haud habito respectu ad imminutionem capitis voluminis, quae tamen ex-

tractio-

tractionem debet praecedere. Ultimo tandem differt de forcipe, quam BINGIUS correxit, quamque descripsit ac aeri incidendam curavit Cl. IANCKIUS, ex cuius etiam epistola varia momenta examinat, quae de praestantia huius forcipis adduxit. De his vero instrumentis eorumque praestantia agitatam litem nunc fusius recensere ideo nolumus, quod Cl. LEVRET ad hasce, a BOEHMERO hic factas obiectiones, responsiones iam dederit. Vti enim ex praefatione, quam LEVRETUS alteri parti, a se editae obstetriciae artis, praemisit, cognouimus, Cl. BÜCHNERUS hoc BOEHMERI manuscriptum LEVRETÓ misit, qui etiam sine mora suas animaduersiones contra Cl. BOEHMERI obiectiones calamo exaravit et deintypis mandavit. Hinc itaque factum est, ut refutatio prius prodierit, quam ipsa BOEHMERI tractatio. Alio ergo tempore forsan omnem litem adductam levretiani libri (*suite des Accouchements*) recensebimus.

4) CHRISTIANI ANDREAE COTHENII *triga* p. 101. *observationum de lue bouina in circulo prignicensi an. 1746. notata.* Omnes, quotquot dissectae fuerunt, vaccae pectoris cauum aqua repletum, pulmones exulceratos pleuraeque adnatos, hepar etiam interdum durum, cum peritoneo concretum, pluribusque abscessibus contaminatum ostendebant. Ex his aliisque phthisin pulmonalem ex febre catarrhali, a temperiei mutatione exortam sicque epidemicam fuisse concludit Cl. Auctor. Ad originem vero morbi eruendam sequentia adducit. Boues vaccaeque vernali fortasse tempore una cum gramine recenti admodumque exiguo multum ab inundatione albis relictæ limosae terrae, qua gramen obtectum fuit, deuorant. Haec vero non sola est atque unica causa, verum et aeris temperies maio iunioque mense calida exstitit, toto vero iulio frigus cum calore alternat-

ternauit. In his itaque animalibus brutis, diu notuque aeris iniuriis ibi locorum expositis, eiusmodi tempestatis conditionem magnam quoque vini exse-
ruisse, existimat COTHENIVS.

p. 125. 5) *Rudera terrae mutationum particularium testes
possibiles, pro diluuii uniuersalis testibus non habenda
esse, occasione inuersionis Limaec et Collao in America me-
ridionali; docet HENRICVS FRIDERICVS DELIUS.*
Neutiquam uniuersales telluris mutationes in dubium
vocat Cl. Auctor, neque terrae concussionem vel
combustionem uniuersalem, ut alii existimarunt, pror-
sus negat, id modo in hac tractatione ostendere an-
nissus fuit, possibilia esse rudera diluuiorum, terrae
motuum, ac incendiorum particularium, quorum
causa in diluuiio et terrae motu uniuersali plerumque
poni solet.

p. 141. 6) *I. H. C. H. S. M. D. mercurii sophici, delaruant
Liber II.*

p. 173. 7) *IOH. PHIL. BREYNII descriptio fructus cerei
americani maioris articulati, flore maximo, noctu se-
aperiente et suauissimum odorem spirante. Erat ille fi-
gurae oualis, duas uncias longus et parum supra
unciam latus, odoris expers, coloris ex carneo fla-
uescentis. Superficies constabat ex tuberculis, in
quintuplici spirali ordine positis; ex centro cuius li-
bet tuberculi prodibat fasciculus pilorum spinula-
rumque; extremitas superior umbilicata erat; se-
cundum longitudinem dissecto fructu apparebat ca-
uitas oualis figurae, innumeris seminibus nigerri-
mis, in pulpa alba viscosa nidulantibus repleta; se-
mina ipsa oblonga erant parumque compressa. Hanc
sequitur:*

p. 177. 8) *CHRISTOPHORI IACOBI TREWII historia et
descriptio fusor cerei serpentis vulgo dicti. Vbi Sect. I.
eius*

ius nomina diuersa praemisit, quibus dein inuen-
tionis historiam addidit. Subiunxit hisce Sect. II.
cortius plantae omniumque partium fusiorem descri-
ptionem. Sect. III. non nullas singulares obseruatio-
nes recensuit. Triangularis cerei, cuius florem nul-
lus haecenus icone expressit, historiam Sect. IV. tra-
didit, et Sect. V. de cerei charactere in genere dis-
seruit. Omnis haec, uti et prior BREYNIi tracta-
tio nitidis iconibus illustratur.

Vitae eruditorum atque huius academiae socio-
rum in hoc volumine continentur quinque; sunt il-
lae: GVILIELMI BERNHARDI NEBELII, GEOR. p. 209.
GII DETHARDINGII, ERNESTI GOTTHOLD p. 227.
STRVVI, GEORGII FRIDERICI RICHTERI, p. 257.
atque IOHANNIS ADAMI KVLMI. Indice copioso p. 275.
tionum hoc finitur volumen. p. 295.

VI.

Plantae selectae, quarum imagines ad exempla-
ria naturalia, Londini in hortis curiosorum
nutrita, manu artificiosa pinxit GEORG. DIO-
NYS. EHRET, collegit, nominibus notisque
illustrauit CHRIST. IAC. TREW, in aes inci-
dit et viuis coloribus repraesentauit IO. IAC.
HAID. Decuria III. 1752. fol. reg. text. pl. 1.
tab. aen. 10.

In splendidi illius, quod superius indicauimus, lau-
dauimusque, herbarii Ehretiani decuria tertia se-
quentes continentur eodem nitore delineatae plan-
tae. Tab. XXI-XXIII. *Musa caudice maculato, fru-*
ctu recto rotundo breuiore odorato SLOAN. Cat. pl. Ia
maie. et in priore quidem tabula tota planta in minu-
ta, in reliquis vero spadix florifer fructiferque in
D naturali

naturali magnitudine exhibetur. Tab. XXIV. *Lycium foliis linearibus flore fructuque minore*; et *Lycium foliis linearibus flore fructuque maiore*. Vtramque plantam, magnitudine floris atque fructus diuersam, modo varietates esse, BOERHAAVIO iam monente, ipse Cl. Auctor perhibet. Tab. XXV. *Ebretia foliis alternis oblongis acuminatis, spica florum sparsa, petalis reflexis albis*. Calabae nomine inscripto plantam hanc accepit TREWIVS; verum character eius adpretus, et cum illo calabae, a PLUMIERIO expofito, collatus, nominis errorem docuit. Fere omnes enim, ut VAILLANTIVS, qui *kalophyllodendri* nomine idem genus descripsit, et BURMANNVS qui *inophyllum* dixit; nec non LINNAEVS, qui *calophyllum* appellauit, atque LUDWIGIVS, qui *calabae* nomen reuocauit, huic generi adscribunt calicem quadrifidum, petala quatuor, stamina plurima, fructumque carnosum, unicum ossiculum cum simplici nucleo, includentem. Aliam itaque hanc esse stirpem, atque ab omnibus huc usque notis speciebus differre, VAN ROYEN et WACHENDORFFIVS iam obseruarunt, utpote qui, licet *calophylli* speciem, LINNAEI Hort. Cliff. indicauerint, nihilominus *calabam citri folio splendente* PLUMIERII sigillatim recensent. Cum ergo huius plantae character cum nullo alio conueniat, et cum clarissimus EHRETIVS non solum eius effigiem, verum etiam characterem primus in publicum produxerit, atque praeter ea singulari sua industria botanicis se diu commendauerit, ab eius nomine huius generis denominationem deriuare non dubitauit Cl. TREWIVS. *Ebretia* itaque est plantae genus, cui calix regularis monophyllus semisexfidus persistens; corolla regularis hexapetala, petalis oblongo lanceolatis reflexis; stamina sex petalorum longitudine; ovarium globosum, stylus simplex persistens; stigma bifidum; bacca globosa carnosae, tetrapyrena. Tab. XXVI. *Palmifolia femina*.

na. Rarissimam hanc et nouam forte plantam nec descriptam, neque depictam, reperire licuit, ab Hov-
STONO modo *palmae folio planta acaulos, fructu cla-*
uato polypyreno dicta fuit. Mas et femina separatam
constituunt plantam, quae utraque culta et ad fructi-
ficationem perducta est Londini in horto liberi Baro-
nis PETRI. Sed, hic cum post obitum perillustris
viri triste neglectae culturae fatum expertus fuerit,
planta haecce quoque periit; quare plura characteris
generici momenta, quam quae harum figurarum ope
EHRETUS communicauit, expiscari haud potuit
TREWIVS. Habemus vero in tabula spicam disse-
ctam, ubi insertio partium feminearum conspicitur,
et in eius modi separata parte apparet pedunculus te-
ctus capitulo oblongo quadrato, utrinque grano se-
minifero foeto, interiori eius superficiei adnato.
Porro etiam spica maris adest, ubi capitulo fungoso
pyramidali inuerso utrinque cohaerent plures squa-
mulae, forte masculino polline refertae. Tab. XXVII.
Pancratium foliis ensiformibus, spatha multiflora,
floribus magnis candidis fragrantibus. Tab. XXVIII.
Pancratium foliis amplis ouatis acutis petiolatis, spa-
tha multiflora, floribus minoribus candidis fragran-
tibus. Tab. XXIX. *Podophyllum* lobis foliorum
truncatis et laciniatis, flore expanso polypetalo.
CATESBY plantam hancce nomine *anopodophylli ca-*
nadensis exhibuit. Tab. XXX. *Cereus* teres multan-
gularis spinosissimus articulatus ramosus, serpens,
flore purpurascens diu noctuque aperto, fructu
exiguo rubente. Huius, quem nosmet ipsi nuper
in horto Ludwigiano florentem vidimus, elegantis
plantae delineatio, ut et reliquae omnes, illis certe,
quas in prioribus decuriis accepimus, nullo modo
cedunt, ideoque etiam ipsius operis continuationem
ex merito expectamus.

VII.

Differtations sur la chaleur avec des observations nouvelles sur la construction et la comparaison des thermometres par Mr. MARTINE trad. de l'Anglois par Mr. * * * à Paris, chez Jean Thomas Herissant, 1751. 12 mai. alph. 1. pl. 9. tab. aen. 1.

i. e.

Differtationes de calore, cum nouis, de construendis thermometris, eorumque facienda inter se comparatione, obseruationibus &c.

Prodiit an. 1740. Londini liber *essays medical and philosophical* inscriptus, auctore GEORGE MARTINE. In hoc cum eruditae non minus, quam utiles differtationes propositae legantur, laudem certe merentur ii, qui in his ad communem magis eruditorum utilitatem accommodandis operam suam collocant. Hoc autem effecisse videntur illi, qui has commentationes ex anglico in gallicum sermonem conuersas ediderunt. Atque alio iam tempore istarum differtationum duae, quarum una de crisibus, altera de purgantibus medicamentis agit, translatae, ac tentaminum et obseruationum medicarum Edinburgensium gallicae versionis ultimo volumini, appendicis loco, adnexae fuerunt; nunc vero et reliquae MARTINII differtationes, gallice redditae, hic exhibentur. Sunt eae numero quatuor, quarum prima de conficiendis, altera de comparandis inter se diuersis thermometris, agit, tertia incaloescentiae et refrigerii corporum rationes, quarta denique naturalem ac experimentalem diuersorum caloris in corporibus graduum historiam exponit. Placuit porro Cl. editori his MARTINII commentationibus alias adnectere, ex anglico sermone versas, quarum argu-
menta

menta cum illis proxime conueniunt. Harum prima est ROBERTI DOUGLASS de generatione caloris in animalibus; secunda CROMWEL MORTIMER de calore naturali animalium ex Trans. philos. n. 476. desumpta, tertia ex italico IOSEPHI BIANCHINI scripto, quod de morte comitissae CORNELIAE ZANGARI ET BANDI is composuit, et in quo simul de morte IO. HITCHELL et GRACE PETH agitur, quorum corpora combusta et in carbones cineresque conuersa, reperta fuerunt, excerpta fuit a Dn. ROLLI, et eidem numero Transact. Angl. inserta. Hae autem dissertationes omnes, cum nouae non sint, sed iam ante aliquot annos conscriptae ac editae, et forte iam suo tempore in diariis literariis recensitae, nolumus quidem nunc in iis enarrandis prolixius esse, sufficiat modo nobis in gratiam eorum, qui linguae anglicae gnari haud sunt, eas indicasse, quae gallicae consuetudini traditae nunc denuo in lucem editae fuerunt.

VIII.

Quaestio medica: an tussi puerorum clangosae vulgo *Coqueluche*, emesis? Praeside LUDOVICO CLAUDIO BOVRDELIN, proponebat IOANNES BAPTISTA BASSEVILLE, Parisiis 1752. 4. mai. pl. I.

Morborum tot genera pueros prae reliquis adeo discrutiant, ut quotidianis obseruationibus reiteratis compertum sit, numerum infantum fato cedentium longe maiorem esse aduulorum numero. Inter tot aegritudines primas partes quoque sibi vindicat tussis, quae cum ratione loci et causarum varia sit, Cl. Auctori placuit tussim illam clangosam pueris adeo infestam, quam et stomachalem vocant, describere

bere, eiusque curationem tradere. Haec tussis species antiquis antea prorsus ignota, nec ab HIPPOCRATE ipso observata, circa initium saeculi decimi quinti in Gallia grassari coepit et, uti FRANCISCUS VALERIO-
LA annotavit, primum indiscriminatim cuiuslibet aetatis homines adgressa est. Nunc vero infantes puerosque tantum adoritur et vulgo *coqueluche* vocatur, quod, qui eo morbo tenebantur, caput cucullione velabant, ne, ut arbitrabantur, fluxio a cerebro in pulmones irrumperet. Atrocis vero morbi symptomata haec sunt: aegros vexant initio gravis capitis dolor, respirandi angustia, vocis raucitas, mor-
horror, febris, tussis adeo valida, ut in praefocatio-
nis metum plerique adducantur; primis diebus haec tussis est sicca atque vehemens sine scretu, post se-
ptimum aut decimum quartum diem, scretus mul-
tus viscidus, lentus, non nullis tenuis et spumofus, procedente vero sputo tussis et spirandi difficultas ali-
quo modo remittunt, sed in omni morbi progressu las-
situdo corporis, virium deiectio, inappetentia, in-
quietudo, vigilia, non nullis alui fluor sub finem, aliis sudores superueniunt. Hisce praesuppositis, sedem huius morbi in ventriculo et primis viis ponit, et causam ex saburra humorum ibi nidulante repetit Cl. Auctor. Haec autem colluies ex parte oritur, quando a perspiratione, quod in pueris facillime eue-
nit, suppressa humores ad interiora et potissimum ad ventriculum et pectus pelluntur. Praeter ea pueri ipsi, licet ventriculo per naturam adhuc debiliore donati, tamen continuo sine fame, sine modo, sine fine, sine delectu comedunt et primas vias alimentis nimiis replent, quae crassam, acidam et viscidam indolem post ea acquirunt. Hac saburra collecta pa-
pillae nerueae ventriculi vellicantur et diaphragma, quod arte nervorum consensu cum orificio ventri-
culi sinistro connectitur, irritatur hincque tussis ex-
surgit et ob tenerum, mobile et sensile nervorum
genus

genus in infantibus, motus spastici et convulsiui simul excitantur. Eandem vero ex ventriculo oriri, signum est in tussiendo sonitus et in profundo loco et praecordiis molestus sensus. Haec ergo huius morbi cognita causa per vomitoria erit eliminanda eo facilius, quoniam pueri ob seri abundantiam, et mollia et flexilia nervorum stamina emeticorum vim sustinent. Ea tamen seligenda sunt emetica, quae lenia sunt. Ex his kermes minérale, quod ex antimonii parte regulina, sale alcalino fixo et vero sulphure minerali constat, optimum iudicatur, cuius granum unum ad quatuor in cochlearibus vini et aquae duobus cum pauxillo sacchari miscentur et cochlear unum omni horae quadrante pro dosi exhibetur. Si mitior effectus desideratur, dosi grani semis vel unius, tertia et sexta quavis hora, vel per se, vel cum oleo amygdalarum dulcium, vel conseruis propinanda erit. Pari cum effectu radix Ipecacuanhae et tartarus emeticus dari poterunt. Etsi quidem Auctor Cl. alia medicamenta diluentia, absorbentia, anodyna et laxantia non excludit, tamen vomitoriis in causa huius tussis tollenda plurimum fidit et adscribit.

IX.

Quaestio medica: An legitimae vulnerum sup-
purationi promouendae cortex peruuianus?
Praeside M. CAMILLO FALCONET M. D.
proponerat auctor LVDOVICVS ANNA LA-
VIROTTE, M. D. Monspel. Parisiis, 1752.
4 mai. pl. $\frac{1}{2}$.

Veri puris, quo modo a natura sola praeparetur,
breui historia praemissa, eiusque indole recte
declarata, discrimine simul, quod inter ipsum et
materiem putridam, ichorosam, esse deprehenditur,

adnotato, in causam inquiri Cl. Auctor: cur non raro pus minime laudabile generetur? eamque fac-
pius in virium defectu, quo multi laborant aegri,
qui aliquam corporis partem habent vulneratam, et,
quae necessarius eius esse solet effectus, in prava ali-
mentorum digestionem sanguinisque imperfecta prae-
paratione, se inuenisse, existimat. Cum igitur inter
alias vires ea in primis cortici peruiano sit propria,
ut laxis corporis partibus robur conciliet, indeque,
dum functiones eius nunc laetius procedunt, vires
adaugeat, usum eius in omnibus vulneribus, quae
sequi debet suppuratio, si haec minus recte fiat, ut
et post institutas illas sic dictas operationes chirurgi-
cas, quas vehemens excipere solet inflammatio, ad
auertendam gangraenam, non commendat solum,
sed hanc suam quoque sententiam exemplis, a variis
auctoribus enarratis, confirmat, unaque fatetur,
quod contrarii quidem effectus ab hoc cortice expe-
ctari videantur, dum is scilicet in uno morborum
genere nimiam solidorum tensionem minuere, et
spasmos compescere, in altero autem corpori imbe-
cillo atque cachectico robur reddere, eiusque fun-
ctiones iuuare dicatur; qui tamen effectus, licet
haud vero similes sint, certa tamen experientia com-
probat, ideo negari haud debeant, quod mechanis-
mus, quo ille cortex, uti et plura alia remedia, agat,
nobis adhuc nondum perspectus sit.



X.

Quaestio medica: An per suffitum felicior et tutior, quam per inunctionem mercurialem, morbi venerei curatio? Praeside M. IO ANNE DAMIANO CHEVALIER, M. D. proponebat LVDOVICVS PETRVS FELIX RENATVS LE THIEVLLIER, Parisiis 1752. 4. mai. pl. I.

Postquam luis venereae causam breuibus exposuit Cl. Auctor, et, quo vel partes corporis tumoribus atque ulceribus ea deturpare, vel functiones illius laedere valeat, modum ostendit, natura huius morbi in singulari aliqua humorum visciditate posita, mercurium contra huius generis morbos quidem commendat, sed eius usum frictionis ope in leniori tantum malo applicandum esse, putat: moueri tamen inde saluationem, aut catharsi hanc deprimi, non vult: salivae enim spurcitiem orisque foetorem ab ulceribus tantum, nec ab eliminato luis fomite, provenire, inde probat, quod illa nec purior ab homine sano, quam lue infecto, hac ratione eliciatur: aluo ducta, frangi praeter ea vires; in utroque autem casu iusto citius mercurium ex corpore proscribi: ideoque eam methodum, qua parciori inunctione uti, curamque, quam diu fieri potest, extendere iubentur aegri, morbo per solam perspirationem profligando, reliquis, licet inter plures medicos huc usque usitatoribus, viis praefert. Si vero morbus grauior sit atque inueteratus, v. c. ubi adsunt exostoses, anchyloses, scrophulae, ossium palati, nasi, aliorumque ulcera, haec methodus non sufficere dicitur, sed alia, ut omnium tutissima atque felicissima, suffitio nempe, commendatur, cuius salubritatem, quam Cl. Auctor ipse saepissime experitus est, post multa in nosocomiis parisiensibus facta

D 5

experi-

experimenta, medicorum ordo declarauit. Cinna-
baris artificialis, vel, qui conuenientior esse depre-
hensus fuit, aethiopis mineralis, ex hydrargyri una
libra, florumque sulphuris uncis quatuor, confecti,
tritura per undeuiginti horas in vitreo mortario fa-
cta, drachma una carbonibus iniicitur; aeger autem,
tentorio satis amplo reclusus, ore et oculis clausis, tem-
pore, quo lectum ingredi solet, mercurium hoc mo-
do sub flammulae forma exhalantem naribus excipe-
re, et, copioso mox inde per totum corpus eruptu-
ro sudore, in lectum se conferre, eumque per ali-
quot horas emanare, pati debet. Hac ratione mer-
curii moleculas omnium exilissimas atque mobilissi-
mas, quippe quae suffusionis ope *cerebrum per ner-
uos olfactorios a natura cauos irrorare*, et in pulmo-
nes atque ventriculum descendere dicuntur, totum
corpus, eiusque remotissimos et subtilissimos canales,
penetrare, asserit Cl. Auctor.

XI.

Traité de la petite verole communiquée par l'
inoculation; par M. BVTINI Docteur en me-
decine, de la Faculté de Montpellier et Ag-
grégé à Geneve. à Paris, chez I. T. Herif-
fant. 1752. 8. pl. 6.

i. e.

De variolis per insitionem communicatis tracta-
tus.

Inter omnes nunc constat, quaenam sit huius ope-
rationis chirurgicae, quam variolarum inoculatio-
nem vocant auctores, ratio, et quisnam instituendi
eam modus? Licet ea vero iam quidem per tringinta,
et quod excurrit, annos in cultioris Europae pro-
uinciis cognita, atque in primis in Anglia saepissime
in

in usum vocata fuerit; nihilo tamen minus eorum, qui eam reformidarunt, plures fuere, quam qui defenderent. Inter defensores referri quoque debet praesentis tractationis Cl. Auctor. Vt eam igitur quaestionem: Num variolarum insitio tristes atque p. 4. funestos istos euentus, quos variolae ab ipsa natura excitatae, saepius producere solent, auerruncare valeat, solueret, ante omnia utriusque variolarum generis indolem, tum illius, quod naturalium, tum alterius, quod arte factarum, genus appellare possumus, inuestigat atque inter se comparat, indeque, huic prae illo palmam tribuendam esse, colligit, commodis illis declaratis, quae artificiosis variolis prae naturalibus solent esse communia. Va-p. 8. riolis, per se consideratis, haud inesse quidem contagium, existimat, certe nulli, nisi qui hoc morbo numquam adhuc fuerit correptus, insensum: Homini enim nascenti innatam iam esse primam illam materiem variolosam, in loco aliquo, a visceribus vitalibus remoto, et extra humorum circulum eorumque vasa posito, collocatam, quae deinde ab aliqua causa externa in motum agatur, febre cum ipsius symptomatibus insequente: Arte autem suscitari debere dictum illum focum variolosum, inde probat, quod variolae quidem naturales nullum ex indole sua apportent periculum, propter alias tamen causas ab p. 24. ipsis variolis distinctas, nec sola semper arte superandas, v. c. aetatem prouectiorem; humores in aegris iam ante huius morbi accessionem acres factos; morbos alios modo ante breue tempus victos, viresque inde corporis adhuc debiles; tempestatis iniurias, malamque constitutionem epidemicam, e. s. p. valde fieri possint periculosae, quod haec vero omnia praeuenire, vel alio modo euitare queat medicus, insitione celebrata. Praeter id vero, quod hae cau-p. 34. sae externae, quarum vi variolae alias forte benignae mutari possunt in peiores, hac methodo euitari possint,

sint, peculiarem inde emanare putat Cl. Auctor utilitatem, quod vulnera, eam ob causam aegro inflata, ipsius vitae singulari esse queant praesidio. Per sex septemue dies priores, asserit ille, ipsum quidem corpus haud affici videri, inflammatione nimirum tantum circa vulneris oram orta, crustaque inde, mediante suppuratione, a vicinis partibus separata; sed, postquam febris, id quod septimo ut plurimum die fieri soleat, exandescere coeperit, pustulis in cutis superficie ortis, insignem variolosae materiei copiam ad haec vulnuscule duci, ideoque omnem eius fomitem imminui, atque ita fieri, ut in reliquo corpore minor sit variolarum numerus, nec illae confluant, neque nimis copiosa materie turgeant:

p. 38. Corpore etiam ante suscipiendam operationem rite praeparato, haud esse metum, ne illa morbum sequantur incommoda, quae alias acriorum humorum sint effectus: Accedere denique et hoc, quod, vulneribus diu fatisque suppurantibus, sanguis optime depurari, omnisque materies acris, alias facile relinquenda, furunculorum, aliorumque morborum nova causa, ab eo separari queat. Post haec felicem variolarum insitionis euentum Geneuae in viginti aegris, quorum curam in se suscepit, experientia

p. 45. comprobatum fuisse, Cl. Auctor testatur. Exponit deinde commoda, quae a frequenti huius operationis exercitio in rem publicam redundatura esse inde probat, quod, cum ultima vice Geneuae epidemice grassatae fuerint variolae, testibus publicis tabulis magistratus iussu confectis, decima pars horum aegrorum morte fuerit extincta; quae hominum iactura ab inoculatis variolis haud fuisset extimescenda. Ne ullum vero dubium lectoribus suis remaneat, omnes, quae contra hanc insitionis variolarum commendationem moueri possunt, obiectiones proponit Cl. Auctor, easque soluit, tumque modum, quo ante praeparari debeant agri, quam ipsis excitentur variolae,

variolae, et quo ipsa instituenda sit operatio, tandemque quo morbus hac arte factus debeat curari, docet. Finit hunc commentarium, quem libenter perlegimus, adiecta huius operationis historia, qua nimirum ratione primum Constantinopoli, deinceps in reliquis Europae prouinciis cognita fuerit.

XII.

*Hamburgisches Magazin, oder gesammlete Schriften zum Unterricht und Vergnügen aus der Naturforschung und den angenehmen Wissenschaften überhaupt, achter Band. Hamburg, bey G.C. Grund, vnd Leipzig bey A. H. Holle, 1751. 8. alpb. 1. pl. 19. Kupfer-
tafel 1.*

h. e.

Promptuarium Hamburgense, siue collectio scriptorum, institutionis et oblectamenti gratia ex physica, et humanioribus litteris collectorum etc. Tomus VIII.

Phyfici argumenti scripta, hic a nobis indicanda, sequentia in octauo continentur tomo:

Part. I. no. 1. Primaria atque utilissima ex libro, p. 1. quem de *cultura terrae secundum fundamenta* DE TULL, angli, Cl. DV HAMEL DV MONCEAU Parisiis 1750. 8. edidit, et an. 1752. in germanicum sermonem translatum accepimus, excerpta legimus.

No. 2. De volatilitate argenti in schisto mansfeldensi tractatio. Schistum, qui in mansfeldensi regione eruitur, plurimum volatilis alcali continere, ostendit anonymus Auctor, illudque chemico examine ex illo obtinuit. Ex salino itaque lixiuio, destillatione

ex

ex schisto educto, et affusione ad saturationem usque alcali fixi sedimentum accepit, quod cupellatione argenti particulam exhibuit. Mineralia vero non nulla in naturali sua mixtione certo respectu quidquam, ad quod adhiberi solent, promptius, quam in separato et ita simplici partium, antea cohaerentium, nunc disiunctarum statu, efficere, notissimum est. Ita arsenicum plane contrarios exserit effectus; aliquando metallorum sublimationem efficit, alio vero tempore crudas et omni metallica parte destitutas terras nobiles et argento diuites reddit. Hinc dubitandum forte esset, num alcali huic minerali volatilifatio harum, in schisto contentarum, argenti particularum unice adscribenda sit, an vero arsenicale principium suum quoque contribuat. Mansfeldensem enim schistum quodam modo arsenicalem esse, Auctorem doctissimum eius examen docuit. Arsenicum vero salinam indolem habet, volatile porro est, aliquid inflammabilis continet, non modo ab omni fluido soluitur, sed ipsum argentum quoque soluit. Ex quibus proprietatibus clarum esse existimat Auctor, arsenicum, in schisto contentum, quidquam ad combinationem huius alcali volatilifationem in crudis schisti particulis conferre, ita ut salinum principium illud, quod per se efficere haud potuerit, nunc ope arsenici praestare possit. Vtrumque itaque in naturali mixtione illud forte ad volatilifationem argenti contribuit, quod alias spiritus salis communis in solutione argenti cum aqua forti efficit. Nonne tandem forte volatiles salis et arsenici partes in schisto ea proportionem inter se mixtae sunt, quam in spiritu nitri videmus, in quo argentum soluitur? scimus enim in concentrato nitri spiritu argentum haud solui posse, melius vero hoc fieri, si menstruum sit dilutum.

p. 63. No. 4. IOACHIM FRIDR. SPRENGELII, *relatio de modo strassbergenses fodinas extruendi*. Qua ratione

tionem in his fodinis, optimo fane cum successu, aedificia et alia erigantur, mineraeque effodiantur, studiose describit Auctor, quae vero omnia breui sermone recenseri non possunt.

No. 6. *De apta viscerum structuram detegendi ratio* p. 92. ne dissertatio, Auctore LIEBERKÜHNIO; ex gallico sermone in germanicum versa atque desumpta ex actis acad. reg. Berol. an. 1748. p. 28. *

No. 7. *De belemnitis et hisce plerumque insidentibus* p. 97. alueolis animadversiones, conscripta a M. R. ROSINO, et editae Francohusae in 4to, nunc germanica lingua donatae hic insertae leguntur.

Part. II. no. 1. *Continuatur recensio libri de agricultura* Cl. DV HAMEL.

No. 3. Cl. MARGGRAFII *chemica disquisitio singularis urinosi salis, quod acidum phosphori continet*, translata ex actis acad. reg. Berol. an. 1746. p. 84. seq.

No. 4. ELIAE FRIDR. SCHMERSAHL, *tractatio* p. 188. *de Lino*. Diuersos culturae et praeparationis modos, in Hanouerana ditione consuetos describit, ut oeconomum decet.

No. 5. *Insecta, quae in museis asseruare cupimus, facilis necandi modus*, Auctore A. G. KAESTNERO. Diu ut plurimum, licet acu affixa sint, insecta viuunt et varia ratione sese mouendo partes quasdam corporis sui destruunt. Vt itaque citius emoriatur animalculum, partibusque eius, dum adhuc mobiles sunt, commodus dari possit situs, suadet Cl. Auctor, ut apex acus, qua insectum pertusum fuit, igni admoveatur, altera vero acus extremitas forcipe teneatur, atque intra flammam insectumque aliud corpus ponatur, ne prominentes mobilesque infecti partes flamma laedantur.

No. 6. *Relatio de duobus hominibus a vaporibus, ex cloaca prodeuntibus, Dresdae suffocatis*. Arterias capitis

* Recensionem huius iam dedimus Vol. I. Pars. I. p. 128.

pitis multo sanguine repletas tumidasque sectio cadaverum ostendit.

p. 207. No. 7. *De fructibus florentibus* disserit I. CH. HELCK. Flores hi, praeter consuetum naturae ordinem e fructibus enati, pedunculoque destituti, ex fructuum umbilico surgebant, eorumque petala eo ipso in loco iterum apparebant, in quo antea locata haeserant. Causam vero huius, non admodum rari, phaenomeni in aeris temperie, vere admodum foecunda, quaerit Cl. Auctor. Illud vero singulare est exemplum, quod de pyri quadam arbore adducit, cuius fructus omni anno, quando ad dimidiam naturalis magnitudinis partem increvere, novos flores, pedunculis suffultos, ex umbilico protrudunt. Aliam etiam vidit pyri stirpem, ubi plurimi fructus folia, illis plantae simillima, ostenderunt.

p. 210. No. 8. *Non nullae, ad agriculturam pertinentes, observationes*, desumptae ex Diario heluetico (*Journal helvetique*) an. 1747.

p. 227. *Part. III. no. 1. Disquisitiones de fertilitate terrae in genere*, Auctore Ill. ELLERO. Gallico sermone conscriptae exstant in actis acad. reg. Berol. an. 1749.

P. 3. *

p. 271. No. 3. Prolixiori sermone exhibentur contenta libri: *Coniectura physica circa propagationem soni ac luminis*, Auctore LEONH. EVLERO, Berol. 1750. 4. Indicatus hic liber secundus est opusculorum minorum, ab EVLERO editorum, tomus; tertius vero, cuius etiam hic legitur recensio, sequentem habet titulum: *Nova magnetis theoria, cum non nullis aliis dissertationibus*. Berol. 1751. 4.

p. 288. No. 4. IO. CHR. HELCKII *animadversiones in relationem Cl. STOR de ferro nativo*. ** Nativi metalli defini-

* Confet. nostr. commentar. Vol. I. Part. III. p. 385.

** Cl. STOR relatio exstat in huius collectionis Tomo VII. p. 441. Conf. etiam nostr. comm. Vol. I. Pars IV. p. 629.

definitionem praemittit Cl. Auctor, idque eo nomine insigniendum esse affirmat, quod, dum ex terra effoditur, cum nullo alio corpore minerali mixtionem subiit, vel quod easdem proprietates habet, ac illud, quod igne iam iam tentatum fuit. Ferrum arte paratum et malleo extenditur, et a nitri spiritu soluitur; ideoque etiam hae conditiones in nativo ferro adesse debent. Illud vero ferri frustum, quod Cl. STROY descripsit, licet malleo cedat, tamen nitri spiritu non destruitur. Magnes quidem illud attrahebat, haec vero non singularis modo ferri est proprietas, sunt enim et alia mineralia, quibus nulla ferri particula inest et quae tamen cum magnete amicabile servant vinculum. Dubitat etiam porro Cl. Auctor, num minera haecce ita effossa, an vero potius mutata fuerit; et si forte ita eruta fuisset, nihil aliud eam ostendere putat, quam quod ferrum cum alio minerali mixtum fuerit, cuius auxilio arroso, ab acidis spiritibus efficienda, praecaveri, eiusdemque ductilitas conservari possit.

No. 5. *Vtrum corpus electricum factum plus materiei electricae accipiat, quam antea habuerit.* p. 291.
Auctore I. F. VNGERO. Mediante vitreo tubo se ipsum electrificare voluit Cl. Auctor; se itaque supra lignum collocavit, quod quatuor erectis siccisque vitris, quibus vinum infundere solemus, sustinebatur; frictione calidum reddidit tubum, suumque corpus illi admovit, manumque corpori, non electrificato, applicavit; ordinariorum vero electricitatis effectuum nullus nunc sequebatur. Contraria hinc ratione experimentum instituit, sumsitque corpus, quod non ligno, sed terrae impositum fuit, ipse vero mansit supra lignum positus; atque nunc statim, dum electrificato vitreo tubo hoc corpus tangeret, ipse electrificatus fuit, scintillasque emisit. Saepius dein novum hocce experimentum repetiit Cl. Auctor, et semper invenit, si in se ipso electricitatem producere vellet,

E effectum

effectum non sequi, licet omnia requisita adessent; si vero aliud corpus electrificaret, quod sub illa conditione, quam habuit, nullo modo electricum fieri potuerit, Auctorem tamen electrificatum fuisse. Ex hoc, ut primario, experimento concludit Auctor, corpus electrificatum haudquaquam plus materiei obtinere, quam ante institutam electrificationem habuit.

p. 312. No. 6. *Observatio de vermibus cucurbitinis*, instituta ab I. A. VNZERO. Femina, aliis pluribus symptomatibus vexata, latos etiam vermes per anum excreuit, quorum etiam numerus nunquam imminuebatur, verum potius semper noua eorundem reiciebatur copia. Cl. itaque Auctor coniectura quadam commotus, existimauit, aquam forte quotidie ex puteo quodam haustam, atque ab aegra deglutitam, proximam huius verminosi morbi esse causam: Neque opinio eum fefellit; huius enim usu intermisso vermes, reliquaque symptomata disparuere. Aquam ipsam post ea disquisiuit Auctor, atque singularem latorum vermium catenam, longitudine duas spithamas aequantem, in ea deprehendit. Cur vero rarissime extra corpus in aqua detecti fuerint vermes, diuersum eorundem habitum forte causam esse affirmat. In puteali enim aqua obscuriorem griseum, parum modo in rubicundum vergentem, colorem ostendunt; ex corpore vero animali eliminati vermes albidiores sunt, uti omnes vermes a chylo hausto eundem colorem adsumunt. Praeter ea multo minores erant cucurbitini, in aqua puteali habitantes, quod etiam a deficiente nutritio chyloso succo deducit Cl. Auctor.

p. 316. No. 7. LAVRENTIVS SCHAERDING¹ *de telis, in aere autumnali tempore volantibus*, loquitur. Telam hancce aranearum opus esse Auctor affirmat, seque primum huius rei naturam detexisse credit; alios vero ante eum auctores huius filamentosi operis naturam dudum cognouisse, ex observationibus, quas
ad

ad LESSERI Insectotheologiae gallicam versionem
apposuit LYONETVS, in addita nota docet Cl.
KAESTNERVS.

No. 9. *Relationes de recentissimis physicis curiosisque* p. 321.
aliis inuentis. Nouam sibi proposuerunt huius prom-
ptuarii editores regulam, in posterum semper in
quauis eiusdem parte ex nouis physicis libris aliisque
diariis ea inferendi, quae naturalis historiae cultu-
rum attentionem merentur. Haec vero, cum libri
ipsi eorumque contenta, vel inuenta ex diariis a no-
bis recensenda sint, hic repetere vix possumus.
Hinc etiam impofterum hunc articulum ne quidem
indicabimus.

Part. IV. no. 1. *Methodus artificialem magnetem* p. 339.
efficiendi; Auctore IOH. CANTON. Desumpta ex
diario, *Bibliothèque raisonnée* inscripto, huiusque
Tom. XLVII. Part. I. art. 2.

No. 2. *Sulphuris antimonii aurati ultimae praecipita-* p. 356.
tionis medicam virtutem laudat IOH. AVG. VNZERVS.
Vires, quas saepissime ab hac medicina expertus fuit
Cl. Auctor, illae sunt; ut inde excretiones in corpore
augeantur, motusque nimium incitati imminuantur,
excretiones vero vel vomitu, vel purgatione, vel su-
dore promoueantur. Prius rarius, posterius vero
frequentissime accidit, et sine omni quidem incom-
modo metuque alius inde mouetur, imo si repe-
titis vicibus propinatur sulphur, ipsam diarrhoeam
inde sisti, Auctor affirmat. Si sudor ab eodem ex-
citatur, unica dosis ad morbi curationem sufficit.
Primaria vero huius medicinae vis est anodyna.
Nunquam autem, ut usu aliorum narcoticorum con-
tingit, somnus inde excitatur; modo Cl. Auctor ob-
seruauit, nec vomitu, nec alui excretionem, nec su-
dore ortis, ipsum morbum mutatum fuisse, motus-
que, antea praeter naturam auctos, cessasse. Vsu
itaque huius sulphuris in genere laudato, speciales

nunc adducit casus, in quibus illud egregiam praestitisse virtutem, dicit. Huc pertinet catarrhus suffocatiuus, spastici ac conuulsiui hypochondriacorum et hysteriarum morbi, infantum tussis, intermittentes febres, in quibus, praemissis praemitendis, eundem salutarem effectum, quem alii de cortice chinae, expectant, nunquam vero aliquam noxam, a sulphure aurato obseruauit Cl. Auctor.

p. 393. No. 4. *Descriptio multitudinis insignis formicarum congregatarum, quae auroram borealem referebat*, Auctore Cl. GLEDITSCH.

p. 409. No. 5. *Eiusdem Auctoris experientiae circa fungorum generationem*. Vtraque tractatio gallico sermone conscripta legitur in actis acad. reg. Berolin. an. 1749. p. 26. et p. 46- *

p. 418. No. 6. *Experientia, de macrae atque incultae terrae praestantia*, communicata ab E. F. SCHMERSAHL. In illis agris, quae macram modo terram fistebant, semina secalis sata maiori in copia propullulasse, aliasque peregrinas plantas, licet earundem semina terrae simul immissa fuerint, haudquaquam illis immixtas fuisse, Auctor deprehendit; contrarium vero in illis vidit agris, qui fimo antea foecundati fuerant. Causam huius euentus in aqua niuali quaerit Auctor, quae frugibus maxime nociua censetur. Haec vero maiori in quantitate citiusque in eos penetrat agros, qui propter stercorationem rarioris contextus terram habent. En hypotheseos rationem.

p. 426. No. 8. *Comparisonem inter oculum atque cameram obscuram* instituit Cl. KÄESTNERVS. Monet ille, licet eum in modum depingantur imagines in oculo, ut in cubiculo obscuro, similitudinem tamen non eo usque extendi debere, ut anima spectatoris loco

* Vtriusque excerptum lege in comment. nostr. Vol. I. Part. 3. p. 389. et 392.

loco esse dicatur. Spectator enim imagines suis oculis contemplatur, anima non aliis oculis, sed modo nobis incognito eas percipit. Neque vero sine exemplo est comparatio eo usque extensa, neque inuocuus est hic error. Quod enim magna contentione agitata sit controuersia, cur obiecta erecta videantur, imaginibus in oculo inuersis existentibus, id solum in causa fuit, quia animam, ut spectatorem, imagines contemplari creditum est, a qua cogitatione si animus abducatur, nihil amplius mirandi inerit perceptioni erectorum obiectorum, licet imagines inuersae sint. Imaginis enim conditiones cum animi perceptionibus, vinculo nobis inexplicabili, connectuntur, ut non magis quaerendum videatur, cur inuersa imagine obiecti sensatio nobis erecta sit, quam cur sacchari sapor dulcis esse sentiatur. BUFFONIUS vero pseudoparadoxon hoc tanti fecit, ut intulerit ex eo reuera infantibus inuersa obiecta videri, et nos eorum verum situm usu demum dignoscere, Tom. III. *Historiae naturalis*, ab HALLERO propter ea in notis, versioni germanicae huius libri adiectis, refutatus. Deinde hypothesis illa phaenomena explicandi data est a KRÜGERO in physica, et a MYLIO in *den philosophischen Nachrichten*, quam ingeniosam praedicat KAESTNERVS, sed ea nos indigere non putat, cum tunc demum paradoxon explicatu dignum occurrat, cum leges quaedam perceptionum aliis, aequae ac priores, experientia cognitis contradicere videntur, quale quid est visio simplex per oculos binos.

Part. V. no. 1. Tractatio de auro Rhenensi alsatico, p. 451. quae ex SCHOEFFLINI *Alsatia illustrata, Celtica, Romana, Francica, Colmar. 1751. fol. edita, pag. 59. seqq. desumpta est.* Huic ex eodem libro additur *enumeratio fossilium in Alsatia reperiundorum.*

p. 507. No. 3. Prolixior exhibetur libri IOHANNIS RAMBY, *de sclopetorum vulneribus recensio*; prodiit liber titulo: *The method of treating gunshot wounds*. Lond. 1744. 8.

p. 574. Part. VI. no. 2. *Observationes de vera osteocolla Marchiae Brandenburgicae*, Auctore Cl. GLEDITSCH. ex actis acad. reg. Berolin. an 1748. p. 32. translata.*

p. 604. No. 3. D. G. H. HOPPII *noua hypochondriacorum symptomata explicandi methodus*. Duplici ratione omnia, quae hypochondriacis accidunt, symptomata haëtenus explicata fuisse, Auctor primum monet; dum alii ab obstructione sanguinis, in infimi ventris vasculis oborta, spasticorum motuum genesin deriuant, alii vero ad irregularem sanguinis motum indeque factas congestiones attendunt. Ex his vero causis plurima quidem, haud vero omnia symptomata explicari posse, contendit, hinc aliam et uniuer-salem magis causam in suo corpore, eodem morbo laborante, se inuenisse affirmat. Non nulla itaque symptomata, quae ipse expertus fuit, et quae tensiones spasticosque motus tunc temporis adesse, declarant, recenset, quae vero omnia disparuere, quando vel particularis vel uniuer-salis sudor ea sequebatur. Existimat ergo Cl. Auctor tensiones spasmosque a densis atque crassioribus factis humoribus originem duxisse, iterumque euanuisse, quando sudor accessit. Crassi autem humores generantur a difficili et impedita sanguinis per abdomen circulatione. Quinam vero sint illi humores, qui in primis in hoc morbo spissiore naturam receperunt, alia occasione se declaraturum esse, spondet. Nonne a crassiori humore obstructio?

p. 610. No. 4. *De dulcis succi praeparatione ex dauco, occasione experimentorum, quae Cl. MARGGRAF de saccharo, ex plantis indigenis praeparando, communicauit,*

SCHO-

* Conf. comment. nostr. Vol. I. Part. I. p. 129.

SCHOBERS relationem exhibet. Eiusmodi extractum in Thuringia sequenti conficitur modo: Dauci radices depuratae atque concisae ahenis, aqua repleto, immittuntur, coquunturque tam diu, usque dum molliores fiant, quo facto exprimuntur; succus sic expressus denuo coquitur, et ad iustam consistentiam inspissatur. Utuntur eo incolae in cibis, ubi alias saccharum, vel syrupus, vel mel adhiberi solet, etiam in tussi infantum, phthisi, vermibusque utilis censetur.

N. 5. Legitur *recensio commentar. acad. Imper. Petropol. Tom. XI*, atque in additis animaduersionibus ea, quae minus recte dicta sunt, emendantur, alia vero illustrantur.

XIII.

Oeconomisch-physicalische Abhandlungen. Dritter Theil. Leipzig, bey C. L. Jacobi, 1752. 8. Bog. 16.

h. e.

Oeconomico physicae dissertationes. Pars III.

Ex illa, quae aduersariorum oeconomicorum, quae a lib. Barone PETRO DE HOHENTHAL publicae exponuntur luci, tertio tomo addita est, praefatione cognouimus, has quoque dissertationes oeconomico physicas ab iisdem auctoribus elaborari, et, duce etiam eodem, euulgari. Causa vero, cur hae ab illis separatae, et in singulari libro exhibitae fuerint, ea est, quod in priori mere oeconomica, et ita nuda experientiae, in posteriori vero rationes, et ita physica potius, proponi debeant. Hanc etiam sibi datam regulam haecenus secutum fuisse editorem, priores duae, a nobis alibi indicatae, huius libri partes satis comprobarunt; nunc vero eo magis mira-

mur, in hac tertia parte eius modi contineri dissertationes, quae omnino meliori iure ad aduersaria oeconomica amandari debeant. Hinc etiam est, cur modo breuissimis contenta huius indicemus. Legitur itaque:

p. 513. No. 1. *Traëctatio de Lupulo*. Describit primo Cl. Auctor, quem MOELLERVM esse coniicimus*, totius plantae habitum. Ex qua descriptione notamus, caulium medullam, ratione proportionis habita, maximum occupare spatium, lacteumque, qui gustu dulcis est, continere succum; cylindrum vero, medullam continentem, ibi, ubi nodus adest, minorem longe fieri atque arctiorem; hancque coarctationem a gemmis, hoc in loco haerentibus, dependere. Comprimunt enim gemmae sua extensione medullas fibras, a latere excurrentes, et, dum proprias medullares fibras adponunt increscuntque, ipsa diameter imminuitur. Dein Auctor monet, fructuum squamis pulverem luteum adhaerere, qui forte ex ipsis squamis transfudat, et a quo in primis illa vis, dum cerevisiae gratum saporem conciliat et acescentiam coercet, dependet. Si vero coni perfectam adepti sunt maturitatem, aperiuntur squamae, magisque a se inuicem recedunt, atque pulverem dimittunt. Hinc etiam ante perfectam maturitatem coni decerpendi sunt, ideoque rarissime ex semine propagatur lupulus. His aliisque, quae ad structuram plantae enodandam spectant, praemissis, nunc ipsam lupuli culturam, eamque variam, describit, omniaque, ad eam pertinentia, oeconomice recenset. Praeter ea usum, quem planta et in medicina et

* Omnis enim, quatenus physica est, tractatio secundum ea conscripta esse videtur principia, quae MOELLERVS de vegetatione et structura plantarum in prima harum dissertationum parte proposuit, ita, ut illa, quae ibi generaliter ille exhibuit, nunc modo ad individuum applicata legantur.

et in domestica re habet, paucis commemorat, morbosque, lupulum corrumpentes, examinat.

No. 2. *De morbis boum theoretico practica disquisitio.* p. 604.

Contagiosorum, qui animalibus brutis atque in primis bobus frequenter accidunt, morborum ortum, causas, remedia aliaque generatim, ex illo in primis, quem TEXTOR de hoc morborum genere, conscripsit libro, repetit anonymus Auctor, speciatim deinde, eodem duce, varios morbos considerat, et ea omnia collecta ex aliorum scriptis recenset, quae haecenus de hisce morbis relata fuerunt, non nulla addens, quae ipse observauit. Auctorem huius relationis non medicinae studiosum fuisse, ex eo statim liquet, quod camphoram inter ea medicamenta retulerit, quae ex regno minerali desumuntur.

No. 3. LIC. GODOFR. AVGVST. HOFFMANNI oe. p. 751.

oeconomica physica tractatio de fermentatione. Oeconomica est, neutiquam vero physica; recensentur enim in ea modo illa, quae ad vini atque cereuisiae praeparationem ac fermentationem pertinent; in causas vero ipsius fermentationis non inquiritur.

XIV.

Vermehrtes und verbessertes Blackwellisches Kräuterbuch. Erstes Hundert, mit einer Vorrede D. CHRISTOPH IACOB TREW, verlegt, gemahlt, und in Kupfer gestochen, von Nicolaus Fridrich Eisenberger, Nürnberg, 1750. fol. mai. text. pl. 16. praef. pl. 3½. catal. plag, 13½.

Hoc est:

ELISABETHAE BLACKWELL collectio stirpium, quae in pharmacopoliis ad medicum

usum asseruantur, quarum descriptio et vires ex anglico idiomate in latinum conuersae sistuntur, figurae emendantur, floris fructusque partium repraesentatione augentur, et probatis botanicorum nominibus illustrantur. Centuria I. cum praefat. D. CHRIST. IAC. TREW. Excudit figuras, pinxit atque in aes incidit *Nicolaus Fridericus Eisenberger*.

De herbario, quod artificiosissima femina, infelicis medici, angli, Doctoris BLACKWELL, vidua, duobus voluminibus, anglico sermone conscriptis, an. 1739- Londini in lucem edidit, cur nunc moneamus quaedam, vix esse existimamus; illud enim opus, non solum caro pretio redimendum, sed et hinc inde mancum minusque absolutum, utile tamen esse, nouimus omnes. Atque hinc est, cur publicae utilitati inseruiendi studio permotus, suum huius operis exemplar, viuis coloribus illustratum, dexterissimo EISENBERGERO, pictori apud Noribergenses celeberrimo, eum in finem traderet Ill. TREWIVS, ut pro diminuendo pretio illud partitis vicibus et praenumerationis ope denuo in publicum ederet; quod propositum cum ipsi arriserit, programme quodam d. 12 Mart. an. 1747. idem enunciauit, et huc usque exequi continuauit, ita, ut nunc tandem, licet prima tabularum centuria diu iam absoluta esset, praefatione, catalogisque d. 1. Iun. an. 1752. absolutis, prima huius herbarii pars perfecta existat. Quid vero ad emendationem huius operis TREWIVS contulerit, ipsa praefatio docet. Nempe: ubi Blackwellianum opus latino nomine illud, quod in Germaniae pharmacopoliis usu receptum est, non indicat, idem adposuit, germanica vero nomina plerumque emendauit, illudque etiam circa nomina aliarum linguarum obseruauit: Blackwellianum exemplar

plar praemittit nomina latina officinalia et anglicana, dein sequitur descriptio ipsius plantae, eiusque viri-um medicarum, tandemque tractationem claudunt nomina aliarum linguarum; in hac autem noua eius editione omnia haec nomina primo loco occurrunt, et dein reliquae annotationes ex anglico idiomate et in latinum et in germanicum translatae: Cum no-men latinum in exemplo Blackwelliano illud tantum indicet, quod in officinis pharmaceuticis usitatum est, hoc vero post ea saepius mutatum fuerit, eorum in gratiam, qui de his etiam certiores fieri cupiunt, ea-dem quoque ex praestantissimis auctoribus indicauit, et ordine quidem chronologico, quo eorum Aucto-res se inuicem exceperunt, ita tamen limitato, ut eo in casu, quando sequentium quidam nomen alicuius antecedentis seruauit, huic statim ille adiungeretur: In illo porro opere speciei depictae nomina specifica nunquam indicantur; haec vero figillatim addidit Ill. Auctor, eo ordine, ut illa primo loco posita sint, quae nunc ad normam operum systematicorum ex-cluduntur, deinde vero sequantur emendata, omnia autem utriusque huius distinctionis iterum temporis ordine, quo proposita fuerunt: Quando imago quaedam apposita aliam speciem vel varietatem re-praesentat, huius quoque nomina specifica, sed se-paratim, indicauit. Blackwellianas icones aliquan-do, non vero semper naturae respondere, accuratior inquisitio Cl. TREWIVM docuit, hinc quoties occasio permittebat, exemplar naturale cum imagine contu-lit, et, ubi necessarium videbatur, ramum recens depictum Blackwellianae figurae iunxit, vel imagi-nem plane nouam substituit, et huic ramum modo Blackwellianae figurae addidit. Quoniam etiam mi-nores et separatae icones florum, fructuum, semi-numque in ipso opere neutiquam veram conforma-tionem repraesentant, eos quiden EISENBERGERVS absque mutatione adposuit, simul vero studuit, eas-dem

dem partes, quoties ipsi possibile fuit, accuratius et secundum earum analyfin depingere, sigillatimque staminum et pistillorum numerum ac conformationem indicare. Quicquid autem imaginum ratione mutandum, emendandum et augendum, quidque praeter ea ad illustrationem huius vel illius speciei addendum, necessarium vel utile visum fuit, id omne in notis subiunctis declaravit Cl. TREWIVS. Eo quidem tempore, cum huncce laborem ipse susceperet, hasce additiones amplificare haud voluit; quare priorum plagularum expositio reliquis multo breuior est, sensim vero ad plura attexenda excitatus, ampliorem explicationem adiecit. Cum itaque in hac noua editione multa unius speciei latina nomina indicata, saepiusque ex aliis linguis plura addita sint, cuilibet centuriae peculiarem addidit indicem alphabeticum, ex quibus deinde alius uniuersalis confici poterit suo tempore. Cum haec quoque Blackwelliani herbarii editio ad finem perducta erit, tum ille non solum species, quae aliquando loco illarum, quae in hoc depictae sunt, in nostris pharmaceuticis officinis prostant, verum etiam aliae multae officinales plantae, in hac collectione plane omissae, in supplemento quodam delineatae et explicatae accedent: porro etiam venenatarum stirpium cognitio utilis cum sit ac necessaria, eae imaginum quoque repraesentationem atque descriptionem merentur. Ea vero ratione, qua excusum antea fuit, nunc etiam recusum, emendatum modo et auctum, exhibetur totum opus, unde haec editio eum etiam praestat usum, ut, ubi Blackwellianum opus citatur, hoc nostrum eius loco inferuire queat, quare vel ipsae erucae, aliaeque insecta, interdum adpicta, haud ommissa sunt, licet imperfecta plerumque exhibeantur. Hac itaque forma apparuit prima huius collectionis centuria, quam reliquae eadem, imo maiori cura elaboratae, sequentur. Cum enim Ill. TREWIO,

eius-

eiusmodi opera molienti, eae tantum modo vacent horae, quas eruditi, aliis laboribus defatigati, quieti destinant, et eiusmodi conatus propter ea tantum foueat, ut opportuna artificum illorum occasione gaudens, publicae utilitati studeat, nullumque in hisce lucrum quaerat, coeptum quondam opus aliis perficiendum lubens tradit. Hanc ergo ob causam, et ut omnia impedimenta remouerentur, diu in votis habuit, ut huius quoque operis expediendi curam alius in se susciperet, quod etiam nunc contigit, dum Cl. noster *LYDWIGIVS* hoc munus beneuole in se suscepit, ita, ut sua sub directione omnia ordine coepto continuentur, celeriusque elaborentur, id quod explicationes ad centuriam secundam pertinentes, cuius iam tabulae 83. prostant, propediem edendae, satis probant. Haec de opere ipso annotasse sufficiat: supersunt adhuc nonnulla, de catalogis additis monenda. Necessarium enim duxit Ill. Auctor, eorum opera, quibus in expositione usus fuit, titulis suis indicare, eademque, variarum editionum, ab ipso collectarum, breui recensione illustrare, hinc prior enatus fuit catalogus. Huic alium catalogum eorum herbariorum, quae mox post typographicae artis inuentionem excusa, saepissimeque recusa sunt, subiunxit, praesertim cum non solum haec opera, verum etiam plurimas eorum editiones ipsa eius, sat ampla, librorum collectio contineat, ideoque ipsi occasionem praebeat, accuratorem de iisdem relationem et comparisonem suppeditandi, quam quidem huc usque ab aliis illud factum esse deprehendimus. Apparatus quoque plurium antiquorum herbariorum, a Germanis elaboratorum, quem in sua etiam collectione asseruat, ipsum excitauit, ut de his ad annum 1550 usque breuem recensioem conficeret, eamque cum variis editionibus, quae ipsi ad manus erant, facta collatione illustraret, ideoque indicaret, quantum renouata stirpium cognitio germanis

manis debeat. Ne autem auxilia, ab exteris, eodem temporis decursu praestita, silentio penitus praeteriret, consilium tandem cepit haec pariter enumerandi. Huius utriusque catalogi, Blackwelliano herbario adnexi, pauca exempla, amicorum causa, quibus ipsum herbarium ad manus non est, figillatim excudenda sequenti titulo curavit: *Librorum botanicorum catalogi duo, quorum prior recentiores quosdam, posterior plerosque antiquos ad annum 1550 usque excusos, ad ductum propriae collectionis breuiter recenset, conscripti a D. CHRIST. IACOB TREW. Norib. 1752. fol.* In his itaque 1) opera omnia, quae germani in herbariae rei emolumentum ad annum 1550 usque publicarunt, conquisiuit enumerauitque, quotquot vel ab eo collecta reperire, vel ab aliis annotata obseruare potuit. 2) In exterorum operibus, ne praeter necessitatem nimis prolixus esset, ea silentio praeteriit, quorum nullam editionem possidet, barbarorum quoque plura consulto omisit, quia in his nil, nisi nuda simplicium nomina, reperiuntur. 3) Editiones operum varias, quotquot earum ipse possidet, addidit, notauitque sedulo, num inter se differant, an conueniant, ut igitur unus quisque certior fieret, num illa, quam possidet, auctior aut emendatior prosteret; quam etiam ob causam eas interdum adiecit, quae post terminum praefixum in publicum prodierunt. 4) Vt ordinem chronologicum prosequi posset, primam semper omnium operum editionem, ex aliis nominatis auctoribus indicare studuit, ubi eius collectio deficiebat. 5) Omnium editionum, quas ipse possidet, titulos integros exscripsit, quia plerumque de pretio, quo editionis tempore erant, testantur, atque brevis recensiois vices praestant, nec non de editionum differentiis curiosos reddunt certiores; et quia etiam non nulli molem libri siue paginarum numerum cuiusuis libri desiderant, illum etiam fideliter indicauit.

Praeter

Praeter hoc vero, a celeberrimo pictore, EISENBERGERO, Noribergae euulgatum opus, alia adhuc plura, et splendidiora forte, haftenus incepta, paritisque vicibus ab aliis in sua arte claris viris ibidem quoque edita fuerunt. Ita ad regnum vegetabile tria pertinent; cuius prioris sequens est titulus:

XV.

Hortus nitidissimus omnem per annum superbiens floribus, siue amoenissimorum florum imagines, quas magnis sumptibus collegit D. CHRIST. IAC. TREW, in aes incisas, vivisque coloribus pictas edidit IOH. MICH. SELIGMANN. Noriberg. 1750. fol. regal.

Quamquam nulla planta suo caret flore, vulgo tamen bulbosa modo, tuberosaque radice suffultae plantae, floriferae appellari solent, quarum flores forma sua concinniore, colore speciosiore, odoreque interdum gratissimo prae reliquis sese commendant. Fluxa vero horum florum est amoenitas, neque ulla impedire possumus cura, quo minus illi, quibus hodie delectamur, crastino die flaccescant; neque bulbus, qui hoc anno laetius floruit, subsequenti similem in modum denuo efflorescit, neque reddit semper semen eorum, quos perdidimus. Hincce permoti florum cultores, artis pingendi ope, breuem eorundem vitam stabiliorem reddere, annisi sunt. TREWII itaque benevolentia adiutus, de eius modi opere moliendo perficiendoque cogitavit dexterrimus Auctor. Ill. enim TREWIVS libenter omnes cum eo communicavit nitidissimorum florum imagines, quas suis, iisque haud exiguis sumptibus per peritissimos artifices pingi curauerat. Est itaque omnino,

omnino, quod florum cultores sperare possint, se nacturos esse editoris opera plenam speciosissimarum tuliparum, coronarumque imperialium, hyacinthorum et narcissorum, rosarum, caryophyllorum, leuciorum, tiliorum, fritillariarum, ranunculorum, auricularum, anemonesque specierum collectionem, per intervalla edendam. Ita vero opus hoc debet dispertiri, ut quaelibet pars viginti quinque constet tabulis, singulique flores fistantur naturali in magnitudine, natiuisque suis coloribus ita expressi, ut, licet ipsae eorum imagines aeri sint incisae, picturas tamen potius referant, quam figuras. Cuilibet tabulae superius nomen adscriptum est genericum latinum, inferius autem illud, quo florum cultores, quos floristas dicunt, eandem varietatem adpellant, ea in lingua, in qua innotuit. Ipsi vero commentarii germanico atque latino sermone conscripti fiunt, praeter historicam de quolibet florum genere narrationem, praecepta potissimum ad culturam eorum apprime spectantia. Harum nitidissime delineatarum tabularum octodecim vidimus; praefatio unam implet plagulam, et commentariorum una haecenus comparuit plaga, hyacinthum explicans.

Alter, regni vegetabilis thesauros explicans, liber inscribitur:

XVI.

Regnum florum, das Reich der Blumen, mit allen seinen Schönheiten nach der Natur und ihren Farben vorgestellt. Nürnberg bey Georg. Wolffg. Knorr. fol.

In hac collectione et hortenses vulgo dictae plantae, earumque aliquando varietates, et aliae exoticae rarioresque, ut obeliscotheca integrifolia, cotyledon flore umbellato coccineo, viuis coloribus, et ut pluri-

plurimum nitide depictae exhibentur, quandoque etiam florum fructuumque partes, ut in persica, pruno, viola, etc. separatim adponuntur. Editae hactenus fuerunt eius modi tabularum centum et triginta sex, nullo vero servato ordine, nisi ut tabulis singulis littera quaedam sit adscripta, ita ut finito tandem opere secundum alphabeti seriem omnes collocari possint. Hac etiam ratione textus prodit, cuius sex obtinuimus plagulas.

Tandem quinque plantarum decades, quas Cl. MARTYN delineatas et viuis coloribus illustratas Londini 1728 edidit, sequenti nunc titulo iterum exhibentur.

XVII.

IOANNIS MARTYN historia plantarum rariorum ob praestantiam denuo edita studio atque opera IOANNIS DANIELIS MEYERI, pictoris. Noribergae, fol. reg. 1752. Decas. I. pl. I.

In prima hac decade continentur: 1) *Ialapa officinarum*; 2) *Geranium africanum, arborescens, maluae folio lucido, flore elegantissimo, kermesino*; 3) *Geranium chium, vernum, folio caryophyllatae*; 4) *Brunella caroliniana, magno flore dilute coeruleo, internodiis praelongis*; 5) *Amaranthus chinensis, foliis variis, panicula eleganter plumosa*; 6) *Amaranthus spica albescente habitiore*; 7) *Parietaria orientalis, polygoni folio canescente*; 8) *Niruri barbadense, folio ovali superne glauco, pediculis florum brevissimis*; 9) *Lychnidea caroliniana floribus quasi umbellatim dispositis, foliis lucidis, crassis, acutis*; 10) *Aloe africana foliis planis, conjugatis, carinatis, verrucosis, caule et flore corallii colore*. Non quidem negandum est Cl. Auctorem in his tabulis, nostrae enim ad archetypum accurate expressae sunt, naturam ipsam non adeo studiose imi-

tari, in paucis structura florum internaëque partes conspiciuntur, sic n. 7.) *parietaria* ex flore vix cognosceretur; *ialapa* quae quinque stamina habet, plura in icone expressa sistit; n. 2.) *geranium* et n. 4.) *brunella* colores in caule foliis et floribus naturalibus vix similes ostendunt; in primis vero color viridis in omnibus ferme plantis parum viuidus est, attamen cum figurae nitide satis descriptae sint, non tantum in hac decade, sed et in subsequētib; non nullae rariores occurrant, quarta quintaque decas artificiosissima EHRETI manu pictae fuerint, et sparsim in descriptione, quae latino aequè ac germanico idiomate traditur, utiles et culturam etiā spectantes observationes occurrant, continuationem omnino expectamus, florumque amatoribus hoc opus commendamus. Quamvis etiā Cl. MARTYN praematurus obitus in causa sit, quod collectio haec ultra quinquaginta tabulas se non extendat, ex indigenis tamen aequè ac exoticis illis plantis, quas societas hortulanorum Londini edidit, plures adhuc se additurum esse promittit editor, si hae tabulae applausum botanophilorum obtineant.

• Praeter vegetabile vero regnum, animalium etiā historia variis operibus illustrata fuit atque locupletata. Prodiit itaque primus liber sequenti titulo :

XVIII.

Angenehmer und nützlicher Zeitvertreib mit Betrachtung curioser Vorstellungen allerhand kriechender, fliegender, und schwimmender Thiere, sowohl nach ihrer Gestalt und äußerlichen Beschaffenheit, als auch nach der accuratest davon verfertigten Structur ihrer Scelette, nebst einer physicalisch und anatomisch, besonders aber osteologisch und mechanisch-

chanischen Beschreibung derselben nach der Natur gezeichnet, gemahlet, in Kupfer gestochen und verlegt von IOH. DANIEL MEYER, Miniatur Mahler. Nürnberg. 1748. fol. mai. pl. 16. tab. 100.

i. e.

Deliciae utiles, in contemplatione iconum, quae varia animalia una cum sceletis eorum repraesentant, posita. Auctore IOH. DANIEL MEYER.

Cum ipsum hoc opus omnibus iam satis cognitum sit, eiusque titulus clara indicet, quid in eo praestitum fuerit, id modo in praesenti monemus, alterum tomum, nunc inchoatum quoque fuisse, cuius septem tabulae ad nos missae fuerunt, titulus praeter ea alterius huius tomi paululum mutatus comparuit, inscribitur enim:

Vorstellung allerhand Thiere mit ihren Gerippen. Zweyter Theil. Nürnberg. 1752. fol. mai.

h. e.

Delineationes variorum animalium una cum sceletis eorum. Pars II.

Alterum opus non nouum est, sed ex anglico sermone translatum iterumque editum. Illa enim auium historia, quam EDWARDVS euulgauit, et praeter ea illud, quod in CATESBY splendido opere, quo Carolinae, Floridae etc. tradidit naturalem descriptionem, ad eam animalium classẽm pertinet, uno hocce in libro continetur, qui certe eo magis naturalis historiae cultoribus debet esse gratus atque acceptus, quo rarius eiusmodi opera ad nos adpor-

tantur, et quo maiori cariorique pretio venduntur. Liber ipse huncce praefert titulum:

XIX.

Sammlung verschiedener ausländischer und seltner Vögel, worinnen ein jeder derselben nicht nur auf das genaueste beschrieben, sondern auch in einer richtigen und sauber illuminirten Abbildung vorgestellet wird, von IOH. MICHAEL SEELIGMANN. Nürnberg. 1749. fol. plag. 18. tab. 50.

Hoc est:

Collectio variarum avium exoticarum et rariorum, quas vivis coloribus depictas atque descriptas dedit IOH. MICHAEL SEELIGMANN.

Praefationem operi praemisit physicus apud Noribergenses clarissimus, D. GEORG. LEONH. HUTH, sub cuius etiam directione illud ipsum ab artifice elaboratur, quique ipse versionem anglici textus in germanicam linguam cum eodem communicavit. Hanc praefationem sequitur alia, quam EDWARDVS primae parti suae historiae adposuit; germanica vero nomina, ex KLEINII avium prodromo desumpta, huic editioni accessere. Quo vero haec editio, licet CATESBY et EDWARDI icones simul proponerentur, etiam citari possit, in singulis tabulis annotatum fuit, ex quonam auctore ea fuerit mutuata. Secundus huius libri tomus an. 1751. iam inceptus fuit, et strenue continuatur, ita ut tabula nonagesima secunda iam exarata sit. Cum itaque pretiosi illius, a CATESBY euulgati, operis quaedam particula denuo nunc exhibeatur, alii fuerunt viri, qui

qui unitis viribus reliqua omnia in eodem tradita simili ratione edendi ceperunt consilium; hinc germanice atque latine prodiit.

XX.

Piscium, serpentum, insectorum, aliorumque non nullorum animalium, nec non plantarum quarundam imagines, quas MARCVS CATESBY in posteriore parte operis, quo Carolinae, Floridae et Bahamensium insularum tradidit historiam naturalem, eiusque appendice descripsit, additis vero imaginibus piscium, tam nostratium quam aliarum regionum auxerunt, viuisque coloribus pictas ediderunt, NICOL. FRIDR. EISENBERGER et GEORG. LICHTENSTEGE. Noribergae. 1750. fol. reg.

Huius operis plagae septem, tabulaeque viginti sex nunc prostant.

Quarto nunc indicanda est:

XXI.

A. I. ROESELII historia naturalis ranarum nostratium.

Eadem animi propensio, qua insectorum hactenus, felici admodum cum successu, scrutatus fuit naturam Cl. Auctor, ranas quoque curatius ut examinaret, illum incitavit. Per partes itaque noster, et in experimentis instituendis ingeniosissimus, inque illis describendis studiosissimus, et arte denique delineandi pingendique facile princeps, edidit plagulas tredecim, in forma regali, in quibus ea, quae ad ranarum historiam spectant, germanico ae-

que ac latino sermone dilucide explicantur, aliorum inuenta vel corroborantur, vel, si falso fuerint assumpta, refutantur, iconibusque illustrantur. Tabulae vero semper duae sunt, quo singula distinctius exhibeantur; una ranas, earumque partes viuis coloribus pictas, altera vero adumbrationem figurarum coloratarum cuiuslibet tabulae, literis signatam, refert. Duplicatas eius modi tabulas duodecim vidimus, de quarum praestantia, ut nunc quaedam moneamus, superfluum omnino esset, ideoque non nullamodo, ex ipsa descriptione mutuata, repetere liceat. *Sectione prima de rana terrestri fusca*, huiusque *primo capite de coitu et generatione eius* differit Cl. Auctor. De generatione itaque locuturus, primo recenset SWAMMERDAMII, MENZII, atque ENTII hypotheses, quibus ea addit, quae ipse hac in re obseruauit. Tres consumpsit annos, antequam viderit, qua ratione oua huius femellae ranae foecundentur; licet enim generationis negotium in illa diutius dureret, breuissimum tamen est temporis spatium, quo ipsa foecundatio celebratur, et ne hoc elabi pateretur, plura harum collegit paria inuicem iuncta, et quodlibet par in vitrum, aqua ad dimidiam partem repletum, immisit, atque tandem non solum coitus finem, sed etiam femellam oua sua parientem vidit, ex quibus temporis etiam successu teneras obtinuit ranulas. Mas et femina quoad abdominis colorem differunt; prioris enim abdomen conspersum est maculis, ex cinereo albescentibus, alterius vero ex flauo rufescentibus; dorsum vix generationis tempore variat; lutulentus ipsis tunc est color, qui tamen postea in variegatum magis abit. Solent enim ranae singulis fere hebdomadibus cutem mutare, exuiasque, mucum tenuem referentes, deponere. In pedibus porro aliqua est differentia. Mas anticos pedes aequae ac posticos longe crassiores habet, quam femina, et tempore coitus pollex illius singulari ob-

fitus

fitus est carne nigra, multisque papillis aspera; am-
bae illo tempore ventrem habent turgidiorem, in
femina quippe ouulis scatet, in mare vero haeret
tunc cutem inter carnemque pellucidus mucus, qui,
finito coitu, evanescit. Brachiis femellam ample-
ctitur mas fortissime, et in primis illa exasperata
pollicis cute firmiter ipsi adhaeret. Cutis haecce ve-
ro nigro colore tincta, non constans praebet masculi
indiciū, ut SWAMMERDAMII est opinio, sed, fi-
nito coitu, evanescit denuo, pollicesque gracilescunt.
Vera ranarum coeundi ratio ea est, ut masculus fe-
mellae dorso infideat. Cum itaque per plures dies
ranas hasce attentius contemplaretur Auctor, nulla
notabili observata mutatione, tandem eas inquietio-
res esse deprehendit; grunniebat masculus interdum
suis instar, femella interim fursū deorsūque sese
mouente; tandemque vidit ille, eiaculare masculum
ex postica sui corporis parte liquorem, quem semen
esse ideo credidit, quod aquam, cui ranae innata-
bant, turbidam reddidit; non autem ita multo post
deseruit femellam, cum ipso antea iunctam. Hoc
facto, cum nulla a femina edita ouula observaret,
cultro utramque ranam subiecit, et inuenit in femi-
na uterum, ex parte ouis repletum, reliqua vero oua
haerebant partim in ouario, partim in uteri tubis.
Masculus ostendebat vesiculas feminales prorsus exi-
nitas. Oua, in utero reperta, in limpīdam iniecit
aquam, nullos vero exinde obtinuit vermiculos. In-
foecundum itaque hunc coitum fuisse, concludit.
Alia vice vidit duas ranas ani aperturam momenta-
neo tantum motu coniungere; cumque statim postea
femina oua parere inciperet, non derelinquebatur a
masculo, donec omnia illa essent exclusa, quae ipse
iteratis vicibus femine suo perfudit, foecundavitque
ita, ut ex iisdem post modum renellae prouenirent
ranulae. Alia et similia plura quoque recenset ex-
perimenta Cl. ROESELIUS, quae ostendunt, infoc-

cundum esse ranarum coitum, si prius finiatur, quam singula oua in uterum sint delata, fierique ranarum foecundationem ano potius, quam alia quacunque corporis parte. Utrum vero ipsum semen in femellae uterum iniiciatur nec ne, affirmare non audet Cl. Auctor.

Ranas, postea ex ovo prodeuntes, variasque, quas, antequam veram ranae adipiscuntur formam, subeunt mutationes, describit. Notamus hic modo caudam harum sensim minorem reddi; defluebat enim non solum pinna eius perspicua, sed decrefcebat cauda ipsa notabiliter in longitudine aequae ac crassitie. Decidere autem illam frustulatim, vel integram, obseruare nunquam potuit, multo minus figurari pedes, cauda findente se in posteriores, ut PLINII fuit sententia, deprehendit. Vero simile potius Auctori videtur, nutriri per illam ranunculum, donec perfectam ranae induerit formam. Mutationibus hisce indicatis ea deinde recenset, quae ratione incrementi ipsius porro obseruauit. Crescit prima aestate in autumnum usque magnitudine rana, dum vero frigus ingruit, ex terra in aquas recedit, ibique in vernum usque commoratur tempus; hoc enim appropinquante ex suis rursus elicitur hibernaculis. Altero sic transacto anno externis adhuc destituitur illa sexum indicantibus signis; omnibus enim ranis tunc est alba inferior corporis superficies, neque eae speciei propagandae aptae sunt, nullaue cum alia, coitu iuncta, deprehenditur, quippe quae non nisi post quartam hiemem huic negotio aptae euadunt, in quo etiam aetatis anno sexus ex signis externis dignosci potest. Exacto hoc quarto anno nondum ranae proprius vitae suae instat terminus, videtur potius diuersa earundem magnitudo indicare, viuere easdem duodecim fere annos.

In *secundo capite partium internarum, earum prae-* p. 20.
sertim, quae ad generationis negotium pertinent, stru-
cturam describendam sibi sumsit Cl. Auctor. Dixit
 SWAMMERDAMIUS, inferi vesiculas feminales va-
 saque deferentia infra fundum vesicae urinariae in
 intestinum rectum, et in illud aperiri duobus oscu-
 lis. Haec vero orificia non inuenit ROESELIVS,
 sed, non sine admiratione, paruam ibidem conspe-
 xit papillam carneam. Leui itaque incisura aperuit
 vesiculam feminalem, inque eam per tubulum aerem
 immisit, quo facto, eleuabatur papilla, tenuemque
 per viam inuentam transmisit setam, et in papillam,
 et per eam in vesiculam feminalem. Papillam hanc
 ce penem esse dicendam, Cl. Auctori videtur, idque
 in primis ex auium analogia declarare studet. Ipse
 vero ROESELIVS fatetur, primum quidem huius
 papillae inuentorem RIVINVM fuisse,* se tamen
 ipsius inuenti prorsus ignarum hanc partem similiter
 reperisse, laetatur. Obseruauit Cl. Auctor, aerem
 difficiliter per uterum in tubas propelli; utrum ita-
 que apertura, qua tubae in eundem hiant, valuula
 claudatur nec ne, singulari studio disquisiuit; illud-
 que orificium oblongum, et una in parte margine
 circulari ornatum inuenit, altera vero pars incurua
 antrorsum ferebatur et in acumen abibat; insuper
 vidit, obturari illud tenui membrana, quae valuulae
 instar oua e tubis in uterum admittit quidem, redi-
 tum vero ipsis praeccludit. Huius membranae
 SWAMMERDAMIUS nullam fecit mentionem.

Sectio secunda tabulas quatuor duplicatas, quales
 supra descripsimus, quatuorque plagulas, et in iis
 descriptionem *ranae arboreae*, sistit. Caput pri-
 mum *de eius proprietatibus, coitu et generatione* agit.
 Ranam hanc arboream speciem, a reliquis ranis distin-
 ctam, esse ostendit Cl. Auctor, magnitudine nimirum

F 5

omnibus

* Vid. Aët. Eruditor. Lipsiens. an. 1687. p. 284.

omnibus ranis nostratibus inferior est, color laete viridis in superiori, et albus maximam partem in inferiori superficie, deprehenditur, linea flavescente binas has superficies quasi circumscribente; quilibet digitus globulo carneo instructus est, et inter digitos pedum saltatorum parua vel nulla cernitur membrana. Licet vero non nulli aliquot species ranarum arborearum indigitare videantur, unicam tamen tantum esse Cl. Auctor docet: color enim in indiuiduis mutatur, quando cuticulam teneram, mucosam, deponunt, quod intra quatuordecim dies ut plurimum fieri Cl. Auctor obseruauit, ubi viridis color in subfuscum, ex cinereo albescentem et tandem in coeruleo viridem mutatur; arboreae dicuntur, quoniam per aestatem in arboribus et fruticetis habitant, cum praeter ea hyeme in limo abscondantur et verno tempore in aquis degant. Viscido quodam muco cutis ubique scatet, instar limacum, ex quo fit, ut facilius, quam aliae ranae, frondibus adhaereant. Vitris ipsis, licet politis, inter experimenta Auctoris agglutinatae fuerunt. De coitu et generatione sequentia proponuntur. In aquis coeunt, vociferatio masculis propria est, feminae minus clamorae inueniuntur. Mas inter vociferandum gulam vesicae instar inflat, qua nota quidem a femina differt, licet et praeter ea gula fusca masculos, alba foeminas indicet. In coitu mas feminae dorso infidet, pedibus tamen anticis pectus non amplectitur, eosdem potius sub alis feminae figit, et ita eandem firmiter retinet. Coitus in iis, qui citius congregiuntur, per aliquot dies et noctes, in iis vero, qui tardius coniugantur, per viginti quatuor horas saepius tantum durat; citius enim absolui non potest, quam ouula ex ouario in matricem descendant, sub quo motu et femina inquieta sub aquas descendit, et motum validum in abdomine ostendit. Num masculus membro genitali instructus sit, et liquorem quoque emittat, ut in ranis terrestribus, Cl. Auctor

Auctor observare haud potuit; in feminis vero vidit, alias intra bihorium, alias et in primis eas, quae iusto citius a masculis relictæ fuerunt, intra quadraginta tandem horas ouula emisisse. Quam vellemus nos omnem ouuli mutationem ab emissionem usque ad incrementum in perfectam ranam, quam Auctor studiosius, quam in ranis terrestribus, describit, repetere posse, cum certo persuasi simus, generationis negotium in genere inde, ut ex observationibus, cum ovo incubato institutis, egregie declarari, cum tamen dicta sine iconibus intelligi vix possint, cuncta omittimus. Unicum tamen phaenomenon commemorandum esse duximus, scilicet oua, a femina tardius emissa, mutationem quandam ut in foecundis incepisse, sed corpuscula fungo similia, non vero gyrinos produxisse, et paulo post periisse. Ex hac observatione, quam summa cum cura instituit Cl. Auctor, concludit, ovis animalium plus rudimentorum foetus inesse, quam quidem non nulli credant, praesertim, cum et in muscutorum atque cochlearum, vere tantum coeuntium, ouariis ipso iam autumno conchas domosque ope boni microscopii detexerit. Iis tamen non contradicit, qui forte haec oua minus foecunda cum molis comparare velent. Ranam marem follem siue cavum aereum sub gula habere, quod vociferando extendit, supra monuimus, nunc tantum addimus, ad radicem linguae proxime ad maxillas duo, utrinque posita, deprehendi orificia, per quae aer intrat. Ranae tamen non nisi quarto post natiuitatem anno clamare incipiunt, gula tunc etiam fusca fit, quo tempore illae ad negotium generationis aptae euadunt. Alterum caput structurae internae declarandae destinatum erat, quoniam vero partes internae cum rana terrestri in pluribus conueniunt, paucas tantum, ad tabulam quartam spectantes, observationes adiecit Cl. Auctor, quae tamen sine iconis consideratione vix perspicui possunt.

In

In fine tractationis huius historiam ranae viridis aquatice promittit, quam auide expectamus, cum ex haftenus propositis et accuratas esse Cl. Auctoris observationes, et icones summa cum cura elaboratas, colligamus.

Praeter haec iam indicata *conchyliorum* etiam historia a pictore, non minus claro, REGENFVSSIO, nouo opere perfectior redditur. Prodierunt enim haftenus tabulae sex, in quibus sexaginta septem conchyliorum species, duplici ut plurimum facie, eleganter ac nitidissime viuis coloribus repraesentantur. De hoc vero, ut et sequentibus, cum explicatio adhuc deficiat, alio tempore sermonem instituemus. Itaque modo adhuc monemus, ad regnum minerale sequens, cuius triginta vidimus tabulas, pertinere opus:

XXII.

Lapides ex celeberrimorum virorum sententia diluuii uniuersalis testes, quos in ordines ac species distribuit, suis coloribus exprimit, aerique incisos in lucem mittit et alia naturae miranda addit GEORG. WOLFFG. KNORR. Noribergae. 1750. fol. reg.

Omne vero naturalem historiae ambitum complectitur illud opus, quod idem Cl. KNORR euulgare coepit hoc titulo:

XXIII.

Deliciae naturae selectae, oder auserlesenes Naturalien-Cabinet, welches aus den drey Reichen der Natur zeigt, was von curiosen Liebhabern

habern aufbehalten und gesammlet zu werden verdient. Nürnberg. 1751. fol. reg.

Huius autem operis quatuor modo prostant tabulae, quarum priores tres varia lapidosa marina corpora atque conchyliæ, quarta vero non nullas papilionum species, nitide depictas, sistunt.

XXIV.

D. IOHANN GEORG GMELINS *der Chemie und Kräuterwissenschaft auf der hohen Schule zu Tübingen öffentlichen Lehrers, Reise durch Sibirien von dem Jahr 1733 bis 1743. Göttingen, bey Abraham Vandenhæcks Wittwe. I Theil 1751. 8. mai. 1 Alphab. 6 Bog. 3 Kupfertafeln. II Theil 1752. 1 Alph. 18 Bogen 6 Kupfertafeln.*

h. e.

D. IOHANN. GEORG. GMELINI *iter per Sibiriam. Tom. I. II.*

Prodiit hætenus in lucem sub auspicio Ill. HALLE-
RI *collectio nouorum et memorabilium itinerum, per mare et terram susceptorum. Goettingae, 1750 et 1751. 8. mai. c.f.* Haec collectio variarum regionum, provinciarum et insularum disscitarum memorabilia, ex variis exteris scriptoribus desumpta et in linguam germanicam translata, in tribus tomis continet. In sequentibus vero tomis, a quarto ad reliquos usque, quos nunc allegabimus, Cl. GMELINI iter, per Sibiriam descriptum, deprehendimus; cum qua itineris descriptione nouus liber nunc traditur, in quo hic vir indefessus, dierum rationem habens, in diario quasi regiones, loca, urbes, oppida, pagos, populos,

los, incolas, mores notauit et dirissima fata, quae in hoc itinere molestissimo inter barbaras et inconditas gentes ipse eiusque focii pertulerunt, attente descripsit. Neutiquam tamen praetermittere voluit ea, quae ad scientiae et historiae naturalis cognitionem pertinere videbantur, et ideo pauca in huius itineris descriptione inter alias res, scitu non adeo dignas, passim interspersa tradidit. Quae, ut uno intuitu quasi perlustrari possint, hic collecta et annotata proponimus, ne rerum naturalium curiosi longa, et ob leuiora saepe momenta adducta, non semper et ubique grata lectione omnes librorum paginas euoluere cogantur.

- Tomus primus* itineris Gmelini, qui in collectione quartus est, praeter alia ea continet historiae naturalis momenta, quae anno 1733. usque ad annum 1735. ab urbe *Petropoli* ad urbem *Selenginsk* et circa
- p. 40. regiones et fines chinenfes deprehensa fuerunt. Est oppidum, *Balachna* dictum, ubi salium fontes multi inueniuntur, qui tam copioso sale scatent, ut semper in pluribus quam quinquaginta officinis sal culinare
- p. 57. coqui et parari possit. Quas est acidiusculi potus genus, apud Russiae populos usitatum, quod paratur, dum farina vel panis non fermentatus cum aqua im-
- p. 108. pastatur et leni calore fermentatur. In officinis metallicis *irginiensibus*, haud ita pridem exstructis, minerae cupri et ferri tractantur. *Schaitanskie* etiam non nulli furni inueniuntur, in quibus minerae variae ex fodinis, prope riuum *Schischim* deductae, coquuntur. In urbe, *Catharinenburg* dicta, officinarum metallicarum status ita comparatus est, ut vix emendari posse videatur et omnino operariorum diligentia laudari mereatur, idque eo magis, quod nec pecuniae usitatae nec victus inopiam patiantur. Ipsorum metallcolarum sanitati nosocomio quoque prospectum est, in quod omnes aegroti deferuntur, sustentantur et a medico chirurgo constituto curantur. Est etiam in hac

hac urbe collegium, cum praefide constitutum, quod omnibus officinis metallicis fibiriacis praeest. Ab p. 115.
 hac urbe ad quinquaginta milliariorum rufficorum distantias sitae sunt cupri fodinae *polewaienses*, quae scalis commodioribus exstructae sunt, quam nostrae germanicae. Licet vero montes harum fodinarum non adeo compacti sint, ope tamen pulveris pyrii frangi debent. Minerae, quae pyriticae indolis sunt, non in venis decurrunt, sed hinc illinc coaceruatae in terra nigra aluminosa deteguntur, quarum centenarius unus libras circiter tres metalli continet. Sunt et ibidem officinae, in quibus cuprum contunditur coquiturque. *Sifertienses* officinae ferrariae anno p. 118.
 1734. exstructae sunt, ut minerae ferri, quae circa hanc viciniam copiosissime effodiuntur, tractari possint. Prope flumen *Kamenka* situm est oppidum p. 120.
Kamenskie, ubi officina ferraria antiquissima est, et in qua ferrum totius Sibiriae optimum, nempe fibrosum et molle coquitur, ideoque ad tormenta conficienda aptissimum habetur. Huius ferri minerae prope *Kamenka* et *Pinar* effodiuntur. In urbe *Tobelks* p. 148.
 lues venerea frequentissima est, idque eo magis, quod auxiliis aptis et medicis peritis destituti sint incolae. Habent tamen quaedam remedia. Ad gonorrhoeam curandam vitriolum adhibent, et luem ipsam per salivationem, dato arsenico et mercurio sublimato excitatam, curant. Pellunt vero etiam eandem inunctione, ad quam unguentum ex axungia porci et mercurio viuo paratum, adhibent. Circa *Schelesinskaja* p. 184.
Krepost et *Irtisch* lacus multi salini inveniuntur, quorum aqua sapore amaro gaudet. Sal ipsum solutum et crySTALLISATIONE depuratum cum sale mirabili GLAUBERI conuenire dicitur, et ideo loco salis anglici cathartici a metallicolis ad aluum purgandam assumitur. Sunt circa eadem haec loca et *Iamuschewa Krepost* in p. 199.
 locis aquosis et paludosis infecta illa, quae LINNAEVS in Fauna Suecica numero III6, III8 sub nomine

- mine culicis nigri, alis aqueis, pedibus nigris, annulo albo, nec non sub nomine culicis cinerei, abdomine annulis fuscis octo, adduxit, quaeque hominibus et animalibus, ibi commorantibus, magnam creant mole-
- p. 206. stiam. Non procul a *Iamuschwewa* lacus salinus celebris reperitur, *Iamiſcha* dictus, quem Auctor ipse naturae miraculum appellat. Magnitudo eius quoad peripheriam nouem milliaria russica comprehendit et figurae subrotundae est. Aqua ipsa admodum salsa, sole splendente, colorem rubicundum refert. Littora et fundus huius lacus sale copioso albidissimo, crystallos cubicas repraesentante, ita abundant, ut multae naues eodem onustari possint, intra sex vero dies eadem iterum proueniat copia. Indoles eius optima et ad carnes condiendas aptissima inuenitur. In regionibus circa *Sempalat* animal uiuit quadrupes, *Saiga* dictum, quod damae simile esse uidetur, exceptis tamen cornubus, quae non uti in damis in fine retrorsum incuruata sunt, sed recta excurrunt. Differt plane a capra moschifera, quae in prouincia irkutzkieniſi etiam *Saiga* dicitur. Notandum est, quod in huius animalis viui panniculo adiposo magna copia vermium alborum, longitudine fere unius digiti et in utraque extremitate acutorum, sedeant. Ipsius caro licet ideo magis nauseosa sit, ab incolis tamen
- p. 222. magna cum voluptate comeditur. Crescit in hortis *sempalatenſibus* melonum species, quae *cucumeres kalmuckienſes* dicuntur. Hae, si maturae sunt, odorem et saporem melonum gratum habent; Videantur de his ipsis AMMANNI stirpium rariorum in imperio ruthenico sponte prouenientium icones et descriptio-
- p. 247. nes. Petropol. 1739. p. 8, 9. Ad *Pichtowa* mons situs est, in quo quinque metallifodinae reperiuntur, in quibus minerae non adeo profunde, attamen satis
- p. 254. copiose effodiuntur. Prope flumen *Ob* et montem *Kolywankagora* anno 1725 fodinae metallicae detectae, et ex consilio Cl. DEMIEDOW sequentibus annis, officinis

officinis ibidem exstructis, magis magisque excultae fuerunt. Hae tandem anno 1734. ad eam excreuerunt perfectionem, ut pro maximis et optimis omnium officinarum metallicarum, quae in Europa inueniuntur, habeantur; minerae enim ibidem re-
 pertae non solum cuprum, sed etiam argentum et aurum continent. Ad has officinas etiam aliae ex monte *serpentino*, prope officinas kolywaenses sito, adducuntur minerae, quae cupri et argenti ditissimae sunt, et etiam aurum in venis aequae ac granulatum et lamellatum habent. Eo igitur feliciores progressus fieri possunt, quoniam metalla fere omnia in superficie haerent, nec multis laboribus et machinis exstructis effodi possunt. Circa pagum *Kalti*. p. 270.
rak deserti loca varia deprehenduntur, quae perpetuo fumant, ac si incensa fuissent. Solum ibidem turfaceum et muscosum, vel ex negligentia vel a fulmine accensum fuit, et quoniam non exstinguitur, per annos flammam alit et fumat. Sunt et in aliis eius modi regionibus similia loca, antea paludosa, nunc vero arida et sicca, quae eadem ratione accensa per longum tempus flammam alunt et fumant. Vr. p. 273.
 bi *Kusnetz* vicini incolae spiritum vini vulgarem destillare solent. Ad hanc destillationem adhibent vas ferreum, tripodi impositum, operculo ligneo tectum, quod e latere foramen habet, e quo per canalem ligneum spiritus effluit. Ipse hic spiritus ex lacte equino, in vasis coriaceis antea fermentato, paratur. Ingratus est odor, vires tamen validae, non adeo inebriat, nec caput grauat. Mons igniuomus p. 280.
 ad ripam *Abaschewa* iacere, dicitur, quoniam semper fumus ex eodem ascendit. Hunc fumum Auctor ipse observauit eiusque odorem ingratum percepit, originem vero, accuratiore disquisitione instituta, non ex ipso monte igniuomo, sed ex terra resinosa, in superficie tantum haerente et ardente, deriuat. Circa *Vstkemschuk*, ubi natio tartarica habitat, etiam p. 336.
 Tom. I. Pars II. G vario-

- variolae grassari solent. Nullo vero certo tempore, nec quouis anno, sed intra decennium interdum accedunt. Quando autem semel inuaserunt homines,
- p. 343. per unum, duos et tres annos saeuiunt. *Ieniseenses* scientiam rei herbariae medicae amant et colunt. Est planta quaedam, anacampseros purpurea dicta, inter illos notissima. Hanc in minores partes discindunt, cum aqua in vase infundunt, ad fermentationem reponunt, et exinde aquam destillant, quam magni faciunt eique egregias virtutes attribuunt. Magnum
- p. 355. in Sibiria frigus, quod historici varii annotarunt, auctor noster quoque obseruauit et pertulit. Anno 1734. medio decembris aer serenuserat et tamen congelatus quasi, uti nebulosus apparebat, ita, ut fumum ex caminis ascendentem deprimeret et aues ex acre mortuae deciderent. Eo tempore, qui in hypocaustis calefactis commorabantur, homines, capitis dolore affligebantur, non a sulphure, ut Auctor putat, ex carbonibus exhalante, sed ex vaporibus, a calore expansis. Per diem semper circa solem parhelii et halones conspiciebantur. In thermometro fahrenheitiano mercurius ad 120. gradus plus descendebat,
- p. 368. quam unquam obseruatum fuit. In locis, circa flumen *Irtisch*, *Buchturma*, *Ob*, *Amur* et *Lena* fitis, versus *Kamtschatka* et vicinas insulas, ouium ferarum genus, *Argali* mongolenfibus dictum, inuenitur. Sunt haec animalia valde alacria et robusta, ut a decem viris vix domari queant. Quoad habitum externum caput, collum, pedes et caudam ad genus ceruinum referri possunt. Eius modi animalis triennis altitudo erat unius et semis, longitudo vero unius et trium quartarum ulnae russicae; supra oculos prope aures cornua excrescunt, retrorsum et antrorsum flexa, primo aspera, deinde ad finem laeuius. Magna sunt haec, cornua, ad originem pugni crassitiem habent, longitudine duarum ulnarum pondere triginta et quadraginta librarum et in his omnis animalis vis latere

tere dicitur. Praedita sunt praeter ea auribus acutis, erectis, pedibus anterioribus brevioribus, posterioribus longioribus, ungulis fissis, corporis colore gryseo brunoque intersperso, linea in dorso et abdomine fusca. Versus vernale tempus pilos perdunt et colorem rubicundum assumunt. Structura eorum interna eadem est, ac in aliis animalibus ruminantibus. Graminibus nutriuntur et vere unum vel duos foetus pariunt. Caro boni est saporis et pinguedo grati odoris. Cum *Musimon* veterum convenire putat Auctor, de quo videantur *PLINIVS*, nec non *GENERVS* in histor. animal. libr. I. de quadruped. vivipar. p. 934, 935. In regionibus circa *Kiaechta* ad p. 459. febres intermittentes curandas arsenicum, ut remedium usitatissimum, adhibere solent.

Tomus secundus, in collectione quintus, continet ea historiae et scientiae naturalis momenta, quae annis 1735, 1736, 1737. trans mare *Baikal* et in locis usque ad fines chinenses orientales, flumen *Lena* et urbem *Iakutzk* fitis, observata fuerunt. Ad riuum *Tusatschi*, p. 52. qui quatuordecim milliaria russica a flumine *Argun* distat, officinae metallicaе argunenses sitae sunt, in quibus anno 1704. graeci mineras, quas primo tempore satis paucas inueniebant, rudi adhuc arte coquere tentabant. Has fodinas et officinas anno 1716. captivus quidam suecus, nomine *PETRVS DAMES* germanorum more emendare quidem studebat, interim tamen propter metallicolarum negligentiam non adeo magni proventus inde redibant. Uti vero Cl. Auctor observavit, minerae satis copiosae in his terris reperiuntur, quae plumbum, ferrum, argentum et aurum continent. Saxonum tandem, qui ad haec loca adueniebant, studio, novos furnos focosque exstruentium, hae fodinae et officinae ita excultae fuerunt, ut anno 1740 et 1741. quaedam argenti aurique copia abhinc *Petropolim* apportaretur. In p. 72. G 2 locis

- locis, ad *Surowaja Saimka* fitis, rhamnus ramis spina terminatis, floribus quadrifidis LINNAEI, siue rhamnus catarcticus BAVHINI, et armeniaca betulae folio et facie, fructu exsucco crescunt. Inter incolos argunenses, prope fluuium *Ostrog* habitantes, epilepsia et lues venerea vehementer grassantur. Epilepsia infantes in primis corripit, qui, si in primo paroxysmo bene obteguntur nec tanguntur, nunquam in eandem incidere creduntur, attacti vero vel perire vel nunquam curari dicuntur. Lue venerea correpti ita deformantur, ut sine horrore adspici nequeant. Ad hanc curandam solum decoctum ex cortice fraxini vel laricis, cum alumine paratum, adhibent, quo vero remedio malum ita retropellunt et in sede sua figunt, ut tandem interiores partes ossaque arrodant. Deprehenditur etiam ibidem morbi genus *Woloffez* dictum, quod abscessu sese manifestat, in quo materia, purulenta in pilos mutata, veluti integer pilorum humanorum fasciculus, extrahi dicitur. Alii narrant, esse quoddam in illis aquis vermium genus, quod pilorum formam habeat, et in hominum, qui iisdem aquis se lauant, cutim penetret eandemque ita irritet, ut primum abinde tumor cum dolore et postea abscessus oriatur. Eius modi vermes ipse Auctor vidit. Sunt illi certe pilis similimi, accuratius vero, ope microscopii considerati, ex multis annulis constant, corpus valde corrugant, extendunt et in aqua celeriter sese mouent. Praediti sunt porro capite acuto, cauda nigricante crassiore et obtusa, colore pallido, in dorso cum linea bruna, ore hirundinum, et ad spithamae longitudinem accedunt. In curando hoc morbo balneo calido, ex lixiuio et herba anserina parato, utuntur, quae cura absoluta esse indicatur, quando dolores cessant; in illis, qui hanc curam recusant et negligunt, ulcera tandem canerosa et phagaedenica fiunt. In eadem hac vicinia fagopyrum fructu aspero AMMANNI siue helxine
- p. 73.
- p. 80.

helxine caule erectiusculo inermi, foliis cordato sagittatis, seminibus subdentatis LINNAEI colitur. Huius plantae semen, quod argunenses *Dikuscb* et krasnojarskenfes *Kyrlik* appellant, uti halica comeditur. Prope riuum *Kilgi* mons *Iaschma gora* dictus, p. 81. situs est, qui fere totus ex iaspide viridi, aliis tamen lapidibus interpositis, concreuit. In regionibus p. 89. circa *Werchnei Borfa* riuus quidam manat, cuius aqua pota vomitus excitat, quae examinata vitriolum ferri in se habere, cognoscitur. In locis syluestribus p. 103. circa *Zuruchaitu* caprearum genus in magna multitudine viuit, quod cornua ibicis gerit, quae non deiecit. Quemadmodum vero haec sensim sensimque crescunt; ita etiam in larynge animalis, pomum sic dictum Adami, quoad magnitudinem adeo augetur, ut tanquam magnus tumor in collo appareat. Ex ad. p. 105. uerso *Bach Borfo* locus salinus celebris conspicitur, cuius longitudo milliare rufficum circiter unum et ambitus milliaria tria complectitur. Sal ipsum non in fundo haeret, sed sub membranae forma aquae supernatat, et licet non adeo largiter colligi possit, tamen omnes bonitatis notas salis culinaris retinet. In iisdem plagis animalia, *Tschigitai* dicta, venatione p. 107. capiuntur, quae tanquam foecunda mulorum species habitum corporis, equo similem, colorem dilute brunum, caudam vaccarum, aures longas habent et celeri cursu procedunt. In regionibus, quae flumen p. 114. *Onon* circumiacent, sacerdos quidam, siue *lama* habitat, qui medicinam et chirurgiam, praesertim cauteria et cucurbitulas applicando, exercet. Cucurbitula unica, qua utitur, cuprea est et sedecim uncias sanguinis recipit. Hanc aere, antea per ignem rarefacto, applicat. Hoc facto in eodem loco venam conspicuam, ligno quodam adaptato, eleuat, comprehendit et instrumento simili, quo equorum venae pertunduntur, diffecat, cucurbitulam super imponit sanguinemque extrahit. Loco cauterii artemisiam,

in conum paruum conuolutam et fomite accensam, adhibet. His ipsis remediis, saepius reiteratis, omnes morbos internos sanat. Ex plumbo fusso, argento viuo sulphureque admixtis cineres parat, eosdem infuso theae in pastam redigit, ut unguenti consistentiam nanciscantur, quo externe applicato scabiem pellit. Praeter ea etiam oculorum morbos curat, pulueribus quibusdam, quorum unus constat ex cupro lamellato et sulphure in calcem redactis, alter vero ex argenti partibus duabus et aeris caldarii (*Glockenspeise*) parte una, in cochleari ferreo fufis et mixtis et in cineres mutatis, paratur. Ex hoc cum infuso theae, et ex illo cum lacte muliebri, solutiones facit, quas guttatim in oculos instillat. Hic medicaster porro calcem cupri ad expellendas vario- las laudat, quippe quae materiam peccantem per vo- mitum, aluum et alias vias eliminat. Pannum tan- dem ab oculo ope trium instrumentorum, hamuli, acus et illius, quo in venae sectione utitur, sepa- rat, quae instrumenta omnia ipse conficere didicit.

p. 142. In flumine *Selenga*, quod urbem *Udinsk* alluit, al- burnus, *Omul* dictus, qui a PETRO ARTEDO in *ichthyologia gener. piscium part. III. p. 9. coregonus* di- citur, copiose capitur. Magnitudo illius est pedis

p. 146. vel ulnae unius. Incolas, urbis iam dictae panaritii genus quoddam interdum vexat, quod ex dolore in digito cognoscitur. Hoc sanare solent unguento, ex axungiae porci uncia una, resinae abietis libra una, aluminis uncia semis, viridis aeris et vitrioli cyprii drachmis duabus et mercurii sublimati scrupulis duo-

p. 161. bus composito. Lues venerea ciues in urbe *Irkutzk* fere omnes infestat. De hac lue in uniuersum, quae in Sibiria domatur, id obseruare licuit, quod inter- dum mariti cum foeminis, lue vitiatas, viuere, uno in lectulo dormire, coitumque exercere possint, sine eo, ut contagium suscipiant. Foeminae e contrario sanae

sanae, cum maritis maxime veneris viuentes, non infectae fuerunt. In aegroto venereo, quem Cl. Auctor saluatione mercuriali curare studebat, mercurio ultra dosin consuetam dato, loco ptyalismi tam copiosam diuresin excitauit, ut per unum quemlibet diem plus quam viginti libras urinae emitteret, qua ipsa euacuatione aeger quoque sanitati restitutus fuit. Finita hac cura aeger, cui antea facilius alius subducebatur, nec vehementissimis purgantibus mouebatur, siquidem una drachma gummi guttae vix duas alui deiectiones effecerit. Quaestionem hic mouet Auctor, num hic effectus inertiae villis intestinorum, a mercurio inductae, forte adscribi queat. E regione fluminis *Kuta* australi fontes salini exstant, ex quorum maximo aqua salsa per canalem in lebetem ferreum satis capacem deriuatur et ibidem coquitur. In ipsa salis coctione magna copia materiae albae, sabulosae, fundum petit, quae in officinis metallicis regionum *Selenginsk*, ad mineras refractarias coquendas et ferrum ab his separandum, adhibetur. Qui ad flumen *Kirenga* habitant incolae et mares et foeminae strumis maioribus incedunt, quas per generationes propagari dicunt. Et in ipsis pecoribus easdem haud raro obseruare licet. Ad flumen *Itschora* mons iacet, ex quo fons salinus profilit, cuius aquae unciae sedecim tres drachmas salis continent, sal vero ipsum non ea bonitate, qua illud, quod in aliis regionibus coquitur, praeditum est. Hanc aquam salsum operarii in officinis salinis sine incommodo pro potu ordinario bibunt. In montibus, ad ripam *Kolotowka* et *Witim* sitis, glacies mariae effoditur. Haec glacies in quarzo ex albo flauescente et in gryseo fluore, non in venis, excurrit, sed sub tabularum forma inuenitur. Optima iudicatur ea, quae colorem aqueum pellucidum habet, et sub tabularum magnarum forma effoditur. Hanc glaciem findunt et ad aedificiorum nauiumque fenestras parandas adaptant, quae

- vero fenestrae, aeri expositae, pelluciditatem perdunt, nec maculae a pinguedine et fumo ipsis obductae, fa-
- p. 374. cilie deleri possunt. Ab *Olecminskoi Ostrog*, via satis remota et ad littora *Kaptendei* e terra fontes salini, una cum aqua magnam salis albidissimi copiam proiiciunt; sal ipsum, quam diu cum aqua mixtum est, sub forma sabuli subtilissimi apparet, deinde vero in albam lapideamque massam concrescit et copiose coaceruatur. Eadem haec regio in vicino loco montem salinum conspiciendum praebet, in quo sal verum, crystallorum cubicarum forma concretum et purissimum inuenitur. Vtrumque vero sal et fontanum et montanum, quoad naturam, qua optimum est, inter se conuenit. Reliqua montis huius strata terram limosam et talcum verum album constituunt.
- p. 383. Inter regiones, flumen *Lenam* circumiacentes, locus quidam, *Stolbi* dictus, celebris est, quoniam ibidem montes siti sunt, qui columnas lapideas, a natura ita factas, sistunt, ac si arte exstructae fuissent. Lapis ipse harum columnarum durus, arenosus, varie coloratus, marmoreus et ruber est. Inter has columnas ferri minerae opera facillima copiose eruuntur, quas in cisternam ligneam reponunt, et lignis super-
- p. 410. structis igneque succenso torrere solent. Inter copias militares, quibus viam ex regionibus septentrionalibus orientalibusque ad mare kamtschatkiese quaerere demandatum erat, in hybernaculis prope *Iakutzk*, non adeo commodis, commerantes anno 1736. sub finem mensis octobris scorbutus grassari
- p. 419. incipiebat. Huius morbi symptomata haec erant: aegri primum in locis corporis, olim morbis affectis, dolores sentiebant; post hos appetitus imminutus, prostratio virium, somnolentia, oedema pedum cum maculis liuidis, sternutatio vehemens cum dorsi dolore, dentium vacillatio et foetor oris subsequen-
- p. 420. tur. Tandem praeter haec intumescencia abdominis, sitis inexstinguibilis, tussis sicca et obstructio alui

alui pertinax cum tenesmo, per duas tresue septi-
 manas perdurans, superueniebant. Aluum obsti-
 param purgantia vehementissima referare non pote-
 rant. In quibus vero aluus aperta sequebatur, illi
 vel paulo post moriebantur, vel diarrhoea continua et
 sanguinolenta adhuc accedente, misere peribant. Cum
 omnibus hisce symptomatibus febris continua et
 spasmodicae artuum contractiones coniunctae erant.
 In cadauere quodam dissecto haec obseruata fuerunt:
 externa corporis superficies multis maculis liuidis
 conspicua erat; vesica urinaria multo sanguine coa-
 gulato repleta inueniebatur et per urethram sanguis
 verus effluebat; dexter pulmonum lobus, multa pi-
 tuita obsessus, aspera arteria et oesophagus inflam-
 mati; in corde et vena caua multum sanguinis gru-
 mosi haerebat, renes gangraena corrupti, ventriculus
 vero ab omni labe liber, conspiciebantur. Ex harum
 copiarum numero octo tamen, qui una cum aegrotis
 vixerant, ab hoc morbo illaesi manserunt, quippe
 qui perpetuis laboribus et vigiliis sese exercebant et
 decoctum strobilorum pini bibebant et pisces crudos
 congelatos comedebant. Praeter leuia incommoda
 tamen etiam obstructionem aluinam patiebantur. In p. 443.
 regionibus iakuzkensis muris alpini species copio-
 se deprehenditur. Viuit hoc animal in agris, cellis
 et iis locis, ubi frumenta coaceruantur, unde hieme
 et aestate praedam quaerit. Id ipsum capite subro-
 tundo, proboscide obtusa, auriculis nullis, meatu
 auditorio pilis recto, cauda pilis longioribus obsita,
 palmae longitudine, ab initio coloris nigricantis et
 flauo, circa finem fusci et nigri, corpore crasso, co-
 lore in dorso gryseo, in abdomine flauo, pedibus
 anterioribus breuibus et digitis quatuor, posteriori-
 bus longioribus et digitis quinque, singulis ungula-
 tis, instructum est. Captum hoc animal et irritatum
 vehementer mordet; pedibus posterioribus insidens
 anterioribus cibum capit. Sub initio aprilis concipit

- p.464. et sub initio maii foetus quinque vel octo parit. Potus genus anglicum, *Punch* dictum, ex aqua, saccharo, succo citri et spiritu vini paratum, earundem regionum incolae etiam conficere solent, licet ob spiritum vini vulgarem et leuiorem non adeo gratus sit
- p.467. potus. In deliciis quoque habent baccas ribesiorum vulgarium acidorum rubrorum, vitis idaeae, semper virentis, fructu rubro, chamaemori, rubi foliis ternatis, caule inermi unifloro et chamaerubi saxatilis. Has in cellis recondunt frigoreque gelatas ita immutatas seruant, ac si recentes essent. Ob victum autem hunc refrigerantem spiritum vini eo copiosius assumunt. Praeter haec radices pimpinellae, anserinae, bistortae, hedyfari, vel crudas vel exsiccatas, et in puluerem redactas, cum lacte in pultis formam mixtas, comedunt et allium auide deuorant. Corticem iuniorum pinorum aridam et contusam cibis admiscent. Ex carnibus animalium equina ipsis optima est, nec sanos equos, sed aegrotos necant; mures quoque edunt. In loco, ex aduerso fluminis *Lena* sito, *Beresowoi* dicto, in monte quodam lithantraces effodiuntur, quae inter sabulosa strata haerent et humidae sunt, aeri vero expositae dissiliunt in fragmenta, nec facile flammam concipiunt. Dum frigoris gradum iuxta thermometrum de l' ISLE obseruaret Cl. Auctor, inter mercurii viui interstitia aereas bullulas conspiciebat, quae quoque iterum euanescebant et a frigore magno sine dubio ex his interstitiis expellebantur. Ab his bullulis non descendebat sed ascendebat mercurius. Aerem subtilissimum, qui inter mercurium diuisus in bullulas iterum confluit, forsitan hac virtute pollere, ut mercurium, in tubo haerentem, plus augeat, quam imminuat, coniicit Auctor. Apud tungenses mos est, ut figuras varias, ornamenti loco in facie impressas, gerant. Has ipsi parentes infantibus adhuc imprimunt, dum futuras in cute, mediante acu et filo lineo,

neo, pasta quadam ex creta nigra cum salina facta, tincto, conficiunt. Est haec operatio dolorosa et facies tota post eandem intumescit et inflammatur, ad quod symptoma tollendum, non nisi axungia porcina utuntur.

XXV.

Dissertation sur les maladies de l' urethre, qui ont besoin de bougies. Par Mr. ANDRE, Maitre en Chirurgie. A Paris, chez Pecquet. 1751. 12. mai. pl. 10¹/₂.

h. e.

Dissertatio de morbis urethrae, contra quos cereorum usus necessarius est.

AGALENI iam inde temporibus inter medicos atque chirurgos disputatum fuit, num verae carunculae in urethra generari possint? Cum graecus ille medicus, cuius placita per tot saecula omnes fere in Europa medici secuti fuerant, inter causas, quae urinae iter praeccludere valent, putrem carnem; ex ulcere natam, retulisset, fieri non potuit, quin, veneris morbis inter europaeos grassantibus, et inter hos urinae mittendae difficultate saepius observata, huius quoque causam in carunculis, in urinae itinere ortis, ad unum fere omnes medici atque chirurgi quaererent. Cum dein vero in hominum, qui hoc morbo laborauerant, dissectis cadaueribus plures nullam inuenissent carunculam, illorum etiam plurimi ab hac, olim omnium facta, sententia discesserunt. Atamen ex recentiorum medicorum, qui in ipsis cadaueribus morborum causas inuestigarunt, certis observationibus clarum factum fuisse videtur, dari omnino casus, in quibus tales excrescentiae urinam cohibere

bere qucant. Eius modi quoque obseruationes in hoc iam indicato libro nos inuenturos esse sperabamus, ideoque eum perlegebamus auide. Spes vero nos fefellit. Num enim Cl. Auct̃or in sectis, hoc morbo detentorum, cadaueribus inuenerit carunculas, anque tales ab eo unquam institutae fuerint disquisitiones, ex illo non apparet. A priori saltem, ut aiunt logici, seu ex ipsa horum morborum natura, colligere sategit Auct̃or, veras dari in urethra excreſcentias carnosas, contra quas, et similes huius canalis morbos, qui urinae effluxum impedire possunt, sua, quae inuenit bacilla, miris laudibus commendat, eaque tamquam plane noua, omnia alia, huc usque ab aliis inuenta et publici iuris facta, viribus exsuperantia, extollit, quorum quippe virtutem eam esse dicit praecipuam, ut aliena, quae in urethra generata sunt, dissoluant, abstergant, et *nouam producant suppurationem*, indeque laesarum partium iuuent consolidationem, reliquorum tamen contra virus venereum cognitorum remediorum usu simul haud negligendo. Quo autem modo illa praeparari debeant; lectoribus nostris dicere non possumus, cum eorum compositionem in hoc tractatu declarare, eamque aliorum submittere iudicio, Cl. Auct̃ori nondum placuerit. Omnis autem dissertatio tribus absoluitur capitibus. In eorum primo illos morbos, qui gonorrhoeam excipere obseruantur, atque deinde alios, qui vesicam urinariam infestare, et illos priores aut sequi, aut per eos saltem pertinaciores fieri solent, explicare studuit, ideoque aliqua de dysuria, stranguria, ischuria, et, quae horum morborum frequens esse causa dicitur, de gonorrhoea, eiusque

p. 6. ortu, causa, atque varia sede proposuit. Ab hac quidem urethrae glandulas, quia primum sunt obuiaae, prae aliis partibus, semper affici debere, ait, inde vero, quod non numquam vesiculae seminales, aut vicinae partes tantum, reliquis plane liberis relictis,

p. 11.

lietis, patiantur, concludit, quod ipsum virus venereum non contagiosum solum, sed etiam volatile, esse debeat. Gonorrhoea vero, siue levis sit, et in urethrae glandulis tantum haereat, siue grauior, et in glandulis, a COWPERO dictis, sedem suam fixerit, siue denique grauissima, et prostates ipsasque vesiculas seminales occupauerit, ulcus parit, quod fere semper appellare cancrum, Auctori libuit. Con- p.26.
tinua enim partium substantia sublata, non ductus solum excretorios, sed ipsa quoque partium, quas occupauit morbus, corpora corrodere debere, et vel propter loci difficultatem, siue aliam insignem laesionem, vel peruersam medendi methodum, pure non effluente, et putrem carnem supernascei, et ab eo retardato collum quoque vesicae simul affici, ille docet; quem ad modum in hominum, interno aliquo p.30.
abscessu defunctorum, incisis cadaueribus, v. c. pleuram atque mediastinum pluribus in locis, a pure clauso viscosa, crassa et corneae quasi indolis facta, saepe seprehendisse, asserit. Duplici autem modo, eo p.34.
que saepius utroque simul coniuncto, fungosam carnem seu carunculam nasci posse perhibet, quando nimirum ipsae membranae, quae urethram constituunt, fibrae, iam laceratae et ulcerosae factae, tumidae fiunt, atque in longitudinem excrecentes, fungo occasionem dant; vel partes vicinae scirrhusae, indeque hae partes omnes coarctatae atque corneae fiunt. Vesica vero urinaria laedi dicitur, cum a re- p.36.
tento pure, eoque copiosiori et crassiori facto, volumen, ideoque etiam robur eius elasticum, immittitur, eaque igitur ipsa magis contracta fit atque cornea. Si quis vero Auctori velit obicere, quod p.38.
purulenta materies urinae ope per urethram euehatur, ideoque hos effectus, curatu tam difficiles, ea non facile gignere queat; respondet is, quod ista quidem materies magnam omnino partem per urinam eliminetur, fieri tamen non posse, quin in urethrae, sensim

- sim sensimque extensae, cellulas ea se insinuet, lamellas membranarum separet, obstruat, ipsaque hac distentione efficiat, ut vicinae partes pressae suam minuant diametrum, atque nunc scirrhusae vesicae vim frangant, ideoque stranguriae causam sine in-
- p. 40. signi callo aut excrescentia carnosae suppeditent. Quod si vero iam fungus adsit in urethra, hanc, quam patitur vesica, distentionem augmentum eius iuuare dicit, eamque tum ipsius ischuriae causam fieri, et, dum eo nunc fortiore nisu urinam proicere conetur vesica, fungum per breue quidem tempus abinde imminutum, eo tamen citius denuo excrescentem, tantam molem concipere, ut urinae iter omne praecludat.
- p. 47. In iis quoque aegris, quos vera gonorrhoea nunquam corripuit, quibus urina tamen difficulter mittitur, dum modo periculo virus hoc recipiendi se aliquando exposuerint, veneream huius difficultatis causam subesse posse, Cl. Auctor contendit; fieri enim potuisse, ut, interna urethrae membrana excoriata tantum, inter eius lamellas, a varicosis inde factis vasculis lymphaticis, lubricando canali alias prospicientibus, ortum fuerit ganglion seu excrescentia cancrusae indolis, augendi voluminis capax. Haud ille tamen negat, ab aliis etiam causis hanc urinae difficultatem produci posse; v. c. ab erosione membranae, qua collum vesicae aut haec ipsa intus obducitur, vel ab inflammatione, siue haec ab acri urina, siue a sabulo, in illius sphinctere retento, prouenerit; qua propter multiplicem bacillorum
- p. 52. usum intelligi inde posse existimat. Testatur enim, in eius generis morbis, licet ii quoque veneream causam non habuerint, saepius optimo cum successu sua se adhibuisse bacilla. Hic quoque loci adhuc repetere liceat, quod post praefationis finem iam monuerit, in ea etiam retentione urinae, quam in hominibus caelibem vitam, eamque castam atque integram viuientibus obseruari, et ab humoribus in
- gland-

glandulis, prope a vesica fitis, condensatis oriri dicit, ea optime adhiberi posse. In secundo porro huius tractationis capite extollit commoda, quae in hoc morborum genere, a quacunque missionis urinae difficultate ortorum, prae aliis medendi modis, a variis, contra quos etiam disputat, auctoribus, LEDRAN, TOLET, DIBON, CANTWEL, DARAN, commendatis, suos habere dicit cereos; eos tamen illis, quos DARAN inuenit, haud vehementer esse abfimiles, concedere videtur. Insertam quoque huic, p. 89. quam cum aliorum curandi methodo instituit, comparationi relationem legimus chirurgi, in nosocomio militum inualidorum merentis, BOVQVOT, qui in aliquot aegris, iussu ministri regii comitis D' ARGENSON, bacilla, ab Auctore inuenta, in usum vocauit, illosque horum ope sanitati se restituisse data fide declarat, quos alias vulgari modo non nisi bacillo, e plumbo parato, iuuare, prorsus autem curare, e chirurgis nullus potuisset. Quae cum ita sint, laudi p. 123. omnino Cl. Auctori dandum erit, quod ipse fatetur, eum, quem exoptat, perfectionis gradum bacilla haec nondum attigisse; scilicet, quod profluuium materiei purulentae inde tollatur, ductibus excretoriis atque veru montano suum restituatur robur, ipsaque vesica, suppurationem experta et callosa facta, in naturalem statum redigatur. In eo tamen quaerit solatium, quod hi, iam enumerati, effectus eos tantum sequantur morbos, quibus sua bacilla medeantur; ideoque haec tempestiue adhibenda suadet. Spem quoque alit, fore, ut inuenta sua adhuc longius amplificare possit. Diffiteri tamen nosmet ipsi quoque non possumus, de bacillorum Auctoris effectibus eam ob causam nobis ortum fuisse dubium, quod sa- p. 152. nas partes nullo modo ea afficere, aut in talibus suppurationem excitare dicat, adeo, ut nullum locum, nisi is iam aliqua labe correptus sit, ne excoriare siue denudare quidem soleant; quod nihilo tamen minus

minus eam de iis praedicet virtutem, qua ulcera impura, excrescentiae fungosae, immo fistulae eorum ope destrui atque repurgari, et, suppuratione orta, prorsus curari possint. Vis itaque exedendi iis inesse debere nobis certe videtur, cum aliquem dolorem eorum usum sequi, paulo infra Auctor ipse concedat, vixque mente concipi queat, suppurationem sine inflammatione, et hanc sine praegressa irritatione, excitari posse. Num illa vero vis in nulla parte sana, in primis in urethra, quae naturaliter esse solet humida, ideoque remedium solvere facile potest, mutationem aliquam efficere eamque rodere queat atque debeat, nos quidem affirmare nolumus. Constat autem, ut vel in transitu moneamus, quam suspensa manu talia remedia in his morbis adhibenda sint. In tertio denique huius dissertationis capite modum, quo bacilla sua contra urethrae morbos applicari debeant, proponit Cl. Auctor. Triplicem finem ante oculos habere debere chirurgum ait; nempe quo fluxum materiei purulentae, qui suppressus erat, restituat; dein reliqua gonorrhoeae symptomata denuo excitet; tandem vero, quo hunc renouatum fluxum tam diu seruet, donec illae partes carnosae, quae ex isto ulcere praegresso, deperditae fuerant, iterum sint redintegratae: leui autem eo, quem importent bacilla, dolore deterreri illum haud debere, cum eadem morbi nunc facies fiat, quam ante habuerit gonorrhoea: necesse vero esse, ut aeger idem, ac in illo priore morbo, seruet regimen, nisi eadem metuere velit symptomata, quae illud neglectum sequi soleant. Vsum autem bacillorum suadet primo in gonorrhoea recenti, ut intelligat chirurgus, num quidquam fungosi in urethra adsit, et in quam eius parte haereat, an omnis cura absoluta sit: morbum enim penitus esse sublatum, si materiei purulentae nihil amplius effluat, nec in urinae missione, neque sub erectione penis dolor sentiat,

sentiatur, neque bacillum aliquid peregrini offendat, aut mutationem efficiat: porro tumque praecipue in p. 202. eo casu, ubi excrescentiae carnosae, in quacunque demum urethrae parte haereant, vel ipso hoc bacillo vere percipi queant, vel ex filo tenui, bifido atque interrupto, quo exit urinà, morbi duratione, pelli- culisque membranosis urinae supernatantibus, quod istae adsint, iudicari possit: tandem vero in quavis p. 205. alia urinae mittendae difficultate, nisi alia tum gra- uiora adsint atque urgeant symptomata, quae ante eorum usum vel catheteris, vel cerei saltem dilatan- tis, immissionem requirant. Sub finem denique Cl. p. 225. Auctor promittit, si ea, quae huc usque de inuentis suis proposuit, rei peritorum meruerint applausum, obseruationes, quas de hocce morborum genere col- legit, uti et alias, de aliis casibus chirurgicis non mi- nus utilibus, se esse editurum.

XXVI.

Epicripsis critico - apologetica de affectu atrabila- rio, mirachiali: siue de morbis cerebri et mentis, qui extra cerebrum originem ducunt. Per G A S P A R V M R O D R I G V E S D E P A Y V A. M. D. Romae ap. Venant. Monaldinum, 1751. 4. mai. pl. 6.

Sequens morbi melancholici historia huic disserta- tioni occasionem dedit: Vir quinquaginta annos p. I. natus, temperie calida, robustus, sanguine plenus, in iram pronus, diaetam, praeter nimium forsan fructuum horaeorum saccharo conditorum usum, bene obseruans, in litteras semper incumbens, de cubili raro discedere solitus, aluo quidem nimis laxa, sed nec haemorrhoidibus, neque extremitatum fu- doribus, huc usque vexatus, mense septembre 1748.

Tom. II. Pars I.

H

leuem

leuem horrorem, dexttisque brachii atque cruris torporem extemplo sentit, sed euacuantium uniuersalium et iuris ex radicibus aperientibus usu, curatur. In hieme insequenti sat acri dolore in media tibia corripitur, externis internisque remediis obedire nescio, donec mense iunio ad aquas thermales, *Vicarello* dictas, profectus harum balneo per duodecim dies cum felici successu uteretur. Sub auctumno 1749. depascens herpes primo eius collum, dein sensim progrediens totum ad inguina usque corpus, mentem autem horrida tristitia, atraque cogitata infestant: interna medicina, et contra herpetem externa e balsamo peruuiano, saturnique butyro, tentata quidem, sed neutiquam eo cum effectu, quin sequenti anno, veris tempore, morbus iste redeat, simulque crus dextrum pruritu, dein dolore, tandem paresi, affligatur, atraque bilis denuo caput ita petat, ut aeger animo deiectus tamque anxius, ut diu ne verbum quidem fere proferat, adeoque afflictus euadat, ut insomniis, ventris inflatibus, trepidatione, memoria laesa, febre parua, tandemque assiduo delirio excrucietur; sanguine iterum iterumque ad imminuendam eius copiam, phrenitidemque auertendam, absque morbi attenuatione, misso. Accedit tristissima symptomatum cohors, omnis nimirum victus potusque fastidium, quod per sex dies perdurat, odium erga omnes, animus omnia in perditis ac desperatis habens, effera ira et taciturnitas, donec amici feroci malo vim inferant, eoque hunc miserum adigant minis, ut eorum monitis indulgeat, usuque continuato balneorum ex aqua dulci, magnae ferilactis copiae cum cichoreo, emulsionumque camphoratarum, eo denique perueniat, ut, herpete paresique lenitis, alios, qui ad eum accedunt, comiter salutare incipiat. En tristis morbi historiam! Tum temporis adhuc, cum Cl. Auctor tractatum huncce conscriberet, vitam tristem atque melancholicam

licam miser hic aeger degit. Causam totius huius p. 5.
 morbi hypochondriaci seu mirachialis, a vocabulo
mirach, quo Arabes denotant abdomen, sic dicti, in
 defectu haemorrhoidum, et profundis meditationi-
 bus, quibus ex vitae, quae monastica fuisse nobis
 certe videtur, instituto se addixerat aeger, inque
 nimis copiosa spirituum inde facta dissipatione, et,
 quod eius esse solet effectus, in viscerum, quae ali-
 mentorum digestionem inferuiunt, imminuto robore,
 atque cruditatibus eam ob causam ibi accumulatis,
 ideoque simul bile vappida facta, inque acrimonia ex
 his causis in humoribus generata, Cl. Auctor quae-
 rit. Plura dein ex veterum aequae ac recentiorum
 medicorum scriptis undique desumpta documenta at-
 que observationes de atrae bilis ortu, natura atque
 symptomatibus, similibusque morbis, mentem affli-
 gentibus, quorum causa haeret extra cerebrum,
 coaceruat, iisque casum iam enarratum illustrat,
 quibus etiam hanc ex suis observationibus immiscet,
 quod aliquando vir sapiens puellae vix visae vehe- p. 9.
 menti flagrauerit amore, haemorrhoidum autem
 fluxu per aliquot menses continuo correptus, illius
 amoris ne vestigium quidem senserit. Suam deinde p. 20.
 exponit sententiam de modo, quo hae mentis aliena-
 tiones a causis extra cerebrum existentibus produci
 queant: Quem enim ad modum a nerui in aliquo
 organo ab actione externi alicuius obiecti immutata
 superficie hunc ipsi impressum motum ad sensorium
 usque commune, locumue in cerebri medulla sin-
 gularem, cui certae adligatae sint ideae, libera via
 propagari, tumque *in anima, consortio spirituum*
animalium in sensorio communi instructa, ideas con-
 natas excitari, iisque recte connexis perfectam fieri
 ratiocinationem; ita et ab aliqua causa interna prae-
 ter voluntatem, ab irritatione nimirum alicuius ner-
 ui, motuque ei impresso, qualis ab atra bile, in praecor-
 diis haerente, in paris octavi aut intercostalis ner-

- uis, diaphragma insuper, cui singularis cum cerebro videatur esse nexus, attingentibus et penetrantibus, fieri possit, ad determinatum illum cerebri locum libere delatis, excitari posse ideas, tali mutationi adligitas, existimat. Omnis autem morbi, in genere considerati, qui atrae bilis nomine venire solet medicis, duplicem esse statum, docet; unum, quando ea generetur in sanguine, dum hic spiritu orbus fieri incipiat, reliquis eius partibus tenaciter inter se unitis; tumque veram dari posse melancholiam cum suis symptomatibus, nempe hac iam aliena facta humorum parte aequabiliter cum sanguine mota; alterum vero, quando succus iste melancholicus in aliqua corporis parte deponatur ibique hæreat, id, quod ut plurimum in arteriis coeliacis et mesentericis contingat; huncque igitur alterum *morbum, hypochondriacum* vulgo dictum, *congestionem esse sanguinis crassi, picei, terrestris, salini, oleosi in vasibus abdominalibus viscerum chylopoecorum*: Humorem autem istum stagnantem atrabilarium, longinquitate victuque in primis minus apto, putrescere, acriorem fieri, causamque novorum symptomatum suppeditare; ex hac causa Romae ab atra potissimum bile, tum ab aeris vicissitudinibus, tum a vitae genere, orta, subitaneas mortes a vasorum rupturis, internisque aneurysmatibus excitatas, observari; huncque statum pro tertio huius morbi gradu, proprium atrae bilis nomine insigniendi, a multis haberi;
- p. 27. quartum vero eumque pessimum, omnis quoque curationis vim fere prorsus eludentem, illum ab aliis dici, quando humor hic in angustiis vasorum diu inclusus, iamque adustus atque malignus factus, nunc vero in motum actus, sub *bilis atrae turgentis* nomine, seu morbi nigri HIPPOCRATIS in corpore faeviat, et terribiles funestosque saepissime effectus producat. Quod igitur ad diri huius morbi curationem spectat, in primo statu, qui facilius eam recipit.

pit, diluentia, demulcentia, laxantia, fructus horaeos, olera matura, mollia, iuscula cum radicibus leniter aperientibus cocta, horumque usum diu continuatum, simulque, si sanguis abundet, eius missionem, Cl. Auctor commendat; in altero autem statu ante omnia ad specificam, quae praedominetur, acrimoniam respicere, eamque contrariis aggredi, in primis autem saponaceis, et herbis atque radicibus talem succum continentibus, et tempore veris, sero lactis cum saccharo aut melle; in ipso etiam furore p. 33. vel larga sanguinis missione, vel opio et camphora, in solito largiore copia data, quandoque etiam mentis mutatione paulo acrioribus tentanda, diu satis uti medicum iubet, usque dum purgari incipiat aeger, quo demum cunque modo illud fiat. Vt hae vero p. 34. excretiones eo facilius succedant, simplicia tum diluentia, analepticiis interpositis, frictiones, tandemque corpore ab inquilinis istis humoribus repurgato, roborantia suadet. Post haec contra HOFFMAN- p. 36. NVM nostrum, qui aquas minerales ad viscerum obstructions referandas, easque lacti nuptas ad melancholica deliria laudauerat, monet, in eo casu, ubi humor iste corruptus in hypochondriis aliove loco sedem iam fixerit, eas aegro non esse propinandas, iisque potius serum lactis cum succis vegetabilium esse anteferendum; in reliquis autem casibus, ubi atra bilis vel nondum haeserit, vel iam soluta moveri atque eliminari incipiat, eorum usum cum optimi successus spe concedi posse. Caeli quoque mutationem, et frequentem corporis exercitationem, minime simul esse negligendas addit, paucaque subnectit de differentia, quam inter huncce atque hystericum p. 39. morbum intercedere, obseruamus. Tractatum hunc, parum quidem noui continentem, omnino tamen utilem, tanta sphalmatum typographicorum copia deturpatum esse, miramur.

XXVII.

A history of plants by JOHN HILL, M. D. acad. reg. scient. Burdig. etc. soc. London. printed for Thomas Osborne, 1751. fol. 7 alph. 8 pl. c. fig. aen.

i. c.

Historia plantarum auctore IO. HILL.

Omnem emetiri velle historiae naturalis ambitum, difficillimum est periculique plenissimum iter; tot enim dantur scrupuli, tot sese offerunt ubiuis obices, quibus sese expediendis remouendisue unius vix suffecerit hominis vita. Nihilo tamen secius, cum illum potissimum sibi scopum praefixum habuerit Cl. HILLIUS, inficiandum non est, ea illum officio suo functum fuisse ratione, ut aliquam laudem utique commendationemque fuerit promeritus. Praeter illam nimirum, de qua nunc nobis dicendum est, historiam plantarum, ante aliquot iam annos historiam fossilium persecutus est, quam propediem animalium sequetur historia, ut itaque totius historiae naturalis descriptionem tria complectantur volumina.* In singulis, quae extant, varia noua depre-

hendi-

* Prodiit history of. Fossils London 1748 fol. Totius operis sequens est titulus: A general natural history, or new and accurate descriptions of the animals, vegetables and minerals, of the different parts of the world; with their virtues and uses, as far as hitherto certainly known, in medecine and mechanics: illustrated by a general review of the knowledge of the ancients, and the discoveries and improvements of later ages in these studies, including the history of the materia medica, pictoria and tinctoria, of the present and earlier ages. As also observations on the neglected properties of many valuable substances known at present; and attempts to discover the lost medi-

hendimus, fossilium praecipue nouam plane methodum, nominaque generum recenter inuenta. Quippe quae ita comparata est, ut vel simplicia et non metallica, vel composita et non metallica, vel metallica fossilia sistat, quorum deinde inflammabilitas, facilis in aqua solutio, duritiesque subdiuisiones faciat, structura autem regularis et determinatae figurae, vel irregularis, cum sapore, in salibus, scilicet, series constituat, compositionis modus in strata, filamenta vel fibras, folia, angulosam figuram et sic porro classes efficiat, superficies tandem rara, tenera, ex laminis, striis, planis diuersi situs, horizontalis, pyramidalis &c. ordines componat, generumque inferiorum formationi inferuiat. Ita certe, ut exinde clare pateat, magnum in eruendis notis corporum digerendisque adhibuisse Cl. Auctorem solertiam, quae aliis quoque, ad disquirendum ulterius imitandumque proposita adhuc potuisset magis existere fructuosa, si aliorum auctorum de iis, quae describuntur, fossilibus nomina addere placuisset, quibus destituti fieri non potest, quin in veris subiectis indigitatis eruendis aliquantum vacillent. Generibus autem subiunxit omnium, quae ipsi ad manus erant, specierum expositionem. Hanc tamen in plantarum historia rationem non seruauit, sed LINNAEI in uniuersum retinens sexualem methodum, pauca tantum, et illa quidem, quae imperfecta vocari solent, vegetabilia, noua adumbravit ratione, in primis ex eo, quod neque apud hunc, neque apud alios, qui de iis scripserunt, sufficientes distinctionibus characteres se inuenisse autumaret. Plantas ipsas, quantum fieri potuit, florentes se disquisiuisse ait, et nouas, ut scribit, species detectas,

H 4

ad

medicines &c. of former ages, in a series of critical enquiries into the materia medica of the ancient Greeks. With a great number of figures, elegantly engraved.

ad sua genera reduxit. Specierum vero, prout in fossilibus factum erat, omnium cognitarum descriptiones non addidit, quod ex iis, quae datae sunt, reliquas facile formari posse crederet. In qua certe re cum ipso non conuenire possumus, quod exercitatum admodum specierum genuina distinctio, requirat virum, nondum vero confirmato insuperabiles pariat difficultates, sua tamen, ut in praefatione asserit, methodus ita comparata esse debeat, ut sine ullius libri ope intelligi et ab imperitis etiam generum aequae ac specierum nomina inueniri queant. Illis enim diiudicandum relinquimus, qui plantas quotidie sectantur, num, praeter generum characteres, magnitudo plantae et diuersarum eius partium, foliorum deinde forma et color floris sufficiant. Id quod ex specimine, infra adducendo, adhuc magis patefcet. Numerus plantarum, quem ad sedecim millia plerumque referunt, multos ab hoc opere deterret, quare varietatibus, speciebus suis adiunctis, ad undecim millia eas reduci posse credit, et plures recte quidem, arctioribus adhuc limitibus circumscribi posse, opinatur. Classibus deinde figuras partium plantae, nec non integras quasdam plantas addidit, quarum vero omnium delineationes saepe, quod dolendum, non adeo elegantes et distinctas esse obseruamus, ut nitidiores ab aliis datas

p. 152. fuisse recordemur, quod v. c. Kaempfferiae, in classe prima partis secundae exhibitae, et illius a LINNAEO in H. Cliffortiano propositae, iconem comparanti non poterit esse obscurum. Icones foliorum, quae specierum distinctionibus inseruiunt, ex LINNAEI antea adducto horto repetuntur, classium characteres, cum iis, quae ab eodem auctore in systemate naturae exhibentur, fere conueniunt. Nec typographorum, quod in eius modi operum editione euitari non potest, defunt sphalmata, miramur autem tum in totius systematis schemate, tum in
uberiori

uberiori eius descriptione, tum in indice pro *Feuillea* p. 616. legi *Treuillea*, illamque *Nbandiroleam* PLUMIERII vocari, quae ab eo *Nbandirobae* nomine descripta sit. Nec non in schemate pariter et ipso opere ac in indice *Mesnam* LINNAEI *Mesnam* vocari, illudque nomen in icone plantae, tab. II. exhibita, repeti, cum tamen planta a LINNAEO in honorem MESSES, celebris arabi, nomen acceperit.

De omni autem methodo, quae maximam partem Linnaeana sit, dicere nos non debere, facile intelligimus. Relictis itaque iis, quae cum illius viri mente conueniunt, lectoribus nostris non ingratum tamen futurum esse putamus, si de tribus primis plantarum imperfectarum, a quibus ad perfectas magis transitum facit Auctor, classibus, de submarinis scilicet, fungis muscisque paullo plenius exponamus. Nomina quidem aliorum auctorum retinuit, saepe vero noua condidit, vel ab aliis iam assumpta nouis distinxit notis, quae facta ab illo mutatio, licet non videatur in uniuersum probanda esse, aliis tamen eam diiudicandam relinquimus, ne a praefixo nobis nimis recedamus tramite.

Non possumus tamen non, quin moneamus, debere illi, cui eius modi opus, quod uniuersum complectatur plantarum systema, condere animus est, cognita esse ea, quae ab aliis, in eadem scientia illustribus viris fuere proposita. Num vero illa, quae de fungis muscisque in methodica stirpium Helvetiae enumeratione scripserit Ill. HALLERVS, aut neglexerit aut nesciuerit HILLIVS, nostri nunc non est, fusius ut disquiramus. Operam tamen dedimus, ut generibus horum vegetabilium imposita a dicto viro nomina simul adderemus. De DILLENII, qui in eadem plantarum classe nec non in muscis studiose laborauit, meritis nihil nunc addimus, cum eundem hinc inde citatum deprehendamus, immo,

quod muscos attinet, fere exscripsisse eundem HILLIUM inferius dicenda declarabunt.

- Submarinarum itaque plantarum tres ordines, desumptis a substantiae naturae distinctionibus, constituit. *Primus* lapideae duritiei et inflexibilia corpora continet, quorum sequentia numerantur genera;
- p. 2. *Mycedium* a graeco *μύκη*, fungus, dictum, plerumque fungi marini nomine compellatur et *RAIO* cerebriformis lapis dicitur. Species huc relatae a
- p. 4. figura et gyrorum directione nominantur. *Asteraea* alterum genus, gyros rotundos, medio loco depressiores sistit, ex centro ad peripheriam undique radii, stellae ad instar, decurrunt, inde autem
- p. 6. nomen plantae datum est. *Madrepora*, quae ob formam Auctori ad telluris plantas propius accedere videtur, ex trunco plures ramulos dispergit, porosos, ex cuiusvis autem pori ambitu lamellae ad centrum decurrunt, stellae instar. Species a glabra vel striata superficie pororumque magnitudine distinguuntur. Corallium sic dictum album huius generis speciem constituit. Illorum, quae deinde sequuntur, generum *Escharae*, *Tubulariae*, *Acetabuli*, nomina, ab aliis iam descripta et a Cl. Auctore ad-
- p. 12. sumpta fuerunt. *Ormus* HILLII est *Opuntioides* BOERHAAVII, et *Sertularia* IMPERATI, quorum nomina cur reiecerit Auctor, nullam addit rationem. *Corallum*, quod ramosum quidem, sed durum, nec porosum est, sine cortice et nudum aliquando reperiri asserit, cui quidem opinioni, illi, qui maris disquisivere fundum, strenue refragantur, * arte tamen facili nudum reddi posse concedunt. Praeter ea nigri etiam mentionem facit coralli, illudque veram eius esse speciem, speciminaque extare asserit.

Coral-

* In primis hic conf. VITALIANO DONATI saggio della storia naturale marina dell' Adriatico. pag. 43. seqq. et commentar. nostrorum Vol. I. pag. 481.

Corallina ex trunco ramoso, articulatum inter se com- p. 15.
posito et sibi iuncto constat. Suppeditat autem ha-
rum plantarum consideratio occasionem, nostro HIL-
LIO, quo a IVSSIEV primo propositam, et a LIN-
NAEO assumptam hypothesein, ac si corallia insecto-
rum sint domicilia, paullum perlustret, atque de il-
la ita statuit, ut aliquando, pro ut in terrestres plan-
tas, ita in marinas insecta se inserere posse concedat,
in uniuersum autem de omnibus marinis plantis il-
lud valere neget. *Aleyonium*, ultimum huius classis p. 17.
genus, ex materia rigida, fibrosa, variae formae,
laxe cohaerente, compressilique constatur.

Secundus harum plantarum *ordo* illas recenset, quae p. 18.
firmae coriaceae et elasticae sunt naturae. Primum
ea inter occupat locum *Campylium*, quod fruticem
refert, calcarea testum crusta, cui fructificationes
secundum Cl. Auctorem, sub minorum granulo-
rum, superius apertorum, forma videntur in-
haerere. Complectitur hoc genus sub se cerato-
phyta et titanoceratophyta BOERHAAVII. Ex-
cipit hoc *Spongia*, quae massas rudes, elasticas ta- p. 20.
men, et cauernosas sistit, quae vero vix plan-
tarum formam habent. *Fucus*, qui sequitur, folia- p. 21.
ceae formae est. Duplicis generis vesiculae in hisce
continentur foliis, quae fructificationem consti-
tuunt. Obseruauit autem Auctor tubercula, pun-
ctorum instar, quae vesiculas oblongas tegant, a
LINNAEO pro floribus maribus habitas, et vesicu-
las glabras, rotundas, cauas, filamentis intertextas,
femininos, eodem LINNAEO auctore, sistentes flo-
res. *Strongylium* cum priori fere conuenit, nisi p. 23.
quod ramos habeat rotundae magis figurae.*

Tertius

* Errorem hic, forte typographi incuria commissum,
notare liceat, in ipso nimirum opere strongylium ad
tertiam classem referri et quidem illud secundum illi-
us genus nominari, cum tamen in schemate methodi,
operi

p. 24. *Tertius tandem ordo* teneras et herbaceae fere sturcturae plantas submarinas offert, ex quibus una et sola sui generis *Alga* est, quam gramineis, flexibilibusque foliis instructam esse, nulli latet plantarum indagatori. Haec autem submarinarum plantarum dispositio, licet naturae satis videatur conueniens esse, in primis cum illa tenebris quasi tegere haec corpora voluerit, non tamen extra omnem dubitationis aleam posita est, id quod breuem, a nobis factam, recensionem curatius perlustranti, per varia manifestum erit exempla. Liceat hic pauca tantum adiungere. Nulli nos videre profiteamur, si unquam *Sertulariam* IMPERATI viderit Cl. Auctor, qua propter eam inter lapideae substantiae retulerit corpora, cum et conspectus eam admodum mollem esse doceat et ipse IMPERATUS Hist. Nat. Lib. XXVII. c. 12. eius substantiam velleri conglobato similem esse notet, plantamque hanc muscis adnumeret. Deinde *Acetabuli* s. *Androsaces* MATTHIOLI disquisitio, diligenter et exacte a VITALIANO data,* nec non specimen, quod ipsi possidemus, flexilem eius substantiam esse, unicuique comprobatur, ut hic etiam lapidi simile quidquam non occurrat. Ex hisce tamen exemplis de studiosissima, quam se adhibuisse Auctor monet, plantarum disquisitione, quaedam desumi poterunt momenta.

Progredimur ad alteram classem, fungos nimirum. In iis vero a variis iamiam auctoribus fuisse laboratum, supra cum monitum sit, non est, cur denuo notemus. Noster tamen HILLIUS naturalem crescendi rationem potissimum attendens, ordinum inde dispositionem desumpsit, et quatuor eorum proposuit, in quibus referendis ita versabimur, ut ea, quae a se obseruata et
noua

operi praemisso, secundae classi iungatur, et ob firmam suam substantiam huc etiam urique pertineat.

* Substantiam subtilem, flexilem et tubulosam describit lib. cit. p. 30. vid. et commentar. nostr. Vol. I. p. 478.

noua esse scribit, adducamus, ubi verò nomina tantum mutauit, praecipuum addemus synonymum. *Primus ordo* eos recenset fungos, qui horizontaliter arboribus adcrefcunt: *Agaricus* ipsi vocatur fungus, subtus lamellatus, qui distinctos masculinos femininosque flores habet, quorum descriptionem exhibet. Est autem id, quod *Agarico fungi* nomine HALLERVS compellat. *Poria* illud fungorum genus est, quod subtus poros tantum accepit, quosque HALLERVS in *Agaricopolyporum* et *Agaricosuillum* distinxit. Huius flores disquisiuit HILLIUS, et utriusque generis, tum femininos tum masculinos obseruauit. Mares quidem nec calice, nec corolla, nec staminibus instructi, ex anthera tantum oblonga, poro affixa, constant, feminae visum fere fugiunt, et semina, oualis formae, solum conspicienda praebent. Cum vero sapientissimus creator et in fungorum familia varietatem adamauerit, datur aliquod genus, quod subtus oblonga teneraque corpuscula ostendit, quae capitulorum instar eminent, et denticulata sunt, duplicis autem, ut praecedens, generis flores habent. Hanc *Odontiam* noster appellat Auctor, apud dentibus, quibus capitula sunt instructa. Est *Echinagaricus* HALLERI. Spongiosam magis substantiam, in utraque superficie foraminibus pertusam, *Amphetretia* offert, quae commodè ad poriam Auctoris potuisset referri, quippe quam HALLERVS *agaricopolypori* speciebus adnumerauerit. Ex lamellis sibi impositis conflatur *Scindalma*, illae vero semicircularis formae sunt, tubulosae, fungosaeque materia sibi inuicem iunctae. Solidum magis est *Stereum*, nec lamellatum, nec porosum, cuius fructificationes superficiei adhaerent; pertinet autem ad Agaricum, cui ab HALLERO iungitur.

Hi plerumque fungi pediculo destituuntur, et sua substantia aliis accrescunt corporibus; cum vero varii aliorum vegetandi sint modi, *alter ordo* sistit erectos, pediculo et capitibus siue pileis instructos, quorum sequen-

- p. 35. sequentia numerantur genera: *Lepiota*, cuius pediculi superficies inferior in numerosas diuisa est lamellas, a MICHELIO, HALLERO aliisque plerumque *fungus* dicitur, a graeco *λεπίς* lamella nomen traxit, cum *Amanita* vero DILLENII proxime conuenit, voluae enim mutatio et feminum adhaesio paulum a dilleniana descriptione in HILLIO discrepans, parum attendenda esse videtur. Duplicis substantiae petasum a natura
- p. 38. accepit SOLENIA. Superior enim substantia fungosa, inferior vero tubulosa est, et utraque facili a se inuicem separari potest opera. MICHELIVS *Suillum* vocauit. Totum fere solidum, inferius tantum porosum
- p. 40. est *Porium*, quod a MICHELIO, et HALLERO Polyporus dicitur. Nomen autem horum virorum eam ob rationem male mutatum esse arbitramur, quod in primo iam ordine poria descripta fuerit, ut itaque utriusque nominis conuenientia facile possit parere
- p. 41. confusionem. *Acontiae* superficies inferior ex paruis formatur spiculis, aut ex conicis, acutisque corporibus, unde nomen ipsi datum. MICHELIVS, LINNAEVS aliique *Erinaceum* vocant. Sine his armaturis quasi cre-
- p. 43. scit *Leotia*, cuius pileus superius planus, inferius glaberimus deprehenditur, fructificationes utrinque adhaerentes conspiciuntur, illasque globulorum instar comparatas esse, docuere Cl. Auctorem adhibita sollicite microscopia. Ex hac vero definitione accurate patet esse *Fungoidastrum* MICHELII et HALLERI. Alii deinde dantur fungi, quorum externa superficies reticulata est, interna vero glabra, quique in reticulo, masculinos femininosque flores dispositos habent, hos *Phalli* nomine LINNAEVS, *Boleti* TOURNEFORTIVS insigniuit, quae vero nomina, cum nostro non arriderent Auctori, a rete illo, quod graecis *δίκτυον* dicitur,
- p. 44. *Dictyariam* nuncupauit.
- Tertium* post ea ordinem constituunt fungi, qui sine pileo sunt, et erecti vegetant. Cum antecedente igitur dictyaria in hoc ordine proxime conspirat *Cle-*
thria,

thria, quae *Clathrus MICHELII* est, siquidem et haec p. 46.
 substantiam habet reticulatam, sed pileo simul coro-
 natur, primis ab initiis volua inuoluta, intus vero caua
 est. Ab hac itaque distinguit *Arcyriam*, quae pariter, p. 47.
 volua remota, reticulata apparet, sed non caua est, et
Clathroidem, et *Clathroidastrum MICHELII* sub se
 comprehendit. Nominis ratio a graeco ἀρνυον, quod
 rete significat, repetenda est. *Lycoperdon* oualis for- p. 49.
 mae, aliquando pediculum habet, saepe illo destitui-
 tur, volua operitur, quae plerumque ad maturitatem
 usque integra restat, in non nullis tamen speciebus eo
 tempore finditur et in spongiosa interiori massa dupli-
 cis generis flores continet. Qua propter laudando
 sane consilio *Lycoperdoides*, *Lycoperdastrum* et *Geaster*
MICHELII huc reducuntur, tot enim diuersa genera
 parum a se et vegetationis tantum discrepante tempore
 distinguuntur. *Carpobolum* tamen *MICHELII*, quem p. 53.
 post modum describit, quemque LINNAEVS aliique
Lycoperdo iungunt, exinde tanquam singulare genus
 proponit, quod cauum eius corpus sit, volua quidem
 inuolutum, cuius vero semina cum interiori pulpa,
 inomento temporis citius, magna cum vi expellantur.
 Se hunc accuratius disquisiuisse scribit Cl. Auctor, du-
 plicisque generis flores in eo detexit. Eodem fere
 modo cauum cylindraceum aut hemisphaericum cor-
 pus habet *Cyathia*; superiusque tenui obducta est p. 55.
 membrana, in cavitare eius utriusque generis flores et
 semina rotunda haerent, quorum unum quodque pe-
 culiari adnexum est filamento, ast vi illa non expellun-
 tur, sed ex maturis factis fungis lente decidunt. *Pe-*
zizam DILLENII falso huc referri monet Cl. Auctor,
 videtur tamen eadem esse planta, quam *Cyathoidis*
 nomine descripsit MICHELIVS. Caua etiam, nec mem-
 brana inuestita est *Encaelia*, in cavitare autem nuda p. 56.
 continet semina oualia, et flores utriusque quidem ge-
 neris, locis tamen distinctis dispositos. In hoc etiam
 genere vegetationis ratio variat, mox enim pediculum
 habet,

- habet, mox sessilis planta est. *Pezizae* DILLENII et *Fungoidis* MICHELII quaedam species, nec non *Auricula* vulgo dicta *Iudae* locum hic inuenit. Simplex, oblongum, erectumque corpus succulentum et flexile
- p. 59. definit *Clauariam* nostri Auctoris, quam LINNAEVS ad *Coralloidem* TOVRNEFORTII, DILLENIVS ad *Fungoidem* retulit. Flores autem masculini superiori, feminini inferiori superficiei applicati haerent. Firmitate saepe differunt specimina huius plantae, alia teneriora, crassiora alia inueniuntur. Nec haec crassities in uniuersum eadem est; alia namque cylindraceam magis formam repraesentant, alia ab inferiori parte superiorem versus crassescunt, et in acutum terminantur apicem, maxima licet pars angustata sit inferius, expansa vero magis in superiori loco. Hoc itaque cum nouum quasi genus sit, factum inde est, ut aliorum auctorum, sub sua genera relatae, species, quae ante adductis destituantur notis, nouo occasionem
- p. 60. praebeant generi. *Merisma* ea propter, a μερίζειν, quod est diuidere, dictum, quodque varie diuaticatos trunculos, ramosos, erectos sistit, quorumque extremi rami vel terminantur plana et tenera expansione, vel in adhuc teneriores ramos finiuntur, qui succulentae et carnosae quasi texturae sunt, *Coralloidis* TOVRNEFORTII, *Corallofungi* VAILLANTII, *Fungoidis* DILLENII, et *Clauariae* LINNAEI species complectitur. Durioris et coriaceae, immo, ut Cl. videtur Auctori, lignosae magis est substantiae *Xylaria*, a MICHELIO *Lichenagaricus* dicta. Superficies eius inaequalis est, duplicis autem generis flores patuere HILLIO, masculini, cuius antherae veris sustinentur filamentis, supernae adhaerent superficiei, feminini vero in cellulis constituuntur inferius, ex placenta rotunda, gelatinosaeque facti, cui magnus rotundorum seminum numerus adhaeret. *Lichenagarici* MICHELII species autem omnes prorsus inter se non conueniunt, quaedam enim tuberofam et crustaceam
- magis

magis habent substantiam, earumque superficies rotundis recta est tuberculis, quae cellulas subiectas regunt. In hisce cellulis fit fructificatio, duplicis namque generis flores, et seiuncti quidem in cellulis haerent. Ea etiam causa est, quae nostrum impulerit, quare illas sub *Aecidii* nomine proposuerit, p. 64. desumpta denominatione a graeco vocabulo *οινιδιον*, quod cellulam indicat. Singularis structurae est *Ceratosperrum*, a MICHELIO iam ita appellatum, p. 65. tenacis scilicet est materie, figurae non constantis, corpuscula vero tenera, lunatae formae producit, quibus fructificatio inest, flores, sexu distincti, sed inter se mixti sunt. Corpuscula illa a MICHELIO semina dicuntur. *Isaria*, a MICHELIO *Pucciniae* nomine tradita, pediculis oritur vel simplicibus vel ramosis, ex fibris qui conformantur circularibus, cauernosae axi adhaerentibus, quarum unaquaque in capsulam definit, quae fructificationem intus habet, distinctos nimirum flores, sed inter se commixtos. *Isariae* nomen ab *is*, fibra desumptum est. Ex meris conflatur vesiculis *Physarum*, quae vero vel sessiles p. 68. sunt vel pediculo sustentantur, intus distincti flores iis adhaerent, gelatinosaeque materies. A pediculi praesentia vel defectu repetendum est, quod MICHELIVS in *Mucorem*, *Lycogalam* et *Mucilaginem* distinxerit, quae tria igitur genera micheliana unico hoc comprehensa sistit HILLIVS. Tandem ad hunc ordinem pertinet *Monelia*, quae pediculo instruitur, cuius summitati vero nuda adiunguntur semina, in series quasdam distributa. *Botrytem* autem et *Aspergillum Michellii* huc relatum deprehendimus.

Quartus tantem ordo fungum sistit, qui sub terra nascitur et quem plerique auctores *tuberis* nomine p. 71. cognitum habent. Rotundum eius corpus irregulare et tuberosum, succulentum et spongiosum, cellulosumque, intus capsulas continet membranaceas, masculinis feminisque floribus refertas.

Ad tertiam porro, ut datam expleamus fidem, deuenimus classem, muscos exponentem. In his quoque vegetabilibus Cl. LINNAEVS, pro ratione methodi suae sexualis, fructificationis rationem habendam esse credidit, ast ipse facile obseruauit, incerta et minus adhuc ac in fungis clara esse, quae de illa possint proferri. Quod cum nostro Auctori, muscos descripturo, ante oculum versaretur, in tam numerosa eorum gente ex substantia et habitu plantae distinguere eas satis feliciter posse credidit, septemque eorum ordines constituit:

Primus ergo eos exponit muscos, qui tenera habent et flexilia filamenta. Inter hos eminet et pri-
 p. 74. mum describitur *Byssus*, qui simplices, capillares, uniformes tamen fibras ostendit. Reiecit Auctor varias, a DILLENIO huc relatas, species. Distingui-
 p. 76. tur autem a *Conserua*, quae oblonga et capillaria quidem obrinuit filamenta, sed non uniformia, diuisa potius in cylindricos vel globosos nodos. Qua quidem definitione cum DILLENIO fere conspirat, nisi quod ad veram conseruam nodosa semper requirat filamenta, reliquas eiusdem species ad alia amandans genera.

Alter ordo foliaceae aut gelatinosae materiae muscos sistens, tria sub se habet genera. Nouum est
 p. 79. *Phyllona* quod ex tenera materie, folio simili, componitur, pellucidum vero est, et paululum firmum. *Tremellae* DILLENII species, his dictis notis instructas, comprehendit. DILLENIVS enim tremellas vel foliaceas vel tubulosas vel gelatinosas esse dixerat, hinc foliaceae species huc reducuntur,
 p. 80. tubulosae post modum *Vlucae* nomine describuntur, tubuli vero illi plerumque planiores, aliquando rugosi deprehenduntur. Huc etiam pertinent omnes con-
 p. 82. feruae glabrae. Gelatinosae tandem species *Collema*, genus constituunt. Gelatina autem haec vel filamenta, vel membranas, vel indigestam sistit massam.

Fir-

Firmiores et rigidos, fere caules natura illis concessit muscis, quos *tertio* in *ordine* dispositosprehendimus. *Vsnea* componitur ex filamentis densis quodam modo, quorum superficiei fructificationi analogum quid adiungitur, sub scutellorum et orbiculorum forma. Tres novas nondum descriptas species huic se addidisse generi gloriatur Cl. HILLIVS. Firma et flexilis illa substantia, aliquando in ramos distribuitur, fuci instar, eius modi ratione comparatos muscos, quos vulgo *Lichenoides*, et *Lichen* in genere LINNAEVS nominat, *Platysma* vocare libuit nostro Auctori. Huius generis est pulmonaria officinarum. In foliacea vero eorum expansione, et quidem in eius marginibus vel superficiibus rotunda nascuntur corpuscula, quae ad fructificationem necessarias partes sine dubio fouent. Ramosa etiam aliorum muscorum est conformatio; quod si cauliculi subrotundam habeant figuram, *Cladoniae* nomen dant, quae et ramosa et non ramosa deprehenditur, aliquando etiam fruticem imitatur. *Coralloides* vocauit DILLENIVS et vulgo sic dictus muscus corallinus etiam locum hic inuenit. *Pyxidii* forma propria est; cauum scilicet repraesentat calicem, quo ad capiendos utimur potus, inferior tamen caulis ratione suae longitudinis saepe discrepat. Apud LINNAEVM Lichenis pyxidati nomine extat.

Siccam et crustaceam, nec non gelatinosam qui habent substantiam musci, a prioribus cum differant, ad *quartum* a Cl. Auctore *ordinem* ablegati fuerunt. Non nisi unum huc usque huius ordinis innotuit genus, *Placodium* scilicet, quod ex friabili vel gelatinosa componitur massa, quae in crustas planiores, aliquando scabras et granulatas, aliquando ad marginem foliaceas fere, formatur. Fructificatio bractearum sub forma superficiei plantae et quidem

dem centro praecipue adhaeret. Ad Lichenes pariter a LINNAEO fuit relatum.

In his cum fructificationis partes paulum obsecuriores sint, non nulli crediderunt, se euidentius eas reperisse in illis, qui capitulis instruuntur, muscis; recenset itaque *quintus ordo* muscos, quorum capsulae operculo reguntur. Ex his *Bryum*, caulem producit foliosum, vel collecta circa radiculam foliola, pediculus inde exiens in summitate operculo seu calyptra tegitur, conica, tenerum continente pollinem seu farinam. Pediculi autem hi, vel ex centro foliorum radicalium originem sumunt, vel ex suprema plantae parte, vel ex ramis; aliquando inferius ad basin peculiari particularique inuolucro destituti, tumidi sunt, quam tamen notam DILLENIVS, cum cuius definitione haec nostri Auctoris fere conspirat, pro constanti habet. Taxat praeter ea LINNAEVM, quod ex capsularum forma, quam cylindricam assumit, species voluerit disponere, cum earum forma ad modum variet. In ipsis autem hisce capsulis vera plantae semina contineri, farinam autem ex antheris, quae pyramidalibus adhaerescunt corpusculis, ex summis capsulis, sub calyptra enatis, prouenire autumat. Ex largo hoc genere pauciores recenset species Cl. Auctor. Subsequuntur postmodum *Polytrichum*, *Sphagnum*, *Mnium*, *Fontinalis*, *Hypnum*, de quibus generibus eam nihil adducimus ob rationem, quod definitiones dillenianae sint, et ex copiosis, quas ille recenset, speciebus pauciores tantum desumptae et descriptae, additis tamen, ut de omnibus huc usque recensitis consuevit, iis, in quibus in Anglia inueniuntur, locis.

Sine pediculis et calyptra capsulas producant alii musci, quos in *sexto ordine* collocatos esse reperimus. *Lycopodium*, cuius capsulae bivalues sunt, a
 P. III. *Trispermio*, quod *Lycopoides* vocauerat Cl. DILLENIVS, in eo differt, quod duplicis generis capsulas,
 P. II2. alias

alias puluerulentas, alias feminibus et quidem tribus refertas, producat, unde nomen deriuatur. *Selago* p. 114. et nomine et descriptione tota dilleniana est. *Poly-* p. 116. *cocca* autem *Selaginoidem* DILLENII exprimit, pro-ut *Opeca*, eadem est planta ac *Porella* DILLENII, qui a foraminibus, seu poris, post matura excussa semi-
na, in capsulis conspicuis, illi hoc dederat nomen.

Euidens tandem, magis certe ac in praecedenti-
bus, est fructificatio in *septimi ordinis* vegetabilibus, in quo nobis musci occurrunt, ex foliis simili mate-
rie compositi, cum manifestis pediculis, fructifica-
tionis partes sustinentibus. De his autem praeter
generum huc relatorum definitiones et noua, quae
condidit Auctor noster, nomina, quaedam adducere
animus non est, cum ita fere omnia cum MICHELIO
conueniant atque DILLENIO, ut videantur Cl. Au-
ctori pro norma inseruisse, secundum quam suas
adornaret descriptiones. *Marchantiam* enim, *Hepa-* p. 117.
ticam et *Lunulariam* MICHELII, quas DILLENIVS
ad *Lichenem* refert, in tria denuo distinguit genera,
ita tamen, ut retento priori nomine hepaticam nunc
Conicephalam, et lunulariam, graeca significatione, p. 118.
Seleniam appellet. *Iungermannia*, a MICHELIO ita p. 120.
bilita, a nostro HILLIO assumpta, *Muscoidem* et *Li-*
chenastrum DILLENII simul complectitur. Reliqua
tandem genera *Anthoceros*, *Riccia* et *Targionia*, quas
DILLENIVS licheni iunxit, nec non *Sphaerocarpos*,
ut iam diximus, penes MICHELIVM videri possunt.

De generibus hucusque retulimus; postulari a no-
bis posset, ut de speciebus etiam quaedam adduca-
mus, metuendum autem simul est, ne forte taediosa
nostra euadat oratio, cum specierum sine accuratiori
descriptione distinctio intelligi non possit. Obserua-
mus tamen Auctorem, cum plantarum historiam
scribere voluerit uniuersalem, qua sola ducti possint
alii botanicem addiscere, species tantum pauciores
descripsisse, reliquas vero nec disquisiuisse, nec con-

uenientibus distinguendi notis nominibusque fuisse usum. Exempli loco bryum fit, quod genus a DILLENIO aequè ac HALLERO adeo studiose disquisitum est, ut plurimae species distinctis suis characteribus fuerint insignitae, nihilo tamen secius noster HILLIUS, descriptis quatuor speciebus tandem duodecim adhuc addit, inter quas et est *Bryum viride, aggregatum Alpinum*. Num hoc solo ex nomine quis illam a reliquis sufficienter distinguere possit speciebus, ab aliis diiudicandum erit. Quicquid autem de tribus hisce classibus notauimus, primam totius operis constituit partem, ita quidem, ut liber primus submarinas plantas, alter fungos, tertius vero mucos contineat. Altera deinde pars ex mente LINNAEI ita constructa est, ut eius plerumque definitiones, tum generum, tum specierum retineat, quam ob rationem, eius cum methodus satis iam fit omnibus, qui veram plantarum indagationem amant, cognitus, orium nobis fit, ut pluribus adducendis momentis supersedeamus.

XXVIII.

LAURENTII HEISTERI Programma, quo ad lectiones suas hybernas philiatros inuitat atque simul iniquum Lipsiensium iudicium de noua suarum institutionum chirurgicarum editione latina amstelodamensi in commentariis suis nouis de rebus in scientia naturali et medicina gestis relatum retundit atque enervat. Helmstadii, 1752. 4. pl. 3.

Commentarios nostros, hæcenus editos, multorum, eorum potissimum, quorum iudicium pro norma habemus, applausum expertos fuisse lætamur, et inde ad inchoandum secundum volumen, non sine voluptate,

te, nos accinximus. Nouam illi praefationem adicere eo minus necessarium esse duximus, cum nihil in instituti nostri ratione, in principio voluminis primam declarata, mutandum lectoribusque nostris significandum haberemus. Censorem equidem nacti sumus Cl. VOGELIVM*, qui tamen, operis sui praeconem agens, exempla veluti nobis proponere et leuissimos, certe vix euitandos, nec animaduersione dignos alias, errores graui senilique oratione nobis exposuit. Admirati sumus summam, quam in se positam habet, confidentiam, ex qua laborem, a nobis coniunctis viribus susceptum, et satis difficilem deprehensum, solum se tam feliciter perficere gloriatur; penes alios iudicium sit, de susceptorum laborum praestantia; nos unicuique tantum illud monemus, neglectis riuulis, ex fontibus haurienda esse, quae ad historiam literariam medicinae recentioris illustrandam pertinent, argumenta. Partium deinde studio ductos a vero nos aberrare, diarium gallicum**, nullo tamen exemplo adducto, eo quidem tempore monuit, quo prima tantum pars commentariorum impressa fuerat, sed a nemine postea huius erroris accusati nec rei facti sumus. Dictas vero leuidentis nec confirmatas criminationes prorsus forte neglexissemus, nisi programma, quod nunc indicamus, nostram omnino attentionem mereretur, et de illis breuiter insinul dicendi occasionem nobis subministrasset. Editionis nimirum secundae latinae amstelodamensis institutionum chirurgicarum Ill. HEISTERI in nostris commentariis*** mentionem fecimus, quae quidem, ut ex prima editione iam satis cognitae, recensionem nostram non exigebant, cum ab anno demum quinquagesimo huius seculi nostras librorum,

I 4

qui

* *In der medicinischen Bibliothek. I. Band, 10. Stück. a. d. 880. Seite.*

** *Journal des Scavans. Juillet. 1752. Edit. Amstel. pag. 499.*

*** *Vol. I. Part. II. p. 314.*

qui noui sunt, enumerationes inciperemus, ideoque eorum tantum causa, qui priorem editionem iam possident, alteram hanc nouam non ita adauctam esse indicauimus, ut prior inde editio minus utilis facta fuerit. Aegrius hoc iudicium tulit Vir Illustris, et amplo sermone acrique stilo, erroris, calumniae etiam nos conuincere tentauit. Et hanc quoque absque ratione nobis adpersam iniquitatis maculam non curassemus, nisi suspicaremur, fore non nullos, qui, cum senem venerabilem, et ob chirurgica sua scripta inter germanos clarum Virum irritauerimus, nos aliorum meritis quidquam detrahere velle credant. Aequi certe bonique iudices et laudatas et commendatas a nobis fuisse statim intelligent institutiones chirurgicas heisterianas, dum eos, qui priorem latinam illarum editionem possident, eam pro minus completo et imperfecto opere habere et hinc forte negligere non debere, monuimus. Qui igitur priorem editionem commendamus et de institutionibus istis, quod cognitae iam sint, vel esse debeant, omnibus in uniuersum artis tironibus, certi confidimus atque urgemus; in noua praeter ea hac editione varias accessiones deprehendi ipsi indicamus, non minus etiam nouam laudamus. Sed non satis eandem laudasse dicimur, cum huic editioni prae altera pretium singulare non statuerimus; quaestio vero non est, num liber emendus sit, sed an noua haec editio illis, qui priorem possident, summe necessaria inueniatur. Institutiones chirurgicas, et heisterianas quoque in omnium medicinae practico- rum manibus esse debere cognoscimus atque mone- mus, sed quot sunt medici, artem salutarem facientes, qui eam librorum copiam comparare sibi possunt, ut omnes editiones librorum, utilium alias, quorum ta- men pretium sex et plures thaleros superat, coemere absque detrimento queant? et his praecipue in prae- fatione prioris voluminis nostros commentarios dica- uimus, qui a permultis etiam eorum, ut nobis notum est,

est, leguntur; in horum quoque gratiam breuiter de noua hac institutionum chirurgicarum editione diximus. In bibliopolam forte iniurii visi aliquos ipsi emtores subduximus, his vero controuersis nos non immiscemus. Quid enim ad nos omnesque medicos pertinet; quod editio institutionum chirurgicarum heisterianarum veneta * pretium editionis amstelodamensis prioris adeo imminuerit, ut bibliopola batauus eam post ea viliori pretio vendere, et nouam eamque adauctam editionem ab Auctore efflagitare coactus fuerit? Dies diem omnino docet, et quis est, qui suis scriptis noua non addere possit, si, ut Ill. HEISTERVS, in excolendis studiis et euoluendis auctorum recentiorum scriptis versatur; nec opus fuisset doctissimorum collegarum testimonium, in rei confirmationem signatum, afferre, cum satis iam nobis persuasum habeamus, Cl. Auctorem ex nouis auctorum scriptis multa adhuc ad alteram hanc editionem transferre et tertiam nobis eamque auctam, si opus est, exhibere posse illarum editionem. Illud certe, quod noua quaedam huic editioni accesserint, a nobis non negatum, indicatum potius fuit, num vero post nouam hanc editionem prior prorsus vilescat et minus utilis sit, ita, ut qui libro hoc uti volunt, pretio insigni et multis molesto eandem iterum comparare sibi debeant, ex rationibus, paulo ante adductis, a nobis constituendum erat. Cl. Auctor vero, quo bibliopola satisfaciatur et imminens ipsi damnum auertatur, nouas illas additiones in hoc suo programme enumerat. Prima earum ad lithotomiam cum paruo apparatu pertinet, quae non tamen noua, sed ex ipsa eius dissertatione ** deprompta momenta continet; nouae porro calculum secandi methodi FOVBERTI et LE CAT in scriptis permultis recentiorum iam propositae fuerunt,

* prodiit. 1740 4to.

** De lithotomiae Celsianae praestantia et usu. Helmstadii, 1745. 4to.

- p. 9. fuerunt; artis denique obstetriciae aptum in ea compendium tironibus se exhibuisse asserit. Haec vero omnia nulli negauimus, ad lithotomiam potius et artem obstetriciam in primis spectantes accessiones in hac noua editione reperiri, ipsi et fideliter quidem indicauimus. Ad bibliothecam chirurgicam Ill. Auctoris eiusque augmenta ex eo nos non respexisse notamus, quod ea in titulo iam iam, numeratis etiam plagulis, a nobis indicata, ad chirurgiae tractationem pressius non faciat, neque omnis auctorum chirurgicorum cognitio ex unica collectione peti, scriptores tandem, qui accesserunt, ex fine nobis praefixo et supra iam indicato, commemorari omnes a nobis non potuerint. Dum ad reliqua, quae traduntur, huius editionis augmenta accedimus, primo loco occurrit observatio de vulnere arteriae cruralis periculosissimo, ab Auctore sanato, quam tamen in peculiari dissertatione * ipse iam proposuerat. Quodsi censoris, nobis nolentibus etiam, ab Ill. HEISTERO tributum, officium explendi nobis animus fuisset, eadem hic loci repetere potuissemus, quae medici quidam ex lipsiensibus Ill. Auctori, paulo post editam illam dissertationem Lipsiam salutanti, opposuerunt, falsi nimirum quidquam inesse huic observationi, nec vulnera arteriae adeo insignis consolidari posse, cum nullum adhuc notum sit auxilium, quod fungum, necessario oriundum, coerceat. Aliae itidem, quae circa vulnera commemorantur, accessiones ex variis Auctoris dissertationibus petitae sunt. ** Peculiarem illam brachium amputandi methodum, casu illustratam, eo duce filius eius, cuius praematura fata et nos dolemus, iam olim descripse-
- p. 10.
- p. 14.
- p. 15.

* De arteriae cruralis vulnere periculosissimo feliciter curato. Helmstadii, 1741. 4. c. fig. aen.

** De ossium vulneribus rite curandis. 1743. 4to. De vulnecibus machinarum igniuomarum 1744. 4. De genuum structura et morbis. 1744. 4. c. fig.

scripserat *. In capite de labiis leporinis, quae sunt p. 17. augmenta, similiter ex dissertatione petita, conspeximus. ** Nouae hae dictae ac variae accessiones, ex propriis Auctoris dissertationibus desumptae, adaugeri facile potuissent, si ea, quae ex aliis auctoribus petita et hinc inde deprompta augmenta, notare vellemus, earum tamen recensione nec Ill. Auctori nec lectoribus nostris in praesenti molesti erimus, in primis cum operosus omnino et forte etiam inutilis labor sit, ad ductum programmatis ditata illa et amplificata loca euoluere velle; numeri namque capitum, paginarum et paragraphorum minus rite citati curiosiorem eorum inuestigationem et emendationem insimul postularent. Simili etiam modo tabularum, aeri incisarum, corre- p. 18. ctiones et augmenta, praeter eas icones, quae ad dissertationes indicatas pertinent, aut ex aliis commentariis depromptae sunt, leuidentis saepius esse profiteri iterum non dubitamus. Perpensis itaque his, ab Ill. Auctore in programme suppeditatis, augmentis nouas obseruationes, in hac altera editione reperiundas, habebimus paucas; praeter eas enim, quas Cl. VLHORNIO, chirurgus amstelodamensi, qui secundam chirurgiae germanicae editionem in belgicam linguam transfudit, opposuit ***, obseruationem de cartilagine ossis metatarsi, quod pollicem sustentat, hoc resecto relictum et cum cute non coalescente, sed post quinque menses secedente, carne post ea cum cute coeunte ****, et aliam, de calamo anserino, qui urina sup-

* ELIAE FRIDERICI HEISTERI diss. de noua methodo amputandi brachium. Helmstadii. 1738. 4to. c. fig.

** De labris leporinis. 1744. 4to. c. fig.

*** vid. Instit. Chirurgiae Edit. 1750. p. 14. 18. 47. 52. 60. et passim.

**** Lib. cit. p. 468. not. d. in Prog. cit. p. 448.

suppressa laboranti puerperae adaptatus fuit*, ut notabiliores inuenimus. Non itaque erroris conuictos et eo deductos nos habeat Ill. Auctor, ut publice eundem ex promisso, in instituti ratione dato, reuocare teneamur, ex dictis potius ut cognoscat, rogamus, nos nec malae fidei homines, nec contemtores aliorum esse proteruos. Non unus ex nostris, sed omnes alteram hanc cum prima editione contulimus, et plura, quam hic proposuimus, huius indolis animaduertimus momenta, ita, ut non recensentem, nec directorem, sed omnes socios disquisitionem instituisse sciendum sit. Nec iuuenes, neque in chirurgia hospites plane sumus, inter ea tamen pignore mille nummorum imperialium vel ducatorum, aut testimonio prolato, nos vera dixisse non confirmamus, sed ad aliorum potius, penes quos Auctoris aequae ac nostra scripta disquirendi potestas est, iudicium prouocamus. Morato praeter ea et ingenuo cuilibet iudici iniurias istas et contumeliosa verba aestimanda tradimus, quae Cl. Auctori in rei defensionem adhibere placuit; ea certe vix promeruissemus, si eo stilo scripsissemus, quo ipse Cl. Auctor in compendii anatomici praefatione contra VERHEYENVM usus est, vel, si dictiones ex Cl. ALBERTI censuris** depromissemus. Sed aetati Ill. Auctoris hac in re quidquam tribuimus, ipsa interim dictionis iniquitas nos coegit, ut ad publicum scriptum publice respondeamus, et ulteriori illius recensione nos defendamus. Credat de reliquo Ill. HEISTERVS, nos, qui merita germanorum non suppressere, sed magis euehere cupimus, bene partae eius gloriae nihil unquam detracturos, illius potius, ut laboriosissimi senis, per longam annorum seriem acquisita merita quauis data occasione publice depraedicaturos esse.

Pedem

* Lib. cit. p. 829. not. c. Tab. XXVI. (in Prog. Tab. XXV.) fig. II.

** vid. *kleine medicinische Schriften. Halle 1721. 8. p. 495.*

Pedem tandem hic figimus, nec in posterum in defendendis nostris recensionibus occupati erimus, aequitate enim nostra id promereri fludebimus, ut veritate, licet non nullis inimica, eruditis et aequis insinul hominibus placeamus.

XXIX.

CHRISTIANI GOTTLIEB LVDWIG, M. D.
Physiol. P.P.O. in Vniuersit. Lips. Institutiones Physiologiae, cum praemissa introductione in uniuersam medicinam, praelectionibus academicis accommodatae. Lipsiae ex officina Gleditschiana, 1752. 8. alph. 1. tab. aen. 6.

Ex quo academiae nostrae admoueretur Cl. LVDWIGIVS, eam semper metam ipsi praefixam esse intelligebant omnes, penes quos est iudicandi potestas, ut optimam non tantum addiscendae et faciendae medicinae methodum sedulo auditoribus suis erudiendis adhiberet, sed ipsi etiam salutari arti perpoliendae et illustrandae omnem suam operam addiceret. Indefesso huic adeoque conspicuo nostri medicinam iuuandi studio eam, quam nunc indicamus, debemus laborum academicorum partem, quam non ingratham medicis futuram esse praesentiscimus. Quamvis enim non eo, quo multos, temporibus nostris, abripi videmus, nouaturiendi consilio ducatur Cl. Auctor, ipse potius noui systematis conditoribus annumerari non cupiat: ex eo tamen, has institutiones utiles omnino esse apparet, quod ordinate atque dilucide, et modo tironibus apto, de singulis, quae hominem sanum attinent, conditionibus non tantum in iis dictum sit, sed conueniens etiam satisque firmum illae praebeant fundamentum, cui medica scientia omnis eo commodius superstrui queat, cum praeter praemissam ipsis introductio.

- ductionem in uniuersam medicinam et physiologiam, plerumque sic dictam, semioticam etiam et diaeteticam, in quantum nimirum hae dictae doctrinae ad hominem sanum pertinent, illae complectantur. Quo interim lectores nostri ipsi de iis iudicare valeant, pro instituti nostri ratione breuem prius ipsius libri descriptionem exhibebimus, varias postea Cl. Auctoris
- p. 1. sententias hinc inde desumtas, proposituri. De introductione, dum primo loco dicendum est, illa quatuor
- p. 9. capitibus absoluitur. Eorum primum, breuem atque succinctam artis salutaris historiam, secundum vero ex varia artis nostrae facie erutam, et ad nostra potissimum tempora compositam, medicinae definitionem tradit. Quae enim *naturalis* primo et simplicissima erat medicina, *artificialis* post ea facta et magis excul-
ta, nostris nunc temporibus, pro scientia eorum omnium habenda est, quae per corpus humanum eue-
niunt, h. e. per eius fabricam perfici possunt, iuncta simul eorum cognitione, quorum applicatorum vi, mutationes in corpore humano producuntur, quo et sanitatis et morborum ratio inde cognoscatur et apta remedia, ad praecauendos et abigendos morbos, inue-
niantur. Ex data hac explicata medicinae definitione, amplissimum esse medicinae campum intelligitur, quem, nisi apta et congrua via incedamus, emetiri vix possu-
mus. Generales itaque regulas dictis subnectit Cl. Auctor, quas discens aeque ac docens obseruandas ha-
bet, si eum, quem assequi licet, in sua scientia co-
gnitionis gradum acquirere velit. Eundem etiam in
p. 14. finem in tertio capite, res, circa quas medicina versa-
tur, earumque nexus et diuisionis ratio, proponuntur. Omnium, quae huc pertinent, doctrinarum descriptio-
nem hic dedit noster, quam iterum exposuisse iu-
uabit.

Tabula synoptica medicinae:

p. 17.

I. Praemittenda generalia.

1) Studium linguarum

a) veterum: graecae, latinae, arabicae, b) recentiorum, gallicae, anglicae, italicae etc.

2) Historia literaria medicinae

3) Mathesis pura et quaedam partes mixtae.

4) Philosophia uniuersa, praecipue logica, metaphysica, physica generalis et specialis.

II. Praemittenda specialia.

1) Historia naturalis

a) Botanica, b) Zoologia, c) Mineralogia.

2) Anatome, in primis sani corporis humani, postea aegroti et comparatiua animalium brutorum.

3) Chemia, tum generalis, tum speciatim ad partes medicinae applicata.

4) Cognitio medicamentorum, siue materia medica generalis.

a) in simplicibus, siue materia medica stricte sic dicta, b) in praeparatis siue pharmacia, c) in compositis: formulare et dispensatorium.

III. Medicina theoretica.

1) Physiologia, quae corporis sani considerationem sistit, in

a) actionibus uniuersalibus, quae in toto corpore obseruantur, b) actionibus particularibus, quae a speciali partium fabrica dependent, c) signis sanitatis generalibus et specialibus siue semiotica corporis sani, d) regulis de conseruanda sanitate, siue sic dicta diactetica.

2) Pathologia, quae aegroti corporis considerationem exhibet, et ideo sistit morborum

a) diffe-

- a)* differentias et essentiales et accidentales in nosologia, *b)* causas in aetologia, *c)* effectus, siue symptomata in symptomatologia, *d)* signa tum generalia, tum particularia, in semiotica corporis aegri.
- 3) Therapia, quae methodum medendi sistit, in indicatione
 - a)* vitali, siue conseruatoria, *b)* prophylactica siue praeseruatoria, *c)* therapeutica siue curatoria, *d)* symptomatica siue palliativa.

IV. Medicina practica

- 1) clinica, quae ad internas curationes respicit.
- 2) chirurgica, quae externis morbis et manu potissimum medetur.
- 3) forensis, quae casus medico legales considerat.
- 4) casuistica, siue consultatoria, quae ad distinctionem trium praecedentium disponitur.

p. 19. De singulis porro, hic enumeratis, doctrinis in capite quarto ex instituto agitur, et in quantum illae ad medicinam faciant, quoque modo et ordine tractari ad discipulos debeant, exponitur, selecta tandem medicorum librorum suppellex illis indicatur, qui copioso librorum numero carere coguntur. His peractis ad physiologiam accedit Cl. Auctor, et cum praeclaros iam viros, nostris in primis temporibus, in ea perficienda occupatos videret, eo tantum animo primam hanc medicinae theoreticae partem pertractandam se sibi sumsisse significat, quo arctissimum illum, qui inter medicas disciplinas est, nexum sequeretur, et ob eum, qui, in physiologicis in primis obseruatur, auctorum dissensum, istam, quae ipsi sese probavit, sententiam, auditoribus suis indicaret et illustraret prius ac confirmaret, quam aliorum opiniones recenseret inuestigaretque, ordine prater ea et nexu doctrinarum exposito, cultam iis, qua incedere possint, viam ostenderet. Sequenti vero modo dispositam suam physiologiam

p. 35.

logiam cum partibus ipsi annexis in tabula expressam
fistit:

Pars I. Physiologia generalis

P. 42.

Cap. 1) de solidis corporis humani.

2) de fluidis corporis humani.

3) de motu humorum per vasa maiora, siue de
circulatione sanguinis.

4) de motu humorum per vasa minora siue de
secrectione.

5) de appositione minimarum particularum
fluidi ad solida, siue de nutritione.

6) de fluido ex cerebro ad nervos delato, siue
fluidi neruei natura.

7) de sensu et motu per fluidum nerueum pro-
ducto, speciatim de motu muscolari.

Pars II. Physiologia specialis

Cap. 1) de transitu alimentorum per canalem prima-
rum viarum.

Sect. 1) de masticatione et salivae admixtione.

2) de deglutitione.

3) de actione ventriculi in ingesta.

4) de secrectione bilis eiusque natura.

5) de secrectione succi pancreatici eiusque
natura.

6) de actione duodeni in ingesta.

7) de actione ilei et ieiuni in ingesta.

8) de actione intestinorum crassorum et
excretionem aluina.

Cap. 2) de transitu chyli et lymphae ad sanguinem.

Sect. 1) de resorptione chyli per villos intestino-
rum.

2) de vasis lacteis et lymphaticis.

3) de natura chyli eiusque cum sanguine
remixtione.

Cap. 3) de respiratione et actionibus cum respiratione coniunctis, loquela, tussi, singultu etc.

4) de excretionem cutanea, perspiratione insensibili et sudore.

5) de se et excretionem urinae.

6) de sensibus externis.

Sect. 1) de tactu,

2) de gustu,

3) de olfactu,

4) de auditu,

5) de visu.

Cap. 7) de sensibus internis et somno.

8) de generationis negotio in sexu utroque.

Sect. 1) de se et excretionem spermatis.

2) de conceptione, nutritionem foetus et partu.

3) de mutationem hominis recens nati.

4) de mammarum fabrica et lacte.

Pars III. Semiotica physiologica.

Cap. 1) de signis sanitatis in genere, ex corporis humani mutationibus successivis petitis.

2) de signis sanitatis generalibus, ex corporis humani actionibus petitis.

3) de signis sanitatis specialibus, siue de temperamentis.

4) de signis sanitatis specialissimis, siue de sanitate partium.

Pars IV. Diaetetica siue doctrina de conservanda sanitate.

Cap. 1) de diaetetica in genere.

2) de regulis diaeteticis generalibus.

3) de aere.

4) de cibo.

5) de potu.

6) de motu et quiete.

Cap.

- Cap. 7) de fomno et vigilia.
 8) de excretis et retentis.
 9) de animi pathematibus.
 10) de regulis diaeteticis specialissimis.

Ad ipsam harum institutionum tractationem quod atti- p. 45.
 net, corpus equidem nostrum ex solidis et fluidis parti-
 bus constare scimus, confinia vero eorum incerta sunt.
 Quodsi enim solida ita inter se cohaerere dicamus, ut
 non nisi intensiore vi separari queant, fluida vero illa
 appellemus, quae solo pondere et guttatim a vicinis
 partibus recedunt, intensiorem tamen illam dictam,
 aequae ac alteram, a pondere dependentem vim, de-
 finire non possumus, cohaesio certe ex punctis conta-
 ctus particularum, obscure saltem cognitarum, plenarie
 exponi nequit, ex eo potissimum, quod fibram, quo
 magis tendatur, eo minus in contactum niti, inde se-
 quatur, secus ac illud fieri observamus. Sola igitur
 particularum compositio, ad fibrae naturam intelligen-
 dam, non sufficit, oblique potius illae sibi inuicem
 appositae et inter se complicatae, contextui celluloso
 irregulari similes inde factae, fibram sic dictam sim-
 plicem constituunt, utpote quae, ex fibris simplicissi-
 mis conflata, ob gluten, quod illis inest et cum soli-
 dis minimis concrevit, tenuem hac ratione cellulosa-
 telam format, et firmior magis atque cohaerens eua-
 dit. Ipsa praeter ea densitas atque tenacitas fluido- p. 50.
 rum corporis nostri, dum densitate atque tenacitate
 aquae maior est, facilem eorum cum solidis, inter quae
 distributa sunt, coniunctionem admittit. Nunquam
 enim pura et simplex est aqua, quae ex partibus cor-
 poris nostri, quibus copiosa inest, destillatione elici-
 tur, spiritum potius alcalino oleosum, ob admixtas
 salinas et oleosas particulas aequat ita, ut pro saponi-
 ceis, ex communi saponis notione, cum recentiorum
 plerisque, haberi possint nostri humores, nisi ex ante
 dicta tenacitate, visciduli magis et glutinosi illi appel-
 landi

- p. 62. landi sint. Sanguini certe viscidae et mucido pingues chyli partes peculiarem tenacitatem conciliant et spissitudinem, quae in diuersis subiectis varia, ad temperamentum sic dictum constituendum, concurrunt. Ipse hic sanguis non in omnibus arteriis aequali motus celeritate procedit, ex maioribus enim et paucioribus, in minores, copiosiores, et simul sumptos ampliores ramos abit, hinc tardius in iis mouetur quam in prioribus; nec obstat, quod rami minores, ratione trunci, plures fibras, hinc robur auctum, quod motus continuatio requirebat, habeant; nam dum trunco non tantum illi sed cordis etiam vi ob id resistunt, suum inde robur in duplicatam agentem potentiam impendunt. Sanguis ex ultimis arteriis ad venas dimissus non coactus nec densus est, sed ob accessum vasorum lymphaticorum, dilutus satis in iis, ut in ampliores semper canales abit, prope cor deinde collectus, non quidem premendo, sed influendo tantum in relaxatam auriculam recipitur et ventriculi anterioris potentia ad pulmones dimittitur, hinc, iam resolutus, magis adhuc in iis in partes minores diuiditur, quoad partes constitutiuas miscetur, in globulos nouos coit, comprimitur et condensatur, quae cuncta ab arteria pulmonali, respirationis tempore in minimis ramis nunc elongata, nunc iterum distenta eueniunt; sequuntur certe hi dicti effectus, quam cunque etiam pulmonum structuram assumamus.
- p. 69. In explicando porro cordis alterno motu, cum ad assumptum fibrarum eius antagonismum aequè minus ac ad compressionem neruorum et circulum sanguinis, contractis ventriculis, in coronariis cordis vasis sufflaminatum, respicere liceat, praeter id, quod inter auriculas et ventriculos, ut caua distincta, diuersis temporibus se contrahentia, quidam antagonismus statui queat, ipse sanguis affluens, pressione sua, vel ob stimulum forte, alternum hunc motum efficere valet. Expansum itaque cor, dum sese contrahit, non in primam tantum arteriae partem, sed per

per omnem arteriam continuatam in totam sanguinis columnam, vim suam impendit, ab ipsa tamen arteria adiuuatur humorum motus, ita ut vires a corde solo pendentes aestimari determinarique vix possint. Cum porro in omni systole aequalis ferme sanguinis quantitas, per aequales periodos et intervalla, in arterias abeat, et in iis etiam per similia intervalla progrediat, partiales, hae dictae, arteriae contractiones, in minoribus vasis parum discrepant, humoris tamen copia et impulsus, motus porro intestinus et elasticitas arteriarum diuersa, pulsum etiam varietatem arguunt. Progressio sanguinis per arterias, continuam particularum mutationem, seu motum intestinum producit, quippe qui, cum sanguis, aequabiliter mixtus, ex corde propellatur, in aortae principio nullus, ob lentio-rem demum in decrefcentibus arteriis motum, et inde factam resolutionem particularum, globulos componen-
tium, et diuersam earum in se inuicem actionem, ut a progressiuo distinctus, exsurgit. Idem hic intestinus p. 79.
sanguinis motus, secretionis causa est, quippe quae in sola mutatione proportionis consistit, quam particulae, fluida componentes, inter se habent, hinc absque resolutione humoris, in minimis vasis fieri nequit. Quamuis enim nulla secretio immediate ex sanguine fiat, aliae potius earum, in minimis et longius productis vasis celebrentur, aliae contra propius a sanguineorum vasorum systemate contingant, continuata tamen sunt vasorum propellentium systemata, reuchentibus similibus respondentia. Secernunt 1) arteriae in minores tantum ramos productae, tenue, perspirabile, 2) glandulae folliculosae, mucosum, lubricans, 3) glandulae conglobatae, nutriens, solutum et a crassioribus humoribus separatum, 4) glandulae conglomeratae, resoluens, saponaceum, 5) viscera denique glandulis analogae, singula iis proprium liquidum. Ex his, sanguine spissiores qui inueniuntur secreti humores, praeter id, quod et ante et post excretionem, in cauo

quodam haerere possint, exinde etiam hanc forte consistentiam acquirunt, si minimi ex sanguine extricati globuli, ad ostium secretorii vasis arctius sibi iunguntur et crassiores globulos constituunt, vel si tenuiores eorundem partes, in venas iterum abeuntes, crassiores, lente mouendas et sensim in secretorium vas deducendas particulas relinquunt; quod quidem ex spermatis secretionem omnium optime explicari, intelligique potest. Particularum tandem selectum in variis organis secretoriis fieri, et alimenta et medicamenta, specificè in quosdam humores agentia, et mixtiones eorum, ut appropriatas, ingredientia, varia denique morborum certorum in diuersis humoribus sedes, arguunt atque euincunt. In nutritionis negotio, praeter restitutionem amissi fluidi, seu repletionem illam, quam spuriam nutritionem appellare possemus, alia etiam est eius species, ubi nimirum cellulis minimarum fibrarum, aequae ac illis, quae inter solidas fibras ipsas inueniuntur, nutritius succus infunditur, et eas replendo nutrit; primo deinde huic nutritionis momento accedit in canalibus atque membranis, ex simplicibus eius modi fibris connatis, adhaesio fluidae nutrientis molecule. Sunt vero in hominis adulti minimis canalibus, duplicis generis fibrae, densiores aliae, corpus firmantes, quae, fluido appulso valide resistentes, parum nutriuntur et tantum humectantur, aliae contra laxiores, molliores, humores in cellulas suas recipientes et ipsis parum resistentes, inde etiam largioris nutrimenti capaces. Nutriens itaque humor, in diagonali canalibus linea motus, et destructionem solidi facit, et, dum partes lentius motas, hinc facile subsistentes et adhaerentes continet, nutritioni solidi minimi insimul opitulatur, quippe quae tandem, a nisu in mutuam cohaesionem, ob fibrarum antea distentam iterumque quietam redditam, nunc adaucto, absoluitur, ita, ut particula apposita loco suo insideat, et in eodem figuratur, expulsa praeter ea aquosa sui parte, densior euadat et

et solidescat. Discrepantes porro corporis partes di-
 uersas etiam nutrientes moleculas exigunt; euenit illud
 a diuersa fluidi in variis partibus mixtione, et a vario
 nisu atque cohaesione partium vicinarum in appositio-
 ne, quae, licet a priori non clarius cognoscantur, ex
 variis tamen, quae in nutritione obseruantur phaeno-
 menis, ex subiectorum in primis et partium unius
 eiusdemque corporis varietate, colligi possunt. Nu-
 trientem hunc succum nobilissimum esse, eius, cum
 spiritibus animalibus et spermate conuenientia docet;
 ex parte enim nutritionis materiam corpori subducunt,
 ex altera vim applicationis imminuunt, qui actione
 negotiosa nimium spirituum perdunt, aut salaciores
 sunt, hinc male etiam nutriuntur. Non omnia deni-
 que vasa delineata in corpore praexistere, nouos po-
 tius canales durante vita efformari, praeter multa, quae
 suadent, phaenomena, exinde etiam patet, quod fi-
 brae, per incrementum corporis solidae factae, intra
 sua strata, nouum succum recipiunt, ex quo, in simi-
 les sensim fibras coalito, et cum vicinis coniuncto, re-
 gularia caua seu vasa, per fluida a corde promota, ex-
 surgunt. In fluidi denique neruei natura aequae ascen-
 sus et motus, per illud perficienda, functione declaranda
 anatomica partium consideratio, quam alias in phy-
 logicis eius modi institutionibus, praesupponendam
 omnino esse statuit Cl. Auctor, praerequisitis necessa-
 ria est. Apparatus certe et copia sanguinis ad cerebri
 viscus deuenientis et tenerrima organi seccernentis fa-
 brica, subtilissimum, quam maxime elaboratum liqui-
 dum, copiose satis seccerni euincunt; medullarium po-
 tissimum fibrarum directiones et varius positus aequae ac
 neruorum, ex iis productorum, consideratio in obseruan-
 dis et explicandis phaenomenis notari merentur. Di-
 uiduntur equidem nerui, ut vasa, in ramos, ita ta-
 men, ut ratione caui, quod in vasis decrescit, iis dis-
 similes sint, minores potius medullares fasciculi a ma-
 ioribus separentur et quoad coniunctiones ramorum,

plexus et ganglia, diuersum a vasorum actione mechanismum arguant. Nerueum liquidum, a cerebro ad partes deductum, non nutrit neruos aut eos humectat, nec omnes medullares fibrae neruorum compagem ingrediuntur, multae potius earum, varia directione et nexu per cerebrum decurrunt, hinc peculiarem fluidi in cerebro, diuersis in fibris simul contingentem, motum euincunt. Duplici itaque via neruosum liquidum procedit, in fibris primo medullaribus cerebri et cerebelli, in protuberantia annulari coniunctis, in neruis deinde per totum corpus dispersis; haec duo fibrarum neruearum systemata, in dicta protuberantia concurrunt, motus tamen fluidi ipse, ex reliquorum humorum circuitu, explicandus non est, sed potius, ut velocissimus, canalem non tantum continentem, sed indolem etiam fluidi ipsius pro causa agnoscit. In omni namque neruorum actione celerior fluidi contenti impulsus et tremula propagatio motus, in fibra medullari, per hunc ipsum impulsum, ad tremorem suscipiendum disposita, euenit; non omnes interim neruum componentes fibras semper simul agere, nec totum neruum tremorem suscipere, sed medullares tantum et quasdam ex iis, saepius solas, agere, phaenomena docent. Quamuis porro, liquidi huius impulsus, a cerebro, tanquam a fonte proueniat, dictus tamen hic tremor, excitati sensus testimonio, ab extremo etiam fibrae initium ducens, ad cerebrum usque propagari potest. Fluidum ipsum motum, magna in copia non dissipatur, ad intendendum augendumque tremorem fibrae temporis quoddam spatium requiri, sensus et motus, successu temporis aucti, fortiolem porro impulsum fluidi in debilioribus fieri, cita eorum defatigatio, fluidum denique ipsum mutationis cuiusdam capax esse, a corporis non tantum laboribus, sed ex animi etiam negotiosa actione oborta defatigatio, euincunt equidem, quamuis nerui et fluidi ipsius naturam non explicent. Nerui ut sensuum et muscularis
motus

motus organa, finibus suis duplici modo excurrunt, vel enim, mediantibus vasis et cellulosa tela firmati, in membranas abeunt, ut in retina et labyrinthum inuestiente molli nerui acustici portione, vel arctius inter se nexi, papillas seu eleuata corpuscula formant, ut in tribus reliquis sensoriiis organis videre est; ad hanc tamen neruorum distributionem, non ita, quam ad obiecta, in effectuum diuersitate diiudicanda, respiciendum est. Motu porro incipit omnis sensatio, interni sensus et operationes mentis, quippe qui, per fibras vario tractu et diuersimode nexas, in cerebro decurrentes propagatur; omnes praeter ea sensorii tremores in protuberantia annulari, tanquam in communi sensorio conspirant, corporeis etiam motibus abinde incipientibus. Ea tandem notanda hic venit motuum differentia, ex qua neruus, ad omnem fibram mollem adueniens, elasticitatem, quam illa ex nexu particularum habet, influxu sui fluidi auget, vel quaedam saltim peculiaris structurae fibrae, nouum quasi fluidi impetum experiuntur, et inde ad contractionem stimulantur; illum elasticum, hunc vero vitalem fibrarum motum appellat Noster, et his duobus muscularem, ut tertium motus genus, adiungi posse opinatur. Membranosae certe partes, cutis v. c. ligamenta et aliae extensae, in pristinum quidem redeunt statum, sed ob vitale tantum atque elasticum quod obtinent robur, membranosi alii canales, ut intestina, praeter duplicatas has vires, pulposas plus minus rubicundas, etiam dispersas et diuersimode ordinatas habent fibras, ob quas, contentis resistunt eaque promouent; ipsae tamen hae fibrae, musculi nomine non veniunt, illud potius collectis eiusmodi, et propria cellulari tela distinctis, in utrisque extremis solidioribus partibus annexis fibrarum fasciculis plerumque tribuitur. Arterià, vena et neruus minima atque coniuncta, in visceribus glomerulos, in longitudinem vero decurrentia, fibram ultimam muscula-

rem constituunt, quamvis ipsa coniunctionis ratio in iis aequae ac fluidi nervei, quod cum fabrica fibrae simul considerandum venit, natura, nobis adhuc incognita sit, nec ex phaenomenis, in motu musculari observandis, certi quicquam colligi possit. Inter musculares denique canalibus intextas fibras, nullus antagonismus statuendus est; fluida enim, dum canales distendunt, fibras ad contractionem, ipsis velut propriam ac naturalem incitant, aliter ac illud in musculis proprie sic dictis evenire videmus, quippe qui varii, diversimode partem annexam mouent, pro vario ipsius liquidi nervei in hunc illumve muscolum influxu. Ad symmetriam denique, magis quam ad mechanices vectis regulas, compositum corpus, cum saepe proxime ad hypomochlion et angulum etiam acutum inserti sint muscoli, insignem instrumenti mouentis potentiam et validam liquidi influentis vim comprobant.

Ex priori, quae generalis est, physiologia, exempla proposuimus; plures adhuc ex altera, et specialiori illa parte, depromi possent sententiae, quae actiones corporis nostri, optima eaque non nunquam ab aliorum opinione recedente methodo, demonstratas sistunt. Praeter id vero, quod multa eorum, quae dici proponique deberent, huc usque dictis, ut fundamentis, innitantur, limites etiam in enumerando seruandos esse, instituti ratio monet. De semiotica interim physiologica, ut tertia eaque non contemnenda, harum institutionum parte, quaedam saltem, in genere tantum, in synopticae tabulae explicationem addere p. 232. liceat. Phaenomena in physiologica hominis consideratione notata, non tantum effectus, sed causas etiam sanitatis produnt, ita, ut ex actionum, per varia vitae iam actae stadia, nota conditione, signa anamnistica, ex iis vero, quatenus nunc comparata sunt perspectis, diagnostica, ex utriusque vero simul sumtis, prognostica sanitatis signa petere, et quamdiu illa perduratura sit, praesagire queamus. Non unicum tamen et
solum

solum illud, ob insignem actionum vitae varietatem, est sanitatis signum, quod pathognomonico, in morborum disquisitione occurrenti, aequi parari possit; consensus namque et conspiratio omnium actionum corporis sani ex unico et generaliori quodam phaenomeno non potest intelligi. Nec indicato hoc modo, sanitatis signa pertractare conuenit, ex eo, quod reiteratam, dictorum in physiologia et inutilem inde ac taediosam tractationem ille exigat, rectius potius atque fructuosius longe ea, ut medico scitu adeo necessaria, in quatuor capita, tanquam in classes disposita, recenseri possunt. Horum primum, quod signa sanitatis in p. 234. genere, ex successiuis corporis mutationibus petita, continet, mutationes non tantum a conceptu et natiuitate, ad decrepitam usque aetatem homini sano solennes, sed generales etiam singulis hisce vitae stadiis conuenientes, victus viuendique rationes, ex eo complectitur, quod illae ut causae aequae ac signa sanitatis considerari possunt. Sic iuuenile corpus, nimio in longitudine incremento conspicuum atque procerum, aut succis praeter modum repletum, priori in casu solida distenta, fluida vero vel parcius, vel laxae tantum iisdem apposita, altero vero in statu humores non rite praeparatos, et in morbosas mixtiones transeuntes, hinc corpora ad diuturnos aequae ac acutos morbos disposita arguit. Caput secundum ex actionibus cor-p. 241. poris humani petita signa sanitatis tradit generalia. Non solum vero actionum integritas et promptum earum exercitium, sed duratio quoque atque constantia notanda veniunt, quippe quae praesentis aequae ac praeteritae atque futurae sanitatis signa praebent. Ad omnes praeter ea corporis functiones et mirabilem earundem nexum atque consensum eo maiori iure respiciendum hic est, quo magis vitales, ut praecipuae, reliquas omnes mutant atque determinant. De circulatione itaque sanguinis, ex pulsu cognoscenda, et respiratione, digestionem deinde et secretionibus variis, de

de actionum denique vitalium vigore, ut signis sanitatis, hic refertur, et illa tandem iis subiunguntur, quae ab externo corporis habitu desumi possunt, appetitum etiam venereum sponte, in adulta aetate observatum, ita ut omne, quod homines ex rerum naturalium usu percipere solent, oblectamentum, pro
p. 246. sanitatis signo habendum esse, notatur. Omnia tamen huc usque indicata sanitatis signa, per ea determinantur, quae sanitatem unicuique propriam, seu temperamentum indicantia, in tertio capite enumeranda veniunt. Temperamentum vero, varia illa est diuersorum corporum, quoad partes componentes, dispositio, ex qua proportio fluidorum et solidorum, ratione copiae, roboris et mixtionis, in diuersis subiectis insigniter discrepat et per signa externa dignosci potest. Propria haec unicuique solidorum ad fluida relatio, si ad summa quaedam capita reducenda est, quatuor veterum temperamenta, quoad nomina saltem, retineri possunt; eorum enim, quem huic doctrinae adhibuerunt, labor inanis non fuit, per subtiliorem tantum diuisionem et sedulum minus in observando studium, moralem tandem, neglectis corporis conditionibus, minus rite declaratam hominis naturam, corruptus magis et inutilis redditus. Fluida itaque spissa et lentescencia, solida laxiora exsuperantia, phlegmaticum, fluida contra tenuiora et mobilia, laxiora solida exsuperantia, sanguineum, solida deinde rigidiora, tenuiores et mobiles humores, quoad copiam excedentia, cholericum, rigidiora denique eadem, fluida spissiora et immobilia exsuperantia, melancholicum sic dictum temperamentum constituunt, et quoad causas, singula signa, effectus et proprias affectiones, descripta hic leguntur, cum cautione tamen in sani, et magis adhuc in aegroti corporis disquisitione determinanda et probe prius ab idiosyncrasiae consuetudinis educationisque effectibus, posteriori vero in casu ab ipsis, per morbum corpori inductis, mutationibus discernenda sunt.

sunt. Cum porro haud raro de partis cuiusdam cor- p. 256.
poris nostri, viscerum potissimum ac organorum sani-
tate, quaestio moueatur medentibus, specialissima
etiam, quae sanitatem partium produnt, tradenda
sunt signa. Et haec quidem praeter id, quod ex uni-
uersali functionum corporis integritate, earumque
consensu colligi quodam modo possint, ex cognita ta-
men partium anatome, earumque agendi modo pe-
tenda sunt. Quaedam tantum huius rei exempla tra-
dit Cl. Auctor, dum de cerebri, pulmonum, cordis,
ventriculi ac intestinorum, hepatis tandem et organi
visus integritate et graduale partialis huius sanitatis
differentia, sermonem instituit, et normam inde pro-
ponit, ad quam medicus, reliquarum etiam partium
sanitatem et naturalem secretorum humorum misce-
lam et constitutionem, si opus est, exigere potest.
Tacemus reliquas, in parte quarta exhibitas, salutes p. 260.
diaetae, ad hominem sanum accommodatas, regulas,
de adiectis his institutionibus figuris, id tantum mo-
nentes, quod priores quatuor earum tabulae, fibrae
exortum, vasorumque nexum, variam diametrum et
continuationes illustrent, quinta vero, praeter nutri-
tionem minimi canalis, et peculiarem fluidorum, san-
guine spissiorum, ibi expressam, supra vero a nobis iam
indicatam, secretionis rationem, una cum sextae tabu-
lae figura ad organi visus declarationem pertineat.



XXX.

IOANNIS PHILIPPI BURGGRAVII, D. de aere aquis et locis urbis Francofurtanae ad Moenum commentatio, accedit disquisitio de origine et indole animalculorum spermaticorum. Francofurti ad Moenum sumtibus Io. Berni. Andreae, 1751. 8. 13. pl. sine praefatione.

Quod olim Hippocrates iam dederat sapientissimum consilium, ut medici, ad peregrina accedentes loca, cognita sibi reddant eorum situm, ventorum, aquarum, morumque, ibi degentium hominum, conditiones, id Francofurti medicinam facturis saluberrimum esse, bene perspicuens Cl. Auctor, hanc cum erudito communicavit orbi commentationem. Illudque ita executus est consilium, ut aliis exempli proponi possit loco. Licet enim in conscribendo hoc libello Cl. Auctoris haec non fuerit animi intentio, quippe quem, petitis FRANC. RONCALLI PAROLINI, Europae medicinam meditati et edenti, satisfactorius composuerat, et nimis festinanter prodeunte hoc libro RONCALLI, seposuerat, post ea tamen ex tenebris eum reuocavit, non inutilem, quod ipsi spondemus, se suscepturum esse credens operam. Ita vero hosce disposuit labores, ut tribus in sectionibus et physica et physiologica et pathologico therapeutica exponeret momenta, de quibus singulis praecipua si adduxerimus argumenta, non ingratum esse speramus lectoribus, cum et illa, quae uni tantum loco videri possent singularia et penes alios sua destitui utilitate, saepe tamen communem praestare possint usum.

Sectio itaque prima urbis francofurtanae, tum et aeris, aquarum et locorum eiusdem constitutionem naturalem, nec non victus et vitae incolarum rationem declarat.

clarat. Descriptis autem iis, quae ad situm urbis, di-
uisionem magnitudinemque eius spectant, subterra-
neas urbis cryptas, arte exstructas, perpetuo aquae
affluxu munditiem iis conciliari docet. Accliuēs prae- p. 5.
ter ea colles, syluaeque ita defendunt hanc urbem, ut
frigidis siccisque magis, quam calidis et humidis pa-
teat ventis, qui deinde per longum etiam spatium nul- p. 8.
la insalubria attingunt loca. Ager francofurtanus, vel
per se, vel arte ita fertilis est, ut suis aliis quoque
uberrime inferuire queat prouentibus. Culinare enim,
quas vocant, plantae elegantia suauitateque alias fere
superant. Ipsius autem urbis solum, sub humo ru-
fescens arenam, lutum post hunc coeruleum, vel
ex coeruleo nigrescens, vel etiam crustam saxoso spa-
thosam, sabulum deinde, et denuo lutum grauis odo-
ris exhibet. Haec dicta strata se inuicem excipiunt ad
puteorum effossorum profunditatem, quorum et ma-
gnus numerus est, et aquarum, inde scaturientium,
copia, praeter quas et fontes sufficientem suppeditant
quantitatem pluuiae, quarum aquas in varios usus
colligunt incolae. Duriusculae namque aquae sunt et
frigidae, limpidae tamen et insipidae, quarum quali-
tatem notitiam experientiae, a Cl. Auctore adductae,
reddunt. Puteales lapideas, fluuiales calcarias in se p. 15.
habent particulas, et hae posteriores quidem ex cen-
tum unciis quatuordecim calcareae terrae grana exhi-
bent, quae causa simul est, quod ad lauanda lintea,
legumina aliaque coquenda pluuialem praeferant inco-
lae aquam. Sunt et aliae hic loci aquae, medicatae di- p. 17.
cendae, ex quibus, a moeno procul in occidentali ur-
bis regione situs puteus, *Faulpump*, notandus est, qui
limpidam et coeruleascentem aquam fundit, putridum
vero odorem exhalat, volatilem tamen, nec diu per-
sistentem. Ex centum pariter unciis, quinquaginta
duo grana magmatis terreo salini extraxit Cl. Auctor,
ex quo et sal communi admodum simile, et calcaream
obtinuit terram. Cum hoc conuenit alius, in agro
pro-

- profiliens fons, vulgo scabiosorum dictus, cuius contenta, sollicitis ab Auctore institutis tentaminibus explorata, hic adducuntur, et illum de sale marino multum participare testantur. Putat autem Cl. BURG-
GRAVIVS, sulphureas horum fontium salinasque particulas vegetabilibus conciliare bonam indolem, vinoque colorem. Praeter has thermae fodenfes locum hic inueniunt, quae scilicet tribus ab urbe horis pro-
ueniunt, fugaci acore praeditae, tenuemque subpin-
p. 22. guem bolarem emittentes cremorem. Ab aquarum consideratione ad aerem se conuertit Cl. Auctor. Hunc a nociuis liberum esse exhalationibus ex iis, quae de ventis supra diximus, iam intelligitur, quippe qui temperatum eum seruant, siccitatem vero praeter ea solet transitus per moenum, in continuo motu versantem, emendare, si nimirum sicci per se venti spirant, quibus has transire vias necesse est. Hanc a natura concessam salubritatem magis adhuc promouet victus
p. 28. huius urbis incolarum ratio. Plantarum, quae adeo laute hic crescunt, esu maximopere delectantur, quem calculosorum podagricorumque paucitatis causam esse coniicit Cl. Auctor, LOBBI vero propriisque experi-
p. 30. mentis confirmat. Non tamen deest animalis victus, piscium in primis magna copia. Inter potulenta aqua, excepto plebe, rarius utuntur, abutuntur vero calidis, qui peruersus nunc fere communis fieri solet mos, potuum generibus. Non reticendum autem est, ple-
rorumque incolarum vitam esse actuosam. Incolas quod attinet, mediocria, rarius procera habent corpora, macilenta plerumque, coloris subfusci, oculis
p. 38. variis, vix atris instructa. Ex capillis subfuscis, raro ruffis, rarissime atris, quos francofurtanis datos esse conspiciamus, signum bene temperatorum humorum desumendum esse, Auctoris est opinio, non sine limitatione assumenda. Id, quod ipse noster concedit
BURGGRAVIVS, adductis sanguinis, ex vena secta
p. 40. fluentis, explorationibus, ita concludens: *forſan ho-*
rum

*rum colorum rationes in diuersa systematis cholipoeiseos
fabrica et in diuersa inde nata bilis crasi haerent.*
Animis francofurtani sunt ingenui, et scientiis tractan-
dis apti. Morbis etiam non vexantur endemiis, nec p. 40.
nisi iis, qui et aetatibus proprii sunt et ab aliis rebus
non naturalibus pendent, raro tamen scirrhus, can-
crosque spontaneos, hydropes, calculos, podagras,
febresque malignas obseruari monet Auctor. Ex fol-
licite porro collectis demortuorum per dimidium se-
culum indicibus, vernali tempore plurima elata fuisse
funera constitit, quod HIPPOCRATIS effato, huic con-
trario sententiae, non respondet, quantum autem cum
eo conciliari possit in fine huius sectionis a Cl. Aucto-
re docte probatur.

In *sectione secunda, qualia francofurtanis corpora,* p. 48.
urbis, tum et aeris, aquarum et locorum ibidem con-
stitutio naturalis formet, disquiritur. Ex aeris, aqua-
rumque, superius adducta indole nunc etiam corpo-
rum francofurtanorum conditiones deducendae sunt.
Haec autem a frigidis siccisque densantur ventis, hinc
bene perspirant, salubribus praeter ea utuntur cibis,
et aquis, duris licet frigidisque, ut noxias neutiquam
contemnendis. Inferior vero venter hanc ob causam p. 53.
stringitur obstitaturque, superioris ventris secretioni-
bus fluidioribus existentibus; nec non bile magis quam
pituita abundant incolae, quod etiam ex defectu illius,
quae in narium cauitate alias secerni solet, clarum est p. 55.
Auctori. Quam siccitatem optime in febribus putri-
dis corrigi posse idem cognouit, si tepida in nares
fuerit saepius attracta. Interim et ratio in hisce latet
causis, quam propter francofurtani longaeuam haud
raro attingant vitam, id quod demortuorum satis di-
stincte demonstrant indices, de quibus non solum, sed
de natis etiam, eorumque numero post ea refert. In-
colarum vero numerum praeter ea ex domorum copia
simul diiudicat, nec non de animorum qualitatibus,
supra breuiter indicatis, fusius dispicit.

- Cum vero et optima quaevis, certis sub conditionibus, possint mala euadere, bonae haec et salutare, francofurtanis a natura concessae, conditiones aliquando
- p. 70. noxam inducunt, ex quo factum est, ut *tertia sectione* agat Cl. Auctor, *de incommodis, quae aer, aqua et potus francofurtanis adferunt, et de modo illis medendi*. In genere aere densantur fluida, intendendo solidorum in illa actionem; augentur hinc cruditates. His expositis, de sexu sequiori in specie et infantibus agit. Haemorrhagiae narium et haemoptyses inde haud infrequentes sunt, quorum morborum occasionales causae intempestivus iuuenum nicotianae usus et praematura Venus sunt. Contra quos incongruas sanguinis emissiones, praeter venae sectionem et enemata, recentes herbas, cum lacte et conferua rosarum destillatas, sibi eximium praestitisse usum fatetur. Vitanda autem esse docet adstringentia, et asparagorum, quibus delectantur, usum, quod sale nitroso illos abundare arguat, quod malum hocce recrudescente facit. Nec raro sanguis obstructions parit, inflammationesque, multos producentes morbos, quorum generalem curationis methodum proponit Cl. BURGGRAVIVS. In ophthalmiis, hisce ex causis obortis, si iam discussae illae fuerint, conducit asellorum viuarum, in mortario contusorum, assumptio. De his autem reliquisque morbis ita differit Auctor, ut naturam eorum et methodum medendi studiose explicet, de quibus tamen omnibus fusius dicere nobis non licet. Pauca vero adhuc et singularia nobis visa, praetermittere non possumus. In febrium itaque curatione corticis peruiani, rite usurpati, magnam esse efficaciam, quicquid aliis videatur, recte putat. Viscerum deinde abdominalium labes saepe in viscido, ibidem aggregato et haerente liquido consistit, quod gummatum ferulaceorum vario usu soluit et expellere
- p. 110. tentat. De hisce vero gummatibus id praecipue notat, large per diem sumta, praescribit enim ad duas et semissem

femissem et ad tres drachmas, visum afficere, obscurare paululum, sed breviori temporis spatio hosce de-
 nuo disparere effectus. In epilepsiarum curatione
 oleum animale DIPPELII Nostro etiam sese comproba-
 uit, quod vero non super cineres aut cretam, sed per p. 119.
 se aut ex capite mortuo ut destilletur, iubet. In ge-
 nerationis negotio notandum, Francofurti plures ma- p. 127.
 sculos, quam feminas procreari, saxenhausenorum ta-
 men pueri francofurtanorum numerum adhuc exsupe-
 rant, quod ex duriori eorum vitae genere deducen-
 dum esse autumat, et Israelitarum, ex sacro codice
 repetitis exemplis illustrat. Post partum Francofurti p. 135.
 in communi fere usu est decoctum, cuius virtutes in
 pellendis lochiis conspici experientia demonstravit Cl.
 Auctori, qui illud laudat. Paratur autem ex feminis
 cicerum rubrorum et cornu cerui partibus aequalibus
 unciiis tribus, radicis graminis uncia una cum semisse,
 floribus quatuor cordialibus ana uncia semisse, quae p. 136.
 cum aqua simplici decocta, filtrantur et potantur.
 Durities aquarum, supra exposita, in puerperis etiam
 lactis secretionem impedit, quae et conuenienti victu
 restituitur et sequenti in primis puluere, ex puluere
 stomachico BIRCKMANNI, vel simili, cum lactis lu- p. 137.
 nae et seminum anisi, foeniculi et nigellae, pauca
 quantitate admixtis, composito feliciter adaugetur.
 Inter infantum morbos rhachitis haud rara est, in a- p. 141.
 dultis tamen, post quadragesimum et quinquagesimum
 demum annum eundem accessisse morbum observa-
 uit Cl. Auctor. De hisce igitur pertractatis laboribus
 plura hic a nobis exponi non debere eam iudicamus ob
 rationem, quod ob ingens in artem nostram emolu-
 mentum optemus, ut unus quisque, in sua patria vel
 peregrino medicinam faciens loco, illamque pertractans
 comparisonem instituat, differentias notet, utrius-
 que loci et illis suam in iuuando accommodet ope-
 ram.

- Additam vero, *de origine et indole animalculorum spermaticorum*, disquisitionem, nouam de his proponens theoriam, quantum ipsius rei dignitas permittit, adhuc perlustrabimus. Refutatis prius aliorum de animalculis spermaticis opinionibus, suam explicat
- p. 150. Cl. Auctor sententiam, per testium fabricam ita efformari animalcula seminalia, prout puluis prolificus solet in vegetabilibus praeparari, non plus autem de animali continere, ac puluis ille de planta. Cum vero hac in re cum vegetabilium impraegnatione quaedam sit conuenientia, de antherarum puluere, prius ad ipsius animalis considerationem quam accedit ea, quae vel nudo vel armato deteguntur oculo, adducit diiudicatque Cl. Auctor. Praetermissis autem iis, quae de incubatione totoque post impraegnationem in ouulo apparatu monentur, ea tantum notamus momenta,
- p. 156. quae in embryonibus tenuioribus, sex vel plurium septimanarum, abortu reiectis, ad confirmandam suam sententiam obseruauit Noster. In iis scilicet deprehendit partes ruditer tantum efformatas fuisse, nec perfectas, sensim vero magis ex se ipsis prodissse: quippe cum et artus primo plane non, deinde vero tuberculorum instar apparuerint. In alio etiam exemplo, sollicite dissecto, tum externarum quarundam partium, tum internorum viscerum rudimenta tantum, vel nulla eorum inuenit vestigia. Ex quo consequitur, ut animalculum spermaticum germen futuri sit foetus, cuius partes appulsu demum humorum, in homine post moram aliquam in utero, perficiuntur.
- p. 159.
- p. 161. Praecipue vero principia spinalis medullae et cerebri continet. In origine igitur eius modi animalculorum ad testiculos nobis respiciendum est, quorum in fabrica se deprehendisse visus est Auctor omne id, quod ad formanda eadem pertinet. Dissecuit autem huius rei cognoscendae causa testes taurinos, eosque tam studiose, ut in eorum fabrica noua quaedam detexerit,
- p. 162. notatu maxime digna. Est enim in testiculis etiam cuiusuis

iusuis animalis singulare quid, prout in antherarum puluere plantarum, illudque in vasorum distributione per tunicam testiculorum albugineam primo disquirendum est loco. Quam ob rem vasa repleuit terebinthina cinnabari tenuissima tincta, ultimo tandem loco ceram superiniecit liquefactam, seuo hircino et oleo terebinthinae subactam cinnabarique coloratam. Licet autem subtilis haec massa fuerit; ipsa tamen testium substantiae vasa ingressa non est, vestigia vero eius in corpore conspiciebantur pyramidali. Albuginea horum testiculorum tunica singularem exhibebat fabricam, in duplicem siquidem findebatur lamellam, alteram exterio-
 rem densam, spissam et elasticam, alteram internam vasorum ramificationes suscipientem. Hanc ultimam intus densa alia et pellucida cingebat membrana, quam exinde vitream appellare libuit. Cl. Auctori, itidem duplicata, partim interiorum inuestiens albugineam, partim in ipsam penetrans testiculi substantiam. Patet itaque ex his, vasorum summam esse subtilitatem, ramificationumque innumeram fere quantitatem, nec non ex his, et aliis, quae remoram iniiciunt procedenti sanguini, clarum est p. 165.
 B V R G G R A - p. 169.
 V I O, lympham sanguinis ad minimas hasce fistulas sensum urgeri, et fabrica quidem, in reliquis corporis partibus haud conspicua, ita ut in his terminis animalculorum spermaticorum assumenda sit origo et formatio. Dubius interim manet Noster, an hoc prout in modulo hic fiat, an vero per ultimorum vasorum extensionem, quod ultimum polyporum generatio ipsi videtur confirmare. Subtilitas enim par-
 tium, ad ea usque indagatione, quamvis solerti, ut penetremus, vetat. p. 170.
 Indoles autem horum animalculorum ea est, ut simplicia et in omnibus fere animalibus, quod et LEVWENHOECKII experimenta comprobant, eiusdem fere sint magnitudinis. In ovo incubato demum post paucas horas maiora esse reddita observantur, et spinali medullae, quam primo re-
 ferunt,

- p. 173. ferunt, reliquae partes successiue accedunt. Ex quo concludit Cl. Auctor, animalculum spermaticum in homine, *simplicissima futurae spinalis medullae, mox etiam cerebri principia continere, cum conditionibus vel legibus enasciturarum omnium reliquarum partium, data per conceptionem occasione demum efformandarum, ex quibus post ea genitum animal constructum obseruatur.* Nec dubitat, in ipso semine ulterius haec animalcula, relicta si fuerint, perfici, quae vero perfectio illo in uterum, quod animalia viuipara spectat, immisso maior fit, incrementibus iisdem, partibusque omnibus successiue plenius efformatis. Sequuntur porro ex his alia momenta, tanquam consuetudinaria, quae, cum tota tractatio lectione digna sit, hic omittimus, sufficiat Cl. Auctoris de formatione animalculi spermatici coniecturam exposuisse. Hoc unicuique nobis dubitationem reliquit, quod ingenuo Auctori non putamus molestum esse, ut moneamus, quae ratione animalculum tale ex sanguine eiusque lymphae, docente eodem, tantum enatum, mouendi se et sentiendi acquirat facultatem; tactus enim sensum ipsi adscribit; in primis, cum descriptus hic mechanismus specialem secretionis rationem sistere videatur, pro formando organico corpore non sufficientem. Plantarum etiam vita solo calore, aliisque causis externis demum fit actiuosa, polyporum generatio, multis licet accuratissimisque TREMBLEYI obseruationibus illustrata, obscuritatem relinquit, insectorum tandem metamorphoses sunt successiuae partium, rite iam formatarum, sed sub alio schemate latentium, successiuae euolutiones; ut cum aliis fateri cogamur, totum generationis opus, a sapienti naturae auctore non sine ratione eius modi adhuc obuolui tenebris. Quam acute autem Cl. BURGGRAVIUS, in momentis omnibus sit versatus, neminem, haec pensitantem, latere poterit.

XXXI.

Differtation sur les medicamens qui affectent certaines parties du corps humain plutôt que d' autres; et quelle seroit la cause de cet effet: Qui a remporté le prix au iugement de l'académie royale des belles lettres, sciences et arts de Bordeaux. Par M. BOISSIER, D. S. à Bordeaux, chez Pierre Brun. 1751. 4. mai. 5¹/₂ pl.

i. e.

Differtatio de medicamentis, quae certas corporis humani partes prae aliis facile afficiunt, et quaenam sit huius effectus causa?

Post quam remediorum, quid sub iis intelligi debeat, et principiorum, ex quibus eorum actio exponi queat, aliorumque, quae ad generalem de viribus et actione medicamentorum theoriam pertinent, definitiones, ex physica generali desumptas, proposuit Cl. Auctor, mentem suam explicat, quod singularem p. 6. corporis humani partem tum demum ab aliqua medicina, siue ore sumta, siue externe applicata, affici dicat, quando haec vel in illa parte, solida, licet ei quoque haud immediate applicata fuerit, vel in eius humoribus, determinatum aliquem effectum edat, uti v. c. ab assumtis cantharidibus ardorem urinae, sanguinis per urethram profluuium, et convulsivas membri genitalis erectiones excitari observamus. Cum re- p. 7 media vero agant in machina animata, seu cui inest principium motus, duplici vi donatum, sensu nempe ac propensione quadam ad auertenda illa mala, quae ipsi imminere sensus ope perceperat, et ad commoda sua quaerenda, quod ab aliis *natura* dicitur: omnes, qui in corpore viuo remediorum usum sequuntur, effectus in primis ad vitale illud principium, ex sententia

- p. 8. Cl. Auctoris, referendi sunt, licet modus, quo agat; saepius nobis sit incognitus. Vnde enim v. c. alias a solo alicuius, quod a natura auersatur aeger, remedii aspectu, aut eius recordatione, vomitus? Quam ob rem proprios medicamentorum effectus, qui a natura distincti sunt, in cadaueribus obseruandos esse ille tradit, cum talia reperiantur, quibus adhuc post mortem, et sanguinis fluiditas et solidorum elasticitas remaneant. Num ipse vero tales instituerit obseruationes,
- p. 9. non inuenimus. Nec ab impulsu, quo applicatur remedium, ne illo quidem, qui in vasis sanguiferis et lymphaticis accedit, neque a sola eius grauitate, vim illius propriam dependere posse asserit, cum ea nihil praeter illud efficere queant, quam quod occasionem agendi suppeditent, simulque in certis partibus prius, quam in aliis illud agere faciant, prout nimirum ad
- p. 11. hanc illamue partem id primo feratur: solam potius medicamenti vim ab illo, experientia comprobato, principio, quod *adhaesionis* vel *attractionis mutuae* appellare solent physici, deriuari posse, uti iam ab aliis rerum physicarum doctoribus, e. g. KEILIO, HAMBERGERO, aliisque factum esse Cl. Auctor ipse concedit, simulque ex hoc ipso principio demonstrare annititur, cur remedia, si ex virtute sua inhaerente agant, certas atque determinatas corporis partes prae aliis afficiant. Ante vero, quam hoc praestet, ad naturam respicit, atque docet, quo modo ab hac medicamenta, ut instrumenta ad obtinendum finem, partesque corporis, uti machinae, adhibeantur. Licet totum nostrum corpus nervis instructum, unaque eius pars prae altera sensu magis acuto praedita sit, diuersique homines diuersa sensuum vi polleant, ita ut unus altero magis sit sensibilis: remediorum tamen effectus ex principiis tantum mechanicis explicari nequeunt, cum effectus ipsa causa longe minores esse obseruentur; nec intelligi possit, cur haec potius, nec alia corporis pars, afficiatur; id quod exemplo sternutationis satis fuse
- p. 16. expli-

explicatur. Concludit igitur Cl. Auctor, quod natura p. 17.
 ra dirigat atque determinet mutationes, medicamen-
 torum usum excipientes, nec ea his, uti causae sed
 principio illi vitali, irritationis sensu excitato atque in
 motum actō, tribui debeant; illique effectus in ratio-
 ne sint cum ipsius naturae sensibilitate; porro etiam
 sub eodem irritationis gradu, in ratione cum viribus,
 quae adhuc insunt subiecto; et tandem, quod medi-
 camenta, iam diu in usum vocata, haud conspicuum
 edant effectum, natura quippe attentione inde debi-
 liore facta. Medicamenta vero eas corporis partes p. 20.
 tantum afficiunt, ad quas deferri possunt, siue ipso-
 rum moles, figura atque indoles in causa sit, quod
 ad alias partes deduci nequeant, siue ipsarum partium,
 quas attingunt, fabrica atque motus ulteriori eorum
 motui et actioni impedimento sint; v. c. si ea non sint
 soluta, aut eorum moles tanta, ut venas lacteas vel
 alias resorbentes intrare nequeant, aut in corpore solui
 non facile possint e. f. p., qua in re leges in primis,
 secundum quas sanguis mouetur per suos canales, at-
 tentionem merentur, quippe quae, prout v. c. graui-
 tas humorum mutata fuit, eorum quoque motum at-
 que impulsum in canalibus diuersae diametri mutant
 atque dirigunt. Vltcrius dein Cl. Auctor progreditur p. 27.
 et exponit, quo modo medicamenta ex propria sua
 virtute seu ex principiis ipsorum physicis in determina-
 tis corporis partibus agent. Iam iam diximus, quod
 ex *principio adhaesionis* et legibus eidem competentibus
 effectus illos explicet atque demonstret; quod mini-
 mae remediorum particulae pro diuersa grauitate spe-
 cifica, quam habent tum illae ipsae, tum solidae at-
 que fluidae corporis partes, quibus adplicantur aut ad-
 miscentur, praesertim si ad vasa minima seu capillaria
 delata fuerint, in quibus propter lentum humorum
 circulum attractio locum habet, diuerso quoque mo-
 do et in diuersis vasis operentur. Valere enim con-
 stat regulam, quod corpora adhaereant aliis, quorum
 L 5 specifica

specifica grauitas aut eadem est, aut iis potius insignior. Inde fit v. c. ut aqua soluat gummata, non vero resinas. Cum igitur omnes corporis humani partes suam habeant grauitatem specificam, quae a Cl. Auctore eo modo inuestigata fuit, ut quamque eius partem in aere, dein vero in aqua mensuraret; cumque etiam remediis sua sit grauitas: fieri non potest, quin eorum aliqua in hoc, alia vero in alio corporis loco soluta adhaereant, suamque exferant virtutem, prout eorum nimirum grauitas maiorem minoremue cum illius loci fabrica atque humoribus habet conuenientiam. In primis hunc in finem utitur Cl. Auctor illis principiis atque experimentis, quae Cl. HAMBURGER in *elementis suis physicis* et in *dissertatione de mechanismo secretionum* proposuit, quae anno 1746 ab academia Burdegalensi praemio coronata fuit, quibus sua, quae ipse quoque instituit, immiscet. Cum illa vero omnibus satis debeant esse cognita, hic loci nunc ea repetere nolumus, omnino tamen digna, quae in

p. 40. nexu legantur. Quamuis vero theoria de propria medicamentorum actione multum inde illustretur, concedit tamen Cl. Auctor, quod omnes, qui post eorum usum obseruantur, effectus sint compoliti, ex principiis nempe mechanicis atque physicis tum machinae nostrae, tum eorum ipsorum, explicandi. Mercurius viuus v. c. per cutis poros in corpus introductus, vi cordis, eadem, qua sanguis, celeritate proiectus, alios effectus in vasis maioribus, nempe insignem calorem, alios vero in minimis, motu ibidem languefcente, praestat. Cum enim in glandulis salivalibus menstruum sibi proprium deprehendat, nunc agere incipit ex virtute sua physica, et ptyalissimum

p. 42. facit. A vero enim haud alienum esse iudicatur, quod dentur diuersae glandulae, quae diuersos quoque humores secernant, quorum alii horum, alii vero aliorum medicamentorum particulas actiuas soluere valeant. Laudare modo indicatam dissertationem superfluum

fluum erit, cum ab inclita iam societate fuerit laudata. Optamus saltem, velit Cl. Auctor aut alius vir amplificandis scientiis aptus, observationes de medicamentorum viribus rite factas colligere, ut experientia adiuti, difficillimam hanc et quoad multorum adhuc medicamentorum propriam indolem atque actionem, non satis clara luce illustratam physicae scientiae partem, penitus perspiciamus.

XXXI.

Noua Medica.

Doctores et Professores medicinam docentes:

1) In Academia Erfordienſi.

HIERONYM. LVDOLF, Phil. et M. D. Fac. Med. et Phil. Aſſeſſor. O. Chym. et Math. P. P. Ciuit. Phyſic.

HERMANN PAVL IVCH, M. D. Sac. Pal. Caef. Comes. Sereniſſ. Ducum Sax. Goth. et Vinar. Conſil. Aul. et Archiat. Fac. Med. Sen. et Aſſeſſ. Prim. Pathol. et Prax. P. P. O.

IOAN. HIERON. KNIPHOF, M. D. Anat. Chirurg. et Bot. P. P. Fac. Med. Aſſeſſ. A. N. C. Adiunctus et Bibliothecarius.

IOAN. CHRISTOPH. RIEDEL, M. D. Inſt. Med. P. P. O. Fac. Med. Aſſeſſ. Extr. A. N. C. Socius.

IOAN. HENR. MELCH. WINDHAVER, M. D. eiſd. P. P. Extr. et Phyſic. Prouinc. Erford.

BERN. MARIANVS LVTHER, M. D. eiſd. Prof. Publ. Extr.

2) In Academia Wirceburgenſi.

IO. MART. ANASTAS. ORTH, Phil. Chir. et M. D. et P. P. O. ac Senior.

LAVR. ANT. DERCVN, Phil. et M. D. et Bot. P. P. O.

IO. VOGELMANN, Phil. et M. D. Prax. et Chym. P. P. O.

GEORG.

GEORG. LVD. HVEBER, Phil. et M. D. Anat. et Chir.
P. P. O.

ANDR. IOSEPH. RVGEMER, Phil. et M. D. Inst. Med.
P. P. O.

3) Collegii medico - chirurgici Berolinensis:

1) Directores.

IO. THEODOR. ELLER, M. D. Reg. Boruss. Consil.
Aulae et Archiat. Primar. ut et copiarum Borussica-
rum Medicus primus, Classis Physicae Acad. Scient.
rerum etiam medico - chirurgicarum totius regni
Director, supremi collegii medici Decanus A. N. C.
Socius.

CHRISTIAN. ANDREAS COTHENIVS, M. D. Regis
Consil. Aulic. et Archiat. copiarum Borussicar. Me-
dicus secundus, supremi Collegii Medici Decanus
secundus, urbis Postampii Poliater.

2) Doctores et Demonstratores.

AVGVSTVS BVDAEVS, M. D. Regis Boruss. Consil.
Aul. et Archiat. supremi Collegii medici Prof. Pri-
mar. Coll. medico - chirurgici, Anat. et Physic. Prof.
A. N. C. et Acad. Reg. Scient. Berolin. Socius.

MICH. MATTH. LVDOLFF, M. D. Medic. Aulic. Med.
et Botan. Profess. Acad. Scient. Berol. Socius.

IO. HENR. POTT, M. D. eiusdemque et Chemiae
Prof. Acad. Scient. Berolin. Socius.

THEODORVS SPRÜGEL, M. D. Medic. Aulic. The-
rapiae Profess. Acad. Scient. Berol. Socius.

SIMON PALLAS, Chirurgiae Profess.

FRIDER. HERMANN. LVDEWIG MUZELL, Physiol.
et Pathol. Prof. Regii Nosocomii Charitatis Medi-
cus ordinarius.

IOH. FRIDER. MECKEL, M. D. Anat. Profess. secun-
dus Acad. Scient. Berolin. ut et Göttingensis So-
cius.

IOH. HENRIC. BONNIST, Chirurgus Generalis, Chirurgorum, stipendiariorum aequae ac eorum, qui aegrotos in nosocomio tractant, Inspector.

Varia huc usque in diuersis Europae prouinciis, naturalis aequae ac medicae scientiae causa capta consilia non absque oblectamento hic sistimus, et ex felici eorum executione non parum utilitatis atque splendoris in artem nostram redundaturum esse auguramur.

Hassniae primo, optimi Daniae Regis iussu omnium artium et scientiarum academiam conditam et in arce, cui nomen est Charlottenburg, collocatam iri, illius potissimum hortum exoticis aequae ac indigenis plantis colendis dicatum esse exinde magis adhuc confirmatur, quod curam noui huius horti botanici Cl. GEORGE CHRISTIAN OEDER, Med. Doctori concreditam iam iam et stipendium huius muneris ergo ipsi tributum fuisse, relatum legamus.

In *Viennensi* porro perantiqua Vniuersitate ex Imperatricis Augustae voluntate atque in literas propensione, praeter alia, quae academiae et scientiarum florem et incrementum spectant, mandata, qui philosophicarum aequae ac medicarum disciplinarum curam atque praesidium haberet, constitutus fuit Ill. GERARDVS VAN SWIETEN, vir in utroque, amicabili ad modum vinculo nexo, scientiarum genere, diu multumque cum laude versatus.

Sueciae similiter Rex, eodem in rei medicae incrementum directo studio, quo rectius cuncta peragerentur, suorum consilio usus, Liberum Baronem DE HOEPKEN, Regii Collegii medici, quod Holmiae est, Praesidem nominauit, et eo absente, Regii sacri palatii Quaestorem ipsi substituit.

Por-

Portugaliae porro Regem praeterito iulii mense, in urbe Tomar, quae in prouincia, Extremadura dicta, sita est, nouam scientiarum academiam condidisse, non conditorem tantum, sed Curatorem etiam illius se praebuisse, Regia denique stipendia sociis tribuisse, nuntiatur. Non parum inde historiae naturali et medicae scientiae utilitatis accessurum esse, exinde colligimus atque speramus, quod regiam, quae Parisiis floret, academiam, velut exemplar sibi proposuit potentissimus illius auctor.

In *Tubingensi* etiam Academia, ex fructuosa Ducis Wirtembergensis munificentia, praeter alia, eaque egregia instituta, chemicis operationibus dicatum laboratorium nouiter exstructum, anatomicum vero theatrum amplificatum magis fuisse atque adauctum, relatum legimus.

Ex literis denique *Londini* acceptis, non ingratum fore lectoribus nostris putamus, si optimi illius diarii, quod *Londini* transactionum philosophicarum sub nomine prodit, eam nunc indicemus rationem, quam illa clarorum virorum societas, in eo in posterum edendo post mortem CROMWELLI MORTIMER, sui olim secretarii perpetui, sequetur. Dicta nimirum anglicana societas transactiones illas ut suas in posterum, ipsa curabit, nec secretario soli, ut hactenus factum est, eas edendi officium relinquet, ita, ut de iis semper quae inferuntur, omnis nunc societas respondeat. Iungimus his nuperrime in nouis publicis relata: Societatis nimirum praesidem, MARTINUM FOLKES, equitem anglicanum, a variis aduersae valetudinis iniuriis huc usque tentatum, ab hoc inde munere discessisse, eius vero in locum GEORGIUM, Comitum DE MACCLESFIELD, nobilem literis fauentem a. d. 30. novembris anni praeteriti a societate iterum electum et constitutum fuisse.

Norim-

Norimbergae degentis sculptoris IO. MICHAELIS SELIGMAN dexteritas atque solertia, in adiuuanda historia naturali adeo conspicua et multis huc usque exemplis confirmata, duorum, quae meditatur, operum mentionem hic loci ut faciamus, exigit. Primum eorum quod edendi consilium coepit, illae sunt Cl. CLAVDII PERRAVLT dissertationes, quae naturalem animalium historiam concernunt, et academiae Regiae scientiarum parisiinae, ab anno praeteriti seculi sexagesimo sexto usque ad annum nonagesimum nonum collectis et publicatis commentariis, una cum iconibus insertae reperiuntur. Quinquaginta in iis, quoad anatonem descripta, et in iconibus non tota tantum, sed quoad partes quasdam etiam expressa animalia sunt, quae in tres veluti classes disposita, solertissimus vir, ob sumtuosam nimis operam, singula seorsim aeri incisa, cum suis descriptionibus, tempore tamen non definito, cum harum rerum cupidis sequenti sub titulo in forma quarta communicabit: CLAVDII PERRAVLT *zur natürlichen Historie der Thiere dienliche Nachrichten, aus dem Französischen ins Deutsche übersetzt von D. GEORGE LEONHARD HVTH*. Primum partis huius prioris segmentum, quod leonis descriptionem et in duabus tabulis eum primo integrum, deinde aliquas tantum, ex eo desumptas hicque expressas, partes continet, pretio quinque grossorum et quatuor obulorum, ita ut sequentium, emitur. Cum ea perrauliani huius operis editio, quae Hagae comitum 1731 prodiit, a parisiina, ab academiae sociis ipsis curata, quodam modo differat, SELIGMANNVS noster, qui posteriore utitur, dictam hanc differentiam suo tempore indicaturum se esse, spondet. Idem ille, suasu Ill. TREWII, quem in priori etiam auctorem secutus est, ex splendido illo opere LVDOVICI FEVILLÉE * desum-

* Journal des observations physiques mathematiques et botaniques, faites par l'ordre du Roy, sur les cotes orientales.

defuntas et aeri incisas plantas, earum vero descriptiones ex gallico sermone in germanicum translatas, hoc sub titulo se editurum esse indicat: *Des Pater* LVDWIG FEVILLÉE *Beschreibung zur Arzney dienlicher Pflanzen, welche in den Reichen des mittägigen Amerika in Peru und Chily vorzüglich im Gebrauch sind, in dem Lande selbst auf Königl. Befehl in den Jahren 1709, 1710 und 1711. aufgesetzt, nebst verschiedenen andern aus eben desselben Tageregister physischen Beobachtungen gesammelten, und zur natürlichen Historie gehörigen Anmerkungen, übersetzt v. D. GEORG LEONHARD HVTH.* Plantarum sculptarum folia sex una cum additis duabus, earum descriptiones continentibus, plagulis, pretio quatuor grossorum, quatuorue nummorum venales, rerum naturalium cultoribus, et illis in primis, qui plantas exóticas earumque vires scire cupiunt, offeruntur. Prima, quae iam ad manus nostras peruenit, operis huius particula, aequae ac prioris illius, de quo diximus, operis specimen non parum nitoris ac elegantiae conspiciendum praebet.

Regia *Göttingensis* scientiarum societas in conuentu a. d. II. mensis nouembris proxime nunc elapsi anni, ex instituto, de quo in commentariis nostris retulimus,* dissertationes de turfi nobilitate atque praestantia conscriptas, disquisiuit, et ex octo earum, praemium illi tribuit, quae a Cl. BANSSEN, praefecturae superioris quaestore, Neostadii in ducatu calenbergenfi degente, confecta, relationibus Hanoueranensis inferta

orientales de l'Amerique meridionale et dans les Indes occidentales depuis l'année 1707 jusques en 1712. par LOUIS FEVILLÉE. Tomes III. à Paris 1714. 1725. 4. mai. c. fig. aen. Operi huic iuncta est sequens tractatio: Histoire des plantes medicinales, qui sont le plus en usage aux Royaumes de l'Amerique meridionale, du Perou et du Chily.

* Vol. I. Pars III. p. 528.

ferta legitur. *. Ill. deinde huius societatis Praefes, praeter ea, quae de elaborationibus, salis praeparationem tractantibus et ad diem primum iulii huius anni disquirendis, nos itidem iam supra indicauimus, thesin in conuentu publice proposuit, quam illa disquisitionibus a. d. 10 mensis nouembris huius anni diuidendis, promissio eodem duodecim nummorum aureorum pretio, destinavit. Quaeritur nempe: quatenam forte in germanicis Angliae Regis prouinciis reperiuntur vegetabilia, quae opificiis manu factis adhibenda, vel in alia hominum commoda conuertenda, quoad usum huc usque incognita fuerunt. De hoc utili certe argumento conscriptae dissertationes, eodem, quo diximus modo, tradendae sunt.

Quae *Tolosae* scientias, inscriptiones et elegantiores literas tractat societas, theoriam auditus, tanquam selectum, quod ad annum quinquagesimum primum pertinebat, problema, ob argumenti difficultatem, quinquagesimo et quarto huius seculi anno iterum dicauit. Illud pertractantibus physicis, studiose non tantum singularum auris partium functiones describendae, sed eae etiam utilitates indicandae sunt, quae ab earum figura proueniant, et in quantum quaelibet earum sonorum perceptionem iuuat.

Divioni itidem condita scientiarum et bonarum artium Academia, nullum commentariorum ipsi oblato- rum pretio dignum iudicauit, thesin potius eandem huic iterum anno destinavit, sequentem ea quaestionem continet: quid clima vel aeris conditio prouinciae cuiusdam in temperamento et viribus incolarum constituendis valeat, et quomodo illud abinde declarari possit.

Bur-

* vid. *Hanoverische Anzeigen*, d. an. 1752. n. 4.

Burdigalensem denique academiam, ad annum quinquagesimum secundum pertinentes commentarios, quorum materiem nos supra iam indicasse meminimus *, similiter seposuisse, et idem illud, de ustilagine frumenti, propositum argumentum quinquagesimo et quarto anno iterum destinasse et aliam praeter ea thesin eidem illi anno consecrassse accepimus. Regulas nimirum dicta haecce clarorum virorum societas exigit certas et indubitatas, ex soli insimul atque specierum vitis varietate definitas, secundum quas vinea deputari debet.

Lutetiae Parisiorum, Regis sub tutamine chirurgiae incrementum curans academia, ex instituto viri, dum viueret, Cl. FRANCISCI DE LA PEYRONIE, nummum aureum 500 pondera gallica (*livres*) aequantem, ut praemium ab ipso constitutum, quinquagesimo et quarto huius seculi anno, sequentem thesin omnium optime pertractanti, tribuet: Cum amputatio membrorum in vulneribus, cum ossium collisione coniunctis, iis in primis, quae vi sclopeti facta sunt, necessario semper institui debeat: quibus in casibus statim post vulnus acceptum, operatio suscipienda sit, et in quibus contra, eam ad tempus differre conveniat, indicandum et per subnexas validas satis rationes confirmandum est. Reliqua quae hanc thesin pertractantibus eruditis obseruanda veniunt, problema huic, quo viuimus, anno dicatum commemorantes, iam iam notauimus. **

Göttingae quae floret regia scientiarum societas Cl. CHRISTLOB MYLIVM, ex variis, bonarum artium et naturalis in primis historiae causa, susceptis laboribus, lectoribus nostris iam cognitum, nunc vero iter in dissitas Americae prouincias meditantem, iis annu-
merauit,

* Commentar. nostror. Vol. I. Pars I. p. 149.

** Commentar. nostror. Vol. I. Pars III. p. 527.

meravit, cum quibus literarium ipsi est commercium. Eodem similiter correspondentis titulo virum Cl. IONAM SIDREN medicinae doctorem et facultatis medicae Vpfaliensis adiunctum, condecoratum fuisse legimus.

Berolinensis regia scientiarum academia a. d. 5. octobris anni praeteriti Cl. IO. GODOFREDVM ZINN, medicinae doctorem et MARSIGLIVM VENTVTI, Reginae Hispaniae viduae archiatrum primarium, die vero 19 eiusdem mensis Cl. PHILIPPVM ADOLPHVM BOEHMER medicinae et anatomiae in academia Halensi professorem, qui observationum anatomicarum, ad uterum humanum pertinentium, fasciculum nuperrime edidit, ut socios extraneos sibi iunxit.

In *Göttingensi* porro academia muneri medicinam extra ordinem docendi, haud ita pridem Cl. IO. GODOFREDVM ZINN, quem paulo ante iam nominauimus, admotum fuisse notamus.

Holmiae praeterlapso octobris mense rebus nostris interesse desiit Cl. EWALDVS RIBE, medicinae doctor et Regis Sueciae archiater primarius, collegii medici praeses et academiae scientiarum Holmenensis socius, annum agens quinquagesimum primum.

Basileensis itidem academia, viri Cl. EMANVEL KOENIG, medicinae prof. a. d. IO. septembris subitanea morte defuncti, iacturam passa est.

Tubingae porro decimo tertio eiusdem mensis die obiit IOHANNES CONRADVS CREILINGIVS, mathematicos et physices per quadraginta et quatuor annos in dicta illa academia professor, septem vero abhinc annis, ob aetatem, vitam priuatam agens, academiae Regiae scientiarum parisiensis socius. De hoc bene de

literis et physicis potissimum doctrinis merito, ut anno praeteriti seculi septuagesimo et tertio iam nato fene, illud ut dignum notatu refertur, cum septuagesimum tertium aetatis iam annum agentem, variolis demum correptum, feliciter tamen hunc morbum superasse.

Dresdae tandem a. d. 16 praeterlapsi mensis decembris fatis cessit FRIDERICVS GOTTLOB GÜNTHER, S. Reg. Mai. Polon. chirurgus, cuius a nobis olim iam inter collegii medico-chirurgici Dresdensis socios nominati*, memoriam hic recolendam esse putamus, quod paucioribus iis germanorum chirurgis, ille iure meritoque annumerandus sit, qui artem, quam callent, sollicite non tantum pertractant, sed rationem quoque cum obseruatione coniungunt.

XXXIII.

Index scriptorum physico medicorum, quae anno 1752. prodierunt.

Histoire de l'academie Royale des sciences pour l'année 1747. avec les memoires de mathematique et physique pour la même année, à Paris, 4. mai. c. fig.

Auserlesene Abhandlungen, welche an die Königl. Academie der Wissenschaften zu Paris von einigen Gelehrten eingesendet, in ihren Versammlungen abgelesen und von ihr herausgegeben worden, erster Theil; darinnen 16 zur Naturlehre und Chymie gehörige Stücke sich befinden; aus dem Französischen ins Deutsche übersetzt, von FERDINAND WILHELM BEER, Leipzig, 8. mai. mit Kupfern.

Histoire de l'academie Royale des sciences et belles lettres l'année 1750. Tom. VI. Berlin. 4. c. fig.

Der

* vid. Comment. nostr. Vol. I. Pars IV. p. 711.

Der Königl. Academie der Wissenschaften in Paris, physischer Abhandlungen, 8ter Theil, welcher die Jahre 1727 bis 1730 in sich enthält, übersetzt von WOLFG. BALTHASAR ADOLPH VON STEINWEHR, Breslau, med. 8. mit Kupfern.

K. Svenska Wetenskaps Academiens Handlingar, Tom. XII. Stockholm. 8. c. fig.

Abhandlungen der Königl. Schwedischen Academie der Wissenschaften, aus der Naturlehre und Hausbal- tungskunst und der Mechanic auf das Jahr 1745 über- setzt von A. G. KAESTNER, 7ter Theil, Hamburg und Leipzig, 8. mai. mit Kupfern.

Eben derselben 8ter Theil auf das Jahr 1748, ibid. 8. mai. mit Kupfern.

Lettres patentes du Roi portant l'etablissement d'un College de Medecine à Nancy. à Nancy, 4. mai.

Hamburgisches Magazin, oder gesammlete Schriften zum Unterricht und Vergnügen aus der Naturfor- schung und den angenehmen Wissenschaften überhaupt, 8ten Bandes 4. 5. und 6tes Stück, Hamb. und Leipz. 8. mit Kupfern.

Eben desselben 9ter Band, ibid. eod. mit Kupfern.

Eben desselben 10ten Bandes 1. und 2tes Stück, ibid. eod.

Medicinische Versuche zu Edimburg, 5ten Bandes, erster und zweyter Theil, Altenb. 8. mit Kupfern.

Allgemeine Historie der Natur, nach allen ihren beson- dern Theilen, nebst einer Beschreibung der Natura- lien-Kammer des Königs von Franckreich; nebst einer Vorrede des Hrn. VON HALLER, von der Erzeu- gung, 2ten Bandes erster Theil, Hamb. und Leipzig, 4. mai. mit Kupfern.

Commentarii societatis Regiae scientiarum Göttingen- sis Tom. I. ad annum 1751. Göttingae, 4. c. fig.

Acta physico medica Academiae Imperialis Naturae Curioforum, Vol. IX. Norimb. 4. c. fig.

Allgemeine Historie der Reisen zu Wasser und Lande; oder Sammlungen aller Reisebeschreibungen 10ter Band, Leipzig, 4. mit Kupfern.

Sammlung neuer und merckwürdiger Reisen zu Wasser und Lande, aus verschiedenen Sprachen übersetzt, 5ter, 6ter und 7ter Theil, welche den 2ten, 3ten und 4ten Theil der Sibirischen Reise IOH. GEORG GMELINS in sich enthalten, Göttingen, 8. mai. mit Kupfern.

Voyage historique de l'amerique meridionale fait par ordre du Roi d'Espagne par Don GEORGE IVAN, et Don ANTOINE DE VLLOA; ouvrage orné des tres belles figures, plans et cartes necessaires, avec des observations astronomiques et physiques, 2 Voll. Amsterd. 4.

Physikalischer Belustigungen, 11tes, 12tes und 13tes Stück, Berlin, 8. mit Kupfern.

Recueil des piéces en prose et en vers, lues dans les assemblées publiques de l'acad. Royal. des belles lettres de la Rochelle, a Paris, 8. c. fig.

Neue Versuche nützlicher Sammlungen zu der Natur- und Kunstgeschichte, sonderlich von Ober-Sachsen, 2ter Band, gesammlet von einem Liebhaber derer Wunder und Wercke Gottes, CHRISTIAN GOTTLIEB GRUNDIG, Schneeberg, 8. mit Kupfern.

Eben derselben 25tes Stück, 8.

Schauplatz der Natur; oder Unterredung von der Beschaffenheit und den Absichten der natürlichen Dinge, wodurch die Jugend zu weitem Nachforschen aufgemuntert, und auf richtige Begriffe von der Allmacht und Weisheit Gottes geführt wird, 7ter Theil, welcher einige der vortreflichsten Künste, die Handlung, das Reisen, und die Einrichtung eines Landes betrachtet, aus dem Französischen übersetzt, Wien und Nürnberg, 8. mit Kupfern.

Selecta physico - oeconomica; oder nützliche Sammlungen von allerhand zur Naturforschung und Haushaltungs-

baltungskunst gehörige Begebenheiten, Erfindungen, Versuchen, Vorschlägen, und darüber gemachten Anmerkungen, sammt einer Nachricht von alten und neuen hierzu dienlichen Büchern und Schriften, 1ter Band, Stuttgart, 8.

Oeconomisch physicalischer Abhandlungen 3ter Theil, worinnen unter andern eine ausführliche Abhandlung von der Viehseuche, wie solche seit dem Anfang dieses Seculi in Deutschland, besonders in Sachsen grassiret etc. Leipz. 8.

Eben derselben 4ter Theil, ibid. 8.

Oekonomischer Nachrichten 4ter Band, welcher das 37te bis 48te Stück enthält. Leipz. 8.

Gründliche Auszüge aus denen neuesten medicinisch- und chirurgischen Disputationen, welche auf denen hohen Schulen in Deutschland gehalten worden, 3tes Stück, Stuttgart, 8.

Gesellschaftliche Erzählungen, 1ster bis 30te Stück, Hamburg, 8. mai.

Leipziger Sammlungen von allerhand zum Land- und Stadtwirthschaftlichen Polizey - Finanz - und Cammer - Wesen dienlicher Nachrichten, etc. 94tes - 104tes Stück, Leipz. 8.

Observations sur l'histoire naturelle sur la physique et sur la peinture avec des planches imprimées en couleur, Tom. I. trois parties, à Paris, 4.

Idem liber, 12. c. fig. coloratis, ibid. eod.

Variétés historiques physiques et literaires, ou recherches d'un savant, contenant plusieurs pieces curieuses et interessantes, Tom. III. à Paris, 12.

Motus physici analysis in usum studiosae iuventutis, Breslav. 8. c. fig.

Explication des premieres causes de l'action dans la matiere, et de la cause de la gravitation, à Paris, 8.

Anmerkungen über einige in der heutigen, sonderlich Wolfischen Physick angenommene Lehrsätze, Franckfurth und Leipz. 8.

Traité d'optique, ou l'on donne la theorie de la lumiere dans le systéme Newtonien, avec des nouvelles solutions des principaux problemes de dioptrique et de catoptrique, à Paris, 4.

Anhang der Anleitung zur Markscheidekunst, Dresden, 4.

Entdeckung nützlicher Oefen, welche das Zimmer warm machen, ehe noch der Ofen warm ist, und welche man mit leichten Kosten sich anschaffen kan, Leipz. 8.

Histoire du tremblement de terre de Lima et de Callao, avec la description de Perou, touchant les moeurs, coutumes, religion, gouvernement, commerce etc. et recherches sur les causes des tremblemens de terre, avec des figures et des cartes etc. traduit de l'anglois, à Paris, 12. 2 parties.

Histoire generale et particuliere de l'électricité: ou ce qu'on en dit de curieux et d'amusant, d'utile et d'interessant, de rejouissant et de badin, quelques physiciens de l'Europe, Tom. III. à Paris, 12.

Recueil sur l'électricité medicale, dans lequel on a rassemblé en deux volumes les principales pieces publiées par divers savans sur le moien de guerir les maladies en électrisant les malades, Tom. I. et II. à Paris, 12.

Histoire des singes et autres animaux curieux comme le castor l'elephas etc. ibid. 12.

Dictionnaire botanique et pharmaceutique contenant les principales propriétés des mineraux des vegetaux et des animaux etc. nouvelle edition augmentée, ibid. 8.

Wohlbewährte Garten-Geheimnisse, wie Pflanzen und Blumen zu tractiren, nebst sympathetischen Wirkungen der Natur etc. 5te Auflage, Wien und Nürnberg, 8. mit Kupfern.

Der wohlunterwiesene Anfänger in der Chymie, Wien, 8.

Falscher und wahrer Lapis philosophorum; oder eines vornehmen Philosophi unschätzbarer Unterricht von allen

allen, was ihm bey kostbarster Suchung des Steins der Weisen begegnet ist etc. *ibid.* 4.

Kern der ganzen Medecin, worinnen auf die kürzeste Art die Arzeney-Mittel, so bey den vornehmsten Kranckheiten nothwendig sind, in Recepten angegeben werden, daß ein ieder sein eigener Arzt seyn könne, auf Befehl des Herzogs von Cumberland zum Gebrauch des Kriegs-Hospitals von denen Königl. Leibaerzten, Wundaerzten, Ober-Wundarzt und Ober-Apothecker zusammen getragen; aus dem Englischen ins Deutsche übersetzt, Rudolstadt, 8.

Medicinischer Hauptschlüssel, oder gründliche Einleitung zur vernünftigen Cur aller innerlichen Kranckheiten, durch welchen einer jeden eigentlichen Beschaffenheit genau untersucht, und die Cur nach den neuesten, sonderlich Stahlianischen Principiis begreiflich gezeiget wird, durch den Autorem des medicinischen und chirurgischen Schlußes (auctor est Dietrich), 3te Auflage, Leipzig, 4.

Granatapffel, freywillig aufgesprungener, des christlichen Samariters; oder eröffnete Geheimnisse vortreflicher Mittel und Arzeneyen, wieder alle Zustände des menschlichen Leibes; aufs neue vermehret; nebst einem Kochbuche, 2ter Theil, Wien, 4.

Der geschickte Franzosen-Doctor; oder gründliche Anweisung alle venerische Kranckheiten sicher und leicht, auch ohne Hülfe eines Medici zu curiren, 8.

Programma in memoriam RVD. FERDINANDI DE SILVERSTEIN, de cura pascuorum, (auct. est IO. ERNEST. HEBENSTREIT,) Lips. fol.

Untersuchung der sich zeithero einschleichenden Horn-Viehseuche, worinne sie bestehe, wie ihr möglichst vorzubauen, und wie das krancke Vieh zu pflegen ist, Köthen, 8.

Der nach medicinischen Lehrsätzen sicher und gewiß curirende Pferde Arzt, Franckfurth, 8.

La cuisiniere bourgeoise, suivie de l'office, à l'usage de tous ceux qui se mêlent des dépenses des maisons, concernant la manière de dissequer, connoître et servir toutes sortes des viandes, Tom. II. à Paris, 12.

IOH. FRIDER. ACKERMANN, Diff. sistens praefagia medica ex praecordiis, Resp. *George Wilh. Feuerlein*, Göttingae, 4.

Memoria MICH. GOTTLIEB AGNETHLERI, M. D. academiae nomine celebrata a IO. BENED. CARPZOVIO, Helmstädtii, 4.

Agriculture parfaite, ou nouvelle decouverte touchant la culture des arbres par M. G. A. AGRICOLA, 2 Voll. Amsterd. 8. c. fig. aen. (*titulus saltim novus*).

MICH. ALBERTI Diff. de voto obedientiae medico, Resp. *Christ. Gotthold Stoltzenberg*, Halae, 4.

Eiusd. Diff. de causis vitiorum auditus, Resp. *Christ. Fridemann Pistorius*, ibid. 4.

Eiusd. Diff. de haemorrhagiarum complicatione, Resp. *Gottfr. Christ. Wilfroth*, ibid. 4.

Abregé de toute la medecine pratique etc. ouvrage publié ci devant tant en latin qu'en anglois par M. I. ALLEN, edition quatrieme augmentée de quantité de pieces et d'articles interessans pour la pratique medicinale et chirurgie par Mr. BORDON, 7 Voll. Paris, 12.

Reflexions sur les vaisseaux de cuivre, de plomb et d'étain, et division de l'extrait du livre intitulé: nouvelles fontaines domestiques; avec une dissertation sur la veritable cause des obstructions dans les reins et dans tous les visceres, venant des principes des alimens et des eaux, ou de la dissolution des filtres, qui se mêlent dans la digestion avec le chyle et causent differens maladies, par Mr. AMY, à Paris, 8.

Extrait du Livre intitulé: nouvelles fontaines domestiques, approuvé par l'acad. Roy. des sciences;
ou

ou description des vaisseaux nécessaires dans les cuisines et sans danger, pour l'eau et la préparation des alimens en conformité des décisions de la faculté de médecine de Paris, confirmées par plusieurs morts subites de 1751. avec deux instructions pour la connoissance et l'usage des nouvelles fontaines par Mr. AMY, à Paris, 8.

The history of the Island of Minorca, by JOHN ARMSTRONG, Lond. 8. (*continet topographica, ad naturalem historiam pertinentia*).

CAROL. AVRIVILLI Diss. ex opere cosmographico IBN AVARDI particulam latine versam et illustratam notis, sistens; Resp. *Ephraim Axelson*, Upsal. 4. (*continet haec dissert. observationes philologico-botanicas*).

HIACYNTH. THEOD. BARON quæst. med. an in curanda ani fistula ferro præstant caustica? Resp. *Io. Bapt. Barjolle*, à Paris, 4.

De principiis animalibus, exercitationes habitæ a GVILIELMO BATTIE, Londini, 4. (*continuatio trium aliarum iam 1751. notatarum.*)

CAR. AVG. A BERGEN Diss. de animalibus hieme sopitis, Resp. *Francisc. Heyn*, Francf. ad Viadr. 4.

Eiusd. Diss. de Trachea, Resp. *Frider. Wilh. Wachter*, ibid. 4.

Observations physiques et medecinales sur les eaux minerales d'Epoigny de Pourain de Dige et de Touci aux environs d'Auxerres, avec une consultation à l'usage de ceux qui en boivent par M. BERRYAT, à Auxerres, 12.

Memoires sur la structure intérieure de la terre, par Mr. ELIE BERTRAND, à Zurich. 8.

HENRIC. BESNIER, quæst. med. utrum in uestionis usu medico culpanda neotericorum timiditas, an veterum audacia? Resp. *Carol. Gillot*, à Paris, 4.

IOH. BESSE, quæst. med. utrum aneurismati cruralis arteriae ligatura? Resp. *Jacob. Gourler de la Motte*, à Paris, 4.

IACOB. BEVMER, Diff. de morbis ex constitutione singulari tam solidorum, quam fluidorum in qualibet ætate oriundis, Lugd. Bat. 4.

ANDREAS BINA Ragionamento sopra la cagione de terremoti, Perugia, 4.

IOH. FRANCISC. ADOLPH BLAW, Diff. de hydropo peritonæi, Argent. 4.

IO. BENI. BOEHMERI, prolusio, in qua callum ossium a rubiae tinctorum pastu infectorum describit, Lips. 4. c. fig.

PHIL. ADOLPH. BOEHMERI, observationum anatomicarum rariorum fasciculus, notabilia circa uterum humanum continens, cum figuris ad viuum expressis, Halae, fol. mai.

GEORG. RVDOLPH. BOEHMER, Pr. de plantis fasciatis, Viteb. 4.

Elemens de chymie par Mr. HERM. BOERHAAVE, traduit du latin par I. N. S. ALLAMAND, Voll. II. Amstel. 8. c. fig. aen.

Eiusd. de viribus medicamentorum, Ienae, 8. c. fig.

Consultationes medicae, siue sylloge epistolarum cum responsis HERM. BOERHAAVE in Britannia primum editae, nunc aliquot exemplis auctiores, accesserunt eiusdem introductio ad praxin clinicam et praelectiones de calculo. Editio Göttingensis altera, Götting. 8.

NICOL. BÖRNER'S *Kinder - Arzt, nebst den Lebensumständen des Verfassers*, Erf. und Leipzig, 8.

FRIEDRICH BÖRNER'S *Nachrichten von den vornehmsten Lebensumständen und Schriften ieztlebender berühmter Aerzte und Naturforscher in und um Deutschland*, 2ter Band, Wolfenbüttel, 8.

Eiusd. de tabe sicca lethali a mirabili duodeni angustia et praeternaturali plane ventriculi situ, Lips. 4. c. fig.

(GEORGE FRIEDR. MOOR,) *die gebärende Frau sammt ihrer Leibesfrucht in Lebensgröße etc. in Frag und Antwort erkläret und mit einem doppelten Anhang und Vorrede erläutert von D. FRIEDR. BÖRNER, 4te Auflage, Ffr. Leipz. 8. mit Kupfern.*

IO. BAPT. BOHADSCH Diff. de veris sepiarum ouis, Pragae, 4. c. fig.

IO. HENR. BONHOEFFER, Diff. de saccharo eiusque viribus et usu, Altorf. 4.

Beschreibung einer ganz neuen Erfindung allerley Arten von Getraide mit geringen Kosten zugleich auszusäen, unterzupflügen und zu eggen, nebst beygefügter Zeichnung der darzu gehörigen Maschine. Frckf. und Leipz. 4. (auctore C. F. VON DEM BORNE.)

Memoire sur l'huile de Petrole en general et particulierement sur celle de Gabian. Lue à l'acad. des sciences et belles lettres de Besiers, approuvée par l'Université de medecine de Montpellier, à Besier, 4. (auctor est Mr. BOVILLET.)

LVD. CLAVD. BOVRDELIN, quæst. med. an tussis puerorum clangosæ vulgo Coqueluche, emesis? Resp. Io. Bapt. Basseville, à Paris 4.

IO. GOTTF. BRÜNDEL, Diff. de lethargo, Resp. Bened. Henr. Löhr, Götting. 4.

Eiusd. Diff. de iusta methodi refrigerantis in morbis aestimatione, Resp. Io. Frider. Eichfeld, ibid. 4.

Eiusd. Progr. de fabrica oculi in foetibus abortiuis observata, ibid. 4.

Eiusd. Diff. de valetudine ex hypochondriis, Resp. Io. Ludwig Süßermann, ibid. 4.

Eiusd. Diff. de recto calefacientium in morbis usu, Resp. Ludwig Christ. Baumgarten, ibid. 4.

Eiusd. Progr. sistens commentarioli practici in coacas Hippocratis prænotiones pensum I. et II. ibid. 4.

De

De veneno animantium naturali et acquisito tractatus
auct. DOMINICO BROGIANI, Florenz, 4.

Oratio Harueiana, principibus medicis parentans;
medicinam, academias utrasque laudans; empyri-
cos eorum cultores perstringens; collegium usque
a natalibus illustrans, in theatro collegii Regalis
medicorum londinensium habita a GVILIELMO
BROWNE, Lond. 4.

VRBAN FRIDR. BENEDICT BRÜCKMANN *Unterfu-
chung der Ursachen, woher die beständige Bewegung
der untern Kinlade bey einigen alten Leuten rühre,
Wolffenbüttel, 4.*

CORNELIS VAN BRUGGEN, Diff. de temperamen-
tis, Traiect. ad Rhen. 4.

ANDR. ELIAS BVCHNER, Diff. de prudenti medica-
mentorum mutatione, Resp. Traugott Dreyfig, Ha-
lae, 4.

Eiusd. Diff. de olfactus ad capienda signa usu, Resp.
Frider. Langer, ibid. 4.

Eiusd. Diff. de obsoletis quibusdam remediis frequen-
tiori usu restituendis, Resp. Traugott Gotthilf Voig-
tel, ibid. 4.

Eiusd. Diff. de vomitu cruento plerumque per se non
lethali, Resp. Io. Heinr. Lichtenberg, ibid. 4.

Eiusd. Diff. de nexu podagrae cum calculo renum et
vesicae, Resp. Dan. Gottl. Zierold, ibid. 4.

Eiusd. Diff. de Trepanatione, Resp. Ioseph Rüssel,
ibid. 4.

Eiusd. Diff. de oleis essentialibus aethereis, eorumque
operandi modo et usu, Resp. Ios. Fried. Vangerow,
ibid. 4.

Eiusd. Diff. de incongruo diaphoreticorum usu frequen-
ti affectuum exanthematicorum causa, Resp. Conrad
Dahl, ibid. 4.

Eiusd. Diff. de tremore artuum eiusque causis, Resp.
Iulius Iob. Mollweide, ibid. 4.

- ANDR. ELIAS BVCHNER, Diff. de modo agendi metallorum in C. H. Resp. *Ioh. Henricus Mollweide*, ibid. 4.
- Eiusd. Diff. de ore ut signo, Resp. *Io. Conrad Philip. Zimmermann*, ibid. 4.
- Eiusd. Diff. de aquis medicatis praesertim fonte medicato Cliucensi, Resp. *Christ. Henr. Schütte*, ibid. 4.
- Eiusd. Diff. de singulari quadam Indorum orientalium dysenteria eiusdemque praecipua a nostrate differentia, Resp. *Ioh. Thom. Laurich*, ibid. 4.
- Eiusd. Diff. de oculo ut signo, Resp. *Christ. Frider. Oswald*, ibid. 4.
- Eiusd. Diff. de insolito corporis augmento frequenti morborum futurorum signo, Resp. *Casp. Ioach. Quabeck*, ibid. 4.
- Eiusd. Diff. de inflammatione sanguinea, Resp. *Ioh. Iac. de Steinen*, ibid. 4.

⚞⚞⚞⚞⚞ ⚞⚞⚞⚞⚞ ⚞⚞⚞⚞⚞ ⚞⚞⚞⚞⚞ ⚞⚞⚞⚞⚞ ⚞⚞⚞⚞⚞ ⚞⚞⚞⚞⚞

Contenta in hac parte:

1. Commentarii societatis regiae scientiarum Göttingensis Tom. I. p. 3
 2. DE HALLER Iconum anatomicarum Fascicul. V. p. 21
 3. EISENMANN Tabulae anatomicae quatuor uteri duplicis p. 24
 4. CHRISTELL Diff. de partu gemellorum coalitorum p. 28
 5. Acta physico - medica academiae naturae curiosorum, Vol. IX. p. 32
 6. TREW Plantae selectae, Dec. III. p. 49
 7. MARTINE Dissertations sur la chaleur p. 52
 8. BOVRDELIN An tussi puerorum clangosae, vulgo *Coqueluche*, emesis? p. 53
 9. FALCONET An legitimae vulnorum suppurationi promouendae cortex peruuianus? p. 55
- 10.

10. CHEVALIER An per fuffitum felicior et tutior, quam per inunctionem mercurialem morbi venerei curatio ? p. 57
11. BUTINI Traité de la petite verole p. 58
12. Hamburgifches Magazin, VIII. Band p. 61
13. Oeconomifch physicalifche Abhandlungen, 3 Theil p. 71
14. Vermehrtes und verbessertes Blackwellifches Kräuterbuch, 1. Hundert p. 73
15. TREW Hortus nitidiffimus florum p. 79
16. KNORR Regnum floræ p. 80
17. MARTYN Historia plantarum rariorum Dec. I. p. 81
18. MEYERS Vorftellung der Thiere und Scelette p. 82
19. SEELIGMANNS Sammlung feltener Vögel p. 84
20. CATESBY Piscium, ferpentum etc. imagines p. 85
21. ROESELII Historia naturalis ranarum noft-
tium p. 85
22. KNORR Lapides diluvii uniuerfalıs testes p. 92
23. Deliciae naturae felectae p. 92
24. GMELINS Reise durch Siberien, erfter und
anderer Theil p. 93
25. ANDRE Differtation fur les maladies de l'ure-
thre p. 107
26. DE PAYVA de affectu atrabilario mirachiali p. 113
27. HILL History of plants p. 118
28. HEISTERI Pr. quo iniquum iudicium in com-
mentariis noftis de noua fuarum inftit. chi-
rurg. edit. Amftel. enervat p. 134
29. LUDWIG Institutiones physiologiae p. 141
30. BURGGRAVII de aere, aquis et locis urbis
Francofurtanae ad Moenum p. 158
31. BOISSIER Differtation fur les medicamens
etc. p. 167
32. Noua medica p. 171
33. Index fcriptorum phyfico - medicorum quae
anno 1752 prodierunt p. 180



